

OFFICIA PROPRIA
S A N C T O R U M

à SACRA RITUUM CONGREGATIONE
RECOGNITA ET APPROBATA.

JUXTA DECRETA RECENTER EMANATA.

Pro commoditate recitantium

HORAS CANONICAS

C O L L E C T A,

ATQUE NOVITER

R E I M P R E S S A.

ANNO DNI 1773.

Erenitt fauult Ereni Mon. Regij ppellars



V A R S A V I Æ

Typis S. R. Maiestatis & Reipublicæ

In Collegio Scholarum Piarum.

ALPHABET

MURTOUM

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

ALPHABET

Bj. Bien. Ps. III. 41

JANUARIUS

DOMINICA 2da. POST EPIPHANIAM.

*In Festo SS. Nominis JESU. Duplex Secunda Clas-
sis. Ad Vesperas Antiphona.*

OMnis, qui invocaverit Nomen Domini, salvus erit.

*Psalmus. Dixit Dominus, cum reliquis de Domi-
nica & loco ultimi, Psalmi, Credidi.*

*Antiphona. Sanctum & terribile Nomen ejus :
Initium Sapientiz timor Domini.*

*Antiphona. Ego autem in Domino gaudebo, &
exultabo in DEO JESU meo.*

*Antiphona. A Solis ortu usque ad occasum, lau-
dabile Nomen Domini.*

*Antiphona. Sacrificabo hostiam laudis, & Nomen
Domini invocabo.*

Capitulum. Philip. 2.

FRatres Christus humiliavit semetipsum, factus
obediens usque ad mortem, mortem autem
Crucis: propter quod & DEUS exaltavit illum,
& donavit illi Nomen, quod est super omne no-
men, ut in Nomine JESU omne genu flectatur.

H Y M N U S.

JESU dulcis memoria

Dans vera cordis gaudia,

Sed super mel & omnia,

Ejus dulcis præsentia.

Nil canitur suavius,

Nil auditur jucundius,

Nil cogitatur dulcius,

Quam JESUS DEI Filius.

A 2

JESU



JESU spes poenitentibus,
 Quam pius es perentibus
 Quam bonus Te quærentibus,
 Sed quid invenientibus?
 Nec lingua valet dicere,
 Nec litera exprimere.
 Expertus potest credere,
 Quid sit JESUM diligere.
 Sis JESU nostrum gaudium,
 Qui es futurum præmium:
 Sit nostra in Te gloria,
 Per cuncta semper sæcula. Amen.

Ÿ. Sit Nomen Domini benedictum, Alleluja.

℞. Ex hoc nunc & usque in sæculum, Alleluja.

Ad Magnificat Antiphona.

Fecit mihi magna qui potens est, & Sanctum
 Nomen ejus, Alleluja.

O R A T I O.

DEUS, qui unigenitum Filium Tuum constitui-
 sti humani generis Salvatorem, & JESUM vo-
 cari jussisti: concede propitius; ut, ejus Sanctum
 Nomen veneramur in terris, ejus quoque aspectu
 perfruamur in cœlis. Per eundem Dominum. &c.

Deinde fit Commemoratio Dominicæ II.

post Epiphaniam.

Antiphona. Suscepit DEUS Jsraël puerum suum:
 sicut locutus est ad Abraham, & semen ejus: exal-
 tare humiles usque in sæculum.

Ÿ. Vespertina Oratio ascendat ad Te Domine.

℞. Et descendat super nos misericordia Tua.

O R A T I O.

OMnipotens sempiternæ DEUS, qui cœlestia si-
 mul & terrena moderaris, supplicationes po-
 puli tui clementer exaudi, & pacem tuam nostris
 concede temporibus. Per Dominum. &c.

Ad



*Ad Completorium & per Horas diei in fine
Hymni dicitur.*

JESU Tibi sit gloria, qui natus es de Virgine.

Ad Matutinum Invitatorium.

Admirabile Nomen JESU quod est super omne
Nomen. * Venite adoremus. *Psalms: Venite.*

H Y M N U S.

JESU Rex admirabilis,
Et triumphator Nobilis,
Dulcedo ineffabilis,
Totus desiderabilis.

Quando cor nostrum visitas,
Tunc lucet ei veritas,
Mundi vilescit vanitas,
Et intus fervet charitas.

JESU dulcedo cordium,
Fons vivus lumen mentium,
Excedens omne gaudium,
Et omne desiderium.

JESUM omnes agnoscite,
Amorem ejus pascite;
JESUM ardenter quærite,
Quærendo inardescite.

Te nostra JESU vox sonet,
Nostri Te mores expriment,
Te corda nostra diligant,
Et nunc & in perpetuum. Amen.

In primo. Nocturno Antiphona.

Domine Dominus noster, quam admirabile est
Nomen tuum in universa terra.

*Psalms. Domine Dominus noster. Cum reliquis
ut in Officio parvo B. Maria. Psalmus vero iste
incipit à secundo versu. Quoniam elevata est. An-
tiphona. In Nomine JESU omne genu flectatur,
coelestium, terrestrium, & infernorum.*



Psalms. Cœli enarrant. *Ant.* Confitemini Domino & invocate nomen ejus, mementote quoniam excelsū est Nomen ejus. *Psalms.* Domini est terra.

Y. Propter Nomen tuum Domine propitiaberis peccato meo.

R. Multum est enim.

Pater noster &c.

Absolut. Exaudi Domine. &c.

Benedictio. Benedictione perpetua.

De actibus Apostolorum.

LECTIO I. CAP. I.

Petrus autem & Joannes ascendebant in templum ad horam orationis nonam. Et quidam vir, qui erat claudus ex utero Matris suæ, bajulabatur: quem ponebant quotidie ad portam templi, quæ dicitur Speciosa, ut peteret Eléemofynam ab introeuntibus in templum. Is cum vidisset Petrum & Joannem incipientes introire in templum, rogabat ut eléemofynam acciperet. Intuens autem in eum Petrus cum Joanne dixit: Respice in nos. At ille intendebat in eos, sperans se aliquid accepturum ab eis. Petrus autem dixit: argentum & aurum non est mihi, quod autem habeo, hoc tibi do: In Nomine JESU Christi Nazareni surge, & ambula. Et apprehensa manu ejus dextera allevavit eum. Et protinus consolidatæ sunt bases ejus & plantæ. Et exiliens stetit, & ambulabat: & intravit cum illis in templum, ambulans, & exultans, & laudans DEUM.

Y. Ecce concipies & paries Filium, & vocabis Nomen ejus JESUM. * Ipse salvum faciet populum suum, à peccatis eorum.

Y. Vocatum est Nomen ejus JESUS, quod vocatum est ab Angelo, priusquam in utero conciperetur. Ipse enim, *Benedictio.* Unigenitus DEI. &c.

L E.



LECTIO II.

ET vidit omnis populus eum ambulante & laudante Deum. Cognoscebant autem illum, quod ipse erat, qui ad eleemolynam sedebat ad Speciosam portam templi, & impleti sunt stupore & extasi in eo, quod contigerat illi. Cum teneret autem, Petrum & Joannem, cucurrit omnis populus ad eos, ad porticum, quæ appellatur Salomonis, stupentes. Videns autem Petrus, respondit ad populum: Viri Israëlitarum, quid miramini in hoc, aut nos quid intuemini, quasi nostra virtute aut potestate fecerimus hunc ambulare? **DEUS** Abraham, & **DEUS** Isaac, & **DEUS** Jacob, **DEUS** Patrum nostrorum glorificavit Filium suum **JESUM**, quem vos quidem tradidistis, & negastis ante faciem Pilati, judicante illo dimitti. Vos autem sanctum & justum negastis, & petistis virum homicidam donari vobis: Auctorem verò vitæ interfecistis, quem **DEUS** suscitavit à mortuis, cujus nos testes sumus. Et in fide Nominis ejus, hunc, quem vos vidistis, & nostis, confirmavit? Nomen ejus, & fides quæ per eum est, dedit integram sanitatem istam in conspectu omnium vestrum.

R. Benedictum est Nomen Tuum, **DEUS** Patrum nostrorum, qui cum iratus fueris, misericordie recordaberis; * Et in tempore tribulationis peccata dimittis.

Ps. Et benedictum Nomen Majestatis Tux in æternum, qui facis mirabilia solus. Et in tempore.

Bened. Spiritus Sancti.

LECTIO III. CAP. IV.

Factum est autem in crastinum, ut congregarentur Principes eorum, & Seniores, & Scribæ in Jerusalem, & Annas Princeps Sacerdotum, & Cai-

A4 phas,



phas, & Joannes, & Alexander, & quotquot erant de genere Sacerdotali, & statuentes eos in medio interrogabant: in qua virtute, aut in quo Nominē fecistis hoc vos: Tunc repletus Spiritu Sancto Petrus, dixit ad eos: Principes populi & Seniores audite: Si nos hodie dijudicamur, in benefacto hominis infirmi, in quo iste saluus factus est, notum sit omnibus vobis, & omni plebi Israël, quia in Nominē Domini nostri JESU Christi Nazareni, quem vos crucifixistis, quem DEUS suscitavit à mortuis, in hoc iste adstat coram vobis sanus. Hic est lapis, qui reprobatus à vobis ædificantibus, qui factus est in caput anguli: & non est in alio aliquo salus. Nec enim aliud Nomen est sub cœlo datum hominibus, in quo oporteat nos salvos fieri.

R. Laudabo Nomen Tuum assidue. * Et collaudabo illud in confessione.

Ps. Lætabor & exultabo in Te, psallam Nomini Tuo Altissime. Et collaudabo. Gloria Patri. Et collaudabo.

In secundo Nocturno Antiphona.

Memores erunt Nominis Tui Domine, in omni generatione & generationem. *Psalmus.* Eructavit.

Ant. Magnificate Dominum mecum, & exaltemus Nomen ejus in id ipsum. *Psalmus.* DEUS noster refugium. &c.

Ant. Omnes gentes quascunque fecisti, venient & adorabunt coram Te Domine & glorificabunt. Nomen Tuum. *Psalmus.* Fundamenta.

Ps. Propter gloriam Nominis tui Domine libera nos.

R. Et propitius esto peccatis nostris, propter Nomen tuum. *Absol.* Ipsius pietas.

Benedictio. DEUS Pater Omnipotens.

Sermo Sancti Bernardi Abbatis.

Ser.



Ser. 15. Super Cantica, circa medium.

L E C T I O III.

NON otiose Spiritus Sanctus Nomen Sponsi oleo comparat, cum ita docet Sponsam, & Sponsum clamare: Oleum effusum Nomen Tui. Oleum enim lucet, pascit & ungit. Fovet ignem, nutrit carnem, lux, cibus medicina. Vide idem nunc, & de Sponsi Nomine: Lucet predicatum, pascit recogitatum, invocatum lenit, & ungit. Et percurramus singula. Unde puras in toto orbe, tanta & tam subita fidei lux, nisi de predicato Nomine JESU? Nonne in hujus Nominis luce DEUS nos vocavit in admirabile lumen suum, quibus illuminatis, & in lumine isto, videntibus lumen, dicat merito Paulus: Fuistis aliquando tenebrae, nunc autem lux in Domino.

R. Sperent in Te qui noverunt Nomen Tuum.

* Quoniam non dereliquisti quærentes Te Domine.

Y. Exsurge Domine adjuva nos & libera nos propter Nomen Tuum. Quoniam.

Bened. Christus perpetuæ.

L E C T I O V.

HOC denique Nomen coram Regibus, & Gentibus, & Filiis Israël portare iussus est idem Apostolus; & portabat Nomen, tanquam lumen, & illuminabat Patriam, & clamabat ubique: Nox præcessit dies autem appropinquavit. Abjiciamus ergo opera tenebrarum, & induamur arma lucis, sicut in die honeste ambulemus. Et monstrabat omnibus lucernam super candelabrum annuntians in omni loco JESUM, & hunc crucifixum. Quomodo lux ista replenduit, ac perstrinxit cunctorum intuentium oculos, quando de ore Petri tanquam fulgur egrediens, claudi unius corporales plantas solidavit & bases, multosque spiritualiter cecos illuminavit?



Nunquid non ign. m. iperfit, cum ait: In Nomine
JESU Nazareni, surge & ambula.

R. Consecratur Nomini tuo magno. * Quoniam
terribile & sanctum est.

Y. Hi in curribus, & hi in equis nos autem in
Nomine Domini nostri invocabimus. Quoniam.

LECTIO VI.

NEc tantum lux est Nomen JESUS, sed est &
cibus. An non toties confortaris, quoties re-
cordaris? Quid æquè mentem cogitantē impinguat:
Quid ita exercitatos reparat sensus, virtutes robo-
rat, vegetat mores bonos atque honestos, castas fo-
vet affectiones. Aridus est omnis animæ cibus, si non
oleo isto infunditur. Insipidus est, si non hoc sale
conditur. Si scribas, non sapit mihi, nisi legero
ibi JESUM. Si disputes aut conferas, non sapit
mihi, nisi sonuerit ibi JESUS. JESUS mel in ore,
in aure melos, in corde jubilus. Sed est & medici-
na. Tristatur aliquis nostrum? Veniat in cor ejus
JESUS, & inde saliat in os, & ecce ad exortum
Nominis lumen, nubilum omne diffugit, redit se-
renum. Labitur quis in crimen? currit insuper ad
laqueum mortis, desperando? Nonne si invocet No-
men vitæ, confestim respirabit ad vitam!

R. Latentur omnes qui sperant in Te Domine,
in æternū exultabunt & habitabis in eis, & gloria-
buntur in Te omnes. * Qui diligunt Nomen Tuum.

Y. Domine in lumine vultus Tui ambulabunt
tota die. Qui. Gloria. Qui.

In Tertio Nocturno Antiphona.

Cantate Domino & benedicite Nomini ejus, an-
nunciare de die in diem salutare ejus. *Psalmus.*
Cantate Domino.

Antiph. Secundum Nomen Tuum DEUS, sic &
laus Tua in fines terræ, justitiā plena est dextera
Tua.



Tua. *Psalms.* Dominus regnavit exultet terra, &c.

Antip. Cantate DEO Psalmum, dicite Nomini ejus: iter facite ei, qui ascendit super occasum, Dominus Nomen illi. *Psalms* Cantate.

Y. Afferte Domino gloriam & honorem.

R. Afferte Domino gloriam Nomini ejus. *Pater noster*, &c.

Absolutio. A vinculis, &c.

Bened. Evangelica Lectio, &c.

Lectio Sancti Evangelii Secundum Lucam.

LECTIO VII. CAP. II.

IN illo tempore: postquam consummati sunt dies octo, ut circumcideretur Puer, vocatum est Nomen ejus **JESUS.** *Et reliqua.*

Homilia Sancti Bernardi Abbatis.

Serm. 1. de Circumcisione.

MAgnum & mirabile Sacramentum. Circumciditur Puer & vocatur **JESUS.** Quid sibi vult ista connexio? circumcisio nempe magis salvandi, quam Salvatoris esse videtur, & Salvatorem circumcidere potius decet quam circumcidi. Sed agnosce mediatorem DEI, & hominum, qui ab ipso Nativitatis suæ exordio Divinis humana sociat, immanissimis. Nascitur ex muliere, sed cui fecunditatis fructus sic accedit, ut non decidat flos virginitatis. Pannis involvitur, sed Panni ipsi Angelicis laudibus honorantur. Absconditur in præsepio; Sed proditur radiante stella de cælo. Sic & circumcisio veritatem susceptæ probat humanitatis: & Nomen quod est super omne Nomen, gloriam indicat Majestatis. Circumciditur tanquam verus Abraham filius. **JESUS** vocatur tanquam verus Filius DEI.

R. Tribulationem & dolorem inveni. * Et Nomen Domini invocavi.

Y. Turris fortissima Nomen Domini, in ipso speravi & adiutus sum. Et Nomen, &c.

Be-



Bened. Divinum Auxilium.

L E C T I O VIII.

NEque enim ad instar priorum meus iste JESUS, Nomen vacuum aut inane portat. Non est in eo magni Nominis umbra, sed veritas. Coelitus liquidem inditum Nomen Evangelista testatur, quod vocatum est ab Angelo, priusquàm in utero conciperetur. Et attende verbi profunditatē: Postquàm natus est JESUS. JESUS vocatur ab hominibus, qui vocatus est ab Angelo priusquàm in utero conciperetur. Idem quippe & Angeli Salvator & hominis, sed hominis ab Incarnatione, Angeli ab initio Creatura. Vocatum est ait; Nomen ejus JESUS, quod vocatum est ab Angelo. In ore ergo duorum vel trium testium stat omne verbum: & ipsum, quod in Propheta abbreviatum, manifestius in Evangelio legitur Caro factum.

R. Expectabo Nomen Tuum Domine. * Quoniam bonum est in conspectu Sanctorum Tuorum.

Ps. Ut confiteamur Nomini Sancto Tuo, & glorificemur in laude Tua. Quoniam. Gloria Patri. Quoniam.

Bened. Per Evangelica dicta.

Lectio Sancti Evangelii Secundum Joannem.

L E C T I O IX. CAP. VIII.

IN illo tempore: Nuptiæ factæ sunt in Cana Galileæ, & erat Mater JESU ibi. Vocatus est autem & JESUS & Discipuli ejus ad nuptias. Et reliqua.

Homilia S. Augustini Episcopi.

Tract. 9. in Joann. post init.

Quod Dominus invitatus venit ad nuptias, etiam excepta mystica significatione, confirmare voluit. quod ipse fecit nuptias. Futuri enim erant, de quibus dixit Apostolus, prohibentes nubere, & dicen-



dicentes: quod malum essent nuptiæ, & quod diabolus eas fecisset, cum idē Dominus dicat in Evangelio, interrogatus utrum liceat homini dimittere uxorem suam, ex qualibet causa? non licere excepta causa fornicationis. In qua responsione, si meministis, hoc ait: Quod DEUS conjunxit, homo non separet.

Te DEUM laudamus.

*Si verò hoc Festum contingit, transferri nona
Lectio erit sequens.*

MERITO sanè dum circumciditur puer, qui natus est nobis, Salvator vocatur: quod videlicet ex hoc jam cœpit operari salutem nostram, immaculatum illum pro nobis sanguinem fundens. Neque enim jam est querere Christianis, cur voluerit Christus Dominus circumcidi. Propter hoc siquidem circumcissus est, propter quod natus, propter quod passus. Nihil horum propter se, sed omnia propter electos. Nec in peccato genitus, nec à peccato circumcissus, nec mortuus est pro peccato suo: magis autem propter delicta nostra. Quod vocatum est, inquit, ab Angelo priusquam in utero conciperetur. Vocatum plane non impositum. Nempe hoc ei Nomen est ab æterno: A natura propria habet, ut sit Salvator, innatum est ei Nomen, non inditum ab humana vel Angelica Creatura.

Te DEUM laudamus, &c.

Ad Laudes.

Et per horas Antiphona.

Oleum effusum Nomen Tuum; ideò adolescentulæ dilexerunt Te.

Psalmus. Dominus regnavit. Cum reliquis de Dominica ut in Psalterio.

Antiphona. Scitote quia Dominus ipse est DEUS, cujus Nomen in æternum.

Anti-



Antiphona. Sitivit anima mea, ad Nomen Sanctum Tuum Domine.

Antiphona. Benedictum Nomen gloriæ Tuae Sanctum, & laudabile & superexaltatum in sæcula.

Antiphona. Juvenes & Virgines, Senes cum junioribus laudate Nomen Domini quia exaltatum est Nomen ejus solius.

Capitulum Philip. 2.

FRATRES Christus humiliavit semetipsum, factus obediens usque ad mortem, mortem autem Crucis: propter quod & DEUS exaltavit illum & donavit illi Nomen, quod est super omne Nomen, ut in Nomine JESU omne genu flectatur.

H Y M N U S.

JESU decus Angelicum,
In aure dulce canticum,
In ore mel mirificum,
In corde nectar cœlicum.

Qui Te gustant, esuriunt;
Qui Te bibunt adhuc sitiunt,
Desiderare nesciunt,
Nisi JESUM quem diligunt.

O! JESU mi dulcissime,
Spes suspirantis animæ,
Te quærunz piæ lachrymæ
Te clamor mentis intimæ.

Mane nobiscum Domine,
Et nos illustra lumine,
Pulsa mentis caligine
Mundum replens dulcedine.

JESU flos Matris Virginis
Amor nostræ dulcedinis
Tibi laus, honor Nominis
Regnum beatitudinis. Amen.

V. Adjutorium nostrum in Nomine Domini.

R.



R. Qui fecit cœlum & terram.

Ad Benedictus Antiphona.

Dedit se, ut liberaret populum, & acquireret sibi Nomen æternum. Alleluia.

O R A T I O.

DEUS qui Unigenitum tuum, &c. *Vide supra.*

*Deinde fit Commemoratio Dominicæ secunda
post Epiphaniam.*

Antiphona. Nuptiæ factæ sunt in Cana Gallilææ,
& erat ibi JESUS cum MARIA Matre sua.

ψ. Dominus regnavit, decorem induit.

R. Induit Dominus fortitudinem & præcinxit se.

O R A T I O.

O Mnipotens sempiterne DEUS, qui Cœlestia,
&c. *Vide supra.*

Ad primam. R. breve Christe Fili.

ψ. Qui natus es de Maria Virgine.

Ad Tertiam Antiphona.

Scitote.

Capitulum. Fratres Christus humiliavit, ut *supra.*

R. Breve. Sit Nomen Domini benedictum. * Alleluia, Alleluia. Sit Nomen Domini. *ψ.* Ex hoc nunc & usque in sæculum, Alleluia, Alleluia.

Gloria Patri, &c. Sit Nomen, &c.

ψ. Afferte Domino gloriam & honorem, Alleluia.

R. Afferte gloriam Nomini ejus, Alleluia.

Ad Sextam Antiphona.

Sitivit.

Capitulum Philip. 2.

I N Nomine JESU omne genu flectatur cœlestium, terrestrium & infernorum, & omnis lingua confiteatur, quia Dominus JESUS Christus in gloria est DEI Patris.

R. Breve. Afferte Domino gloriam & honorem.

Allel.



Allel. Allel. * Afferte Domino gloriā Nominis ejus,
Alleluia, Alleluia. Gloria Patri. Afferte.

ψ. Magnificate Dominum mecum Alleluia.

R. Et exaltemus Nomen ejus in id ipsum. Alleluia.

Ad Nonam Antiphona.

Juvenes & Virgines, &c.

Capitulum Coloss. 3.

OMne quodcunque facitis in verbo, aut in opere, omnia in Nomine JESU Christi facite; gratias agentes Deo, & Patri per ipsum.

R. Breve. Magnificate Dominum mecum. * Alleluia, Alleluia. Magnificate. ψ. Et exaltemus Nomen ejus in id ipsum, Allel. Allel. Gloria Patri. Magnificate, &c.

ψ. Adjutorium nostrorum in Nomine Domini, Alleluja.

R. Qui fecit cœlum & terram, Alleluja.

In Secundis Vesperis omnia dicuntur sicut in primis. Ad Magnificat Antiphona.

Vocabis Nomen ejus JESUM, ipse enim salvum faciet populum suum à peccatis eorum.

Deinde fit Commemoratio Dominica Secunda post Epiphaniam.

Antiph. Deficiente vino, jussit JESUS impleri hydrias, aqua in vinum conversa est, Alleluja.

ψ. Dirigatur Domine oratio mea.

R. Sicut incensum in Conspectu Tuo.

Oratio. Omnipotens sempiterne, ut *supra*.

F E B R U A R I U S

S. BRIGIDÆ Virg. Patr. Reg. Pol.

Omnia de Comm. Virg præter ea quæ sequuntur.

O R A T I O.

OMnipotens sempiterne DEUS, qui es Sanctarum
rum



rum gloria Virginum, clementiam Tuam supplices exoramus, ut per merita Beatæ Virginis tuæ Brigidæ, opportunum tuæ pietatis auxilium sentiamus. Per Dominum nostrum JESUM Christum Filium Tuum, qui Tecum, &c.

Lectiones 1. Noct. de Scriptura occurrente.

L E C T I O IV.

Sancta Brigida Virgo in magna veneratione habetur in Scotia. Hæc ab ipso pueritiæ ævo in omni tempore in devotione, sanctitate & castitate DEO servire studuit, tantam quoque gratiam à DEO consecuta; ut per eam multa signa & miracula fierent. Cumque de manu cujusdam Episcopi velamen more monialium susceperet, super caput suum, ipsa inclinans se ad pedes altaris, lignum quod erat altari adaptatum ab antiquo, manu sua tetigit, & statim viride factum & in perpetuum viride mansit, & imputribile. Tantæque pietatis fuit S. Brigida, ut quidquid habere poterat, pauperibus tribueret. Quadam autem vice puer quidam leprosus ad eam venit, petens aliquod beneficium ab ipsa; quæ dicit: vis, ut adoremus Deum, & cureris à lepra? Respondit ille, hoc mihi acceptius est omni munere. Tunc Virgo Sancta benedixit aquam, & eadem aquâ caput leprosi aspersit, & statim mundatus est, & gratias egit Deo, & transit ad S. Brigidam serviens ei quamdiu vixit.

L E C T I O V.

Quodam tempore vidit quendam miserum duci ad damnationem, & consoluit ei tantum ut pro liberatione ipsius oraret Deum. Factaque oratione auri massam in sinu suo reperit, deditque iudici, ut reum dimitteret, & sic ille à morte liberatus est. Iterum quodâ tempore Brigida S. & quædâ altera puella Sancta convenientes, totâ nocte collo-

R

quiis



quiliis deduxerunt , & tenebras noctis omnino non tulerunt. Puella illa rogabat Sanctā Brigidam, ut benedictionem faceret super oculos ejus , ut videre posset : erat enim cæca & nunquam viderat. Tunc Sancta Brigida benedixit oculis ejus, & aperti sunt. Puella verò circumspiciens modicum , dixit Sanctæ Brigidæ, rogo te iterum , occlude oculos meos , ne amplius videam mundum. Quantò enim homo minus videt mundū, tantò clariùs videre potest Deū. Tunc Sancta Brigida fecit, ut iterum occluderentur oculi ejus; sicut ipsa petebat.

L E C T I O VI.

Cum die quadam messores ejus segeem in agro colligerent , & pluvia maxima crumperet : à messoribus suis imbrem sedavit : circumstantibusque agris pluviā madefactis sola hujus arca sicca permansit. Die quadā dū oves pasceret imbre cadente pannos perfusa domū rediit , & vestes madefactas super solis radium, qui per rimas intrabat siccandas extendit , quæ quasi in solida pertica diutius permanserunt. Aquam in cerevisiam , & lapidem in salem convertit : & à nativitate cæcum illuminavit. Cum novem viri in mortem unius conspirassent : & eos Virgo Christi ab intento pessimo revocare non posset , oravit ad Dominum , ut nequam ipsorum voto resisteret. Egressis autem illis apparuit imago quædam quasi illius hominis occidendi, quam illi gladiis percutientes , hominemque peremisse putantes læti reversi sunt. Sed dum quid illis contigerat cognoverunt, compuncti ad pedes Virginis prociderunt & poenitentiam egerunt. Sicque Sancta Virgo multis clarens virtutibus quievit in pace Kalendis Februarij.



In Feste S. SCHOLASTICÆ Virginis.

Duplex minus.

Omnia de Communi Virginum præter sequentia.

O R A T I O.

DEUS, qui animam Beatæ Virginis tuæ Scholasticæ, ad ostendendam innocentæ viam, in Columbæ specie Cœlum penetrare fecisti; da nobis ejus meritis, & precibus ita innocenter vivere, ut ad æterna mereamur gaudia pervenire. Per Dominum.

In primo Nocturno Lectiones de Scriptura occurrente; quod si festum venerit in Quadrages. Lect. erunt de Epist. Prima B. Pauli Apostoli ad Corinth. de Comm. Virgin.

In 2do. Nocturno.

Ex libro secundo Dialogorum S. Gregorii Papæ.

LECTIO IV. CAP. 33.

Scholastica Venerabilis Patris Benedicti Soror, Omnipotentî Domino ab ipso infantie tempore dedicata; ad eum semel per annum venire consueverat; ad quam vir Dei non longè extra januam in possessione Monasterij descendebat. Quadã verò die venit ex more, atque ad eam cum Discipulis venerabilis ejus descendit Frater, qui totum diem in DEI laudibus, sacrisque colloquiis ducentes, incumbenibus jam noctis tenebris, simul acceperunt cibum. Cumque adhuc ad mensam sederent & inter sacra colloquia tardior se hora protraheret, eadem sanctimonialis scœmina Soror ejus cum rogavit, dicens: Quæso te, ut ista nocte me non deseras, ut usque mane de cœlestis vitæ gaudiis loquamur: Cui ille respondit: quid est quod loqueris Soror? manere extra cellam nullatenus possum. Tanta verò erat Cœli serenitas, ut nulla in ære nubes appareret. Sanctimonialis autem scœmina.



cum verba Fratris negantis audivisset, insertas digitis manus super mensam posuit, & caput in manibus, Omnipotentem Dominum rogatura declinavit. Cumque levaret de mensa caput, tanta coruscationis, & tonitruui virtus, tantaque inundatio pluviae erupit, ut neque venerabilis Benedictus, neque Fratres, qui cum eo aderant, extra loci limen, quo confederant, pedem movere potuerint.

R. Propter veritatem, &c.

L E C T I O V.

Sanctimonialis, quippe foemina caput in manibus declinans, lachrymarum fluvium in mensam fuderat, per quas serenitatem aëris ad pluviam traxit. Nec paulò tardius post orationem inundatio illa secuta est, sed tanta fuit convenientia orationis, & inundationis, ut de mensa caput jam cum tonitruo levaret: quatenus unum, idemque esset momentum, & levare caput, & pluviam deponere. Tunc Vir DEI inter coruscationes, & tonitrua, atque ingentis pluviae inundationem, videns se ad Monasterium non posse remeare, coepit conqueri contristatus dicens. Parcat tibi Omnipotens DEUS: Soror quid est, quòd fecisti? Cui illa respondit: Ecce rogavi te, & audire me noluisti; rogavi DEUM meum, & audivit me: modo ergo, si potes, egredere, & me dimissa ad Monasterium recede. Ipse autem exire extra tectum non valens, qui remanere sponte noluit in loco, mansit invictus. Sicque factum est, ut totam noctem pervigilem ducerent, atque per sacra spiritualis vitae colloquia, sese vicaria relatione satiarent.

R. Dilexisti justiciam.

L E C T I O VI.

Cumque die altero eadem venerabilis foemina ad cellam propriam recessisset, Vir DEI ad Monaste-



nafterium rediit. Cùm, ecce post triduum in cella consistens, elevatis in àera oculis, vidit ejusdem Sororis suæ Animâ de corpore egressam in columbæ specie Cœlos penetrare. Qui, tantæ ejus gloriæ congaudens, Omnipotenti DEO in hymnis, & laudibus gratias reddidit, ejusque obitû Fratribus denunciavit. Quos etiam protinus misit, ut ejus corpus ad Monasterium deferrent; atque in sepulchro, quod sibi ipsi paraverat ponerent. Quo facto contigit, ut quorum mens una semper in DEO fuerat, eorû quoque corpora nec sepultura separaret.

R. Afferentur Regi Virgines.

In tertio Nocturno, Homilia in Evangelium. Simile erit Regnum Cœlorum decem Virginibus, de Communi Virginum; Et si venerit in Quadragesima IX. Lectio de Homilia Feriæ. Ut patet. ex Decret. Dat. sub die 8. Febr. 1729.

In Festo S. Ildephonsi Episcopi & Confessoris.
Semiduplex.

L E C T I O. IV.

Ildephonsus qui & Alphonfus dicitur Natione Hispanus Nobilissimis Stephano & Lucia Parentibus ortus omnique cura nutritus, liberalibus disciplinis instructus est. Primum habuit Præceptorem Eugenium Toletanum Antistitem, à quo miram ob Indolem, Hispalim ad Isidorum mira hinc eruditione pollentē est missus. Duodecem apud Isidorū commoratus annos, tandem fruge bona doctrinaque sana imbutus Toletum remeavit ad Eugenium. Postquam vero factus est ob vitæ candorem peritiâque non vulgarem ab Eugenio Ecclesiæ Toletanæ Archidiaconus, mundi cupiens laqueos declinare, in Agaliensi Monasterio (quod Sanctis Martyribus Cosmæ & Damiano tunc erat dicatum) insigne pietatis



tis cucullum induit. Cui neque Parentes, jam prece, jam vi omnia tentantes, assistere valuerunt; quin constanter in proposito permaneret.

R. Inveni David.

LECTIO V.

MOnachi non multo post Jldephonsum in demortui Abbatis locum subrogarunt: Suspiciebant siquidem in eo (præter virtutes reliquas) æquitatem morum, facilitatem, prudentiam, raram sanctitatem. Sanctus itaque fulgor, tanta veræ pietatis lux (quod ipse timebat) latere non potuit. Eugenio namque vita functo, Cleri, senatus, populique totius decreto Toletanus Archiepiscopus est creatus. In quo quidem Præfulatu quantum verbo Jldephonsus profecerit, quæ miracula edidit, quam multis fuerit nominibus de Virgine Matre benemeritus non facile quis explicare quiverit. Cænobium Virginum in Delienfi villula ædificavit, ac magnis muneribus auxit. Hæreticos quosdam, qui in Hispania Hæresin Helvidianam tollentem perpetuam Mariæ DEI Genitricis Virginitatem disseminabant, doctissimè confutavit, ab Hispaniaque depulit, quam disputationem explicavit libro, quæ scripsit de Virginitate Beatæ MARIÆ, rem miraculo confirmante. Cum enim Jldephonsus ad preces matutinas Expectationis B. MARIÆ in Ecclesiam nocte descenderit, Comites in Ecclesiæ limine, fulgore quidam repentino deterriti retrocesserunt: iste intrepidus ad aram progressus Virginem ipsam vidit & adoravit, ab eademque vestem quâ in sacrificiis uteretur accepit. R. Posui adjutorium.

LECTIO V.

Cum etiam dies S. Leocadiæ festus ageretur, & Clerus frequensque populus convenisset. Jldephonsus ad Sepulchrū Virginis Leocadiæ accedens, flexis



flexis suppliciter genibus precabatur. Et ecce reserato repente Sarcophago Leocadia Sanctissima prodit: Videntibus cunctis & audientibus, Jldephonsi merita de Virgine MARIA commendavit, dicens. O Jldephonse per te vivit Domina mea quæ cœli culmina tenet. Et Præsule collaudato redibat. Jldephonsus ne res tanta sine testibus Posteris referretur, arrepto Recelvinthi Regis, qui forte tunc aderat, gladiolo, velaminis partem quo Caput Leocadiæ tegebatur rescuit, eamque cum Regio simul cultu celebri pompa in Sacrarium intulit; Ubi usque hodie servatur. Scripsit multa luculentiori sermone, quorum, variis molestiarum occupationibus impeditus, aliqua capta, aliqua semiplena reliquit, Obiit tandem Jldephonsus feliciter ac Sancte cum sedisset in Episcopatu Annos novem, menses duos, sepultusque est in Basilica Leocadiæ. Circa Annũ Domini Sexcentelimum Septuagesimum Septimum, Recelvintho in Hispania regnante. Cujus corpus in Generali à Sarracenis Hispaniarum occupatione in Civitatem Zamorensẽ translatum est; & in Ecclesia Beati Petri honorifice quiescens magna illius populi religione colitur. *R. Iste est qui.*

In tertio Nocturno, Homilia Sancti Augustini Episcopi in Evangelium. Vos estis Sal terræ. De Communi Doctorum.

M A R T I U S

S. JOANNIS de DEO Conf. Ordinis Hospitalitatis Fundatoris dup. Omnia de Comm. Conf. non Pontif. præter seq.

O R A T I O.

DEUS, qui Beatum Joannem tuo amore succensum inter flammæ innoxium incedere fecisti, & per eum Ecclesiam tuam nova prole fecundasti:



præsta ipsius suffragantibus meritis, ut igne charitatis tuæ, vitia nostra curentur, & remedia nobis æterna proveniant. Per Dominum nostrum, &c.

In I. Noct. Lektionen de libro Eccl. Beatus vir, de commun. Confess. non Pontif. secundo loco.

IN II. NOCT. LECTIO IV.

JOannes de Deo ex Catholicis, piisque Parentibus in oppido montis Majoris Junioris Regni Lusitanæ natus, quam sublimiter in sortem Domini fuerit electus, insuetus splendor super ejus domo refulgens, sonitusque æris-campani sua sponte emissus, ab ipso ejus nativitatis tempore non obscure prænunciavit; à laxiori vivendi ratione, Divinâ operante virtute revocatus magnæ sanctitatis exhibere specimen cepit, & ob auditâ prædicationem verbi Dei, sic ad meliora se excitatum sensit, ut jam ab ipso sanctioris vitæ rudimento consummatum aliquid, perfectumque visus sit attigisse. Bonis omnibus in pauperes, carceribus inclusos erogatis, admirabilis penitentia, sui que ipsius contemptus cuncto populo spectaculum factus, à plerisque ceu demens graviter afflictus in carcerem amentibus destinatum conijcitur. At Joannes cælesti charitate magis incensus, gemino atque amplo valetudinario, ex piorum eleemosynis in civitate Granatensi exstructo, jactoque novi Ordinis fundamento Ecclesiam nova prole sæcundavit Fratrum Hospitalitatis, infirmis præclaro animarum corporumque profectu inservientiū, & longè latèque per orbem diffusorum. Tu autem &c. R. Honestum fecit.

L E C T I O V.

PAuperibus ægrotis, quos proprijs quandoque humeris domū deferebat, nulla re ad animæ corporisque salutem proficuâ deerat. Effusâ quoque extra Nosocomium charitate indigentibus mulieribus,



viduis, & præcipue Virginibus periclitantibus clam alimenta subministrabat, curamque indefessam adhibebat, ut concupiscentiam à proximis huiusmodi vitio inquinatis, exterminaret. Cum autem maximum in Regio Granatensi valetudinario excitatum fuisset incendium; Joannes impavidus proslit in ignem, huc, illuc discurrens, quousque tum infirmos humeris exportatos, tum lectulos è fenestris projectos ab igne vindicavit, ac per dimidiam horam inter flammam jam in immensum succrescentes versatus exinde divinitus incolumis, universis civibus admirantibus exivit, è schola charitatis, edocens seniore in eum fuisse ignem, qui foris ufferat, quam qui intus accenderat. R. Amavit eum.

LECTIO VI.

Multiplici asperitatum genere, demississimâ obedientiâ, extremâ paupertate, orandi studio, rerum divinarum contemplatione, ac in Beatam Virginem pietate mirificè excelluit, & lacrymarum dono enituit. Denique gravi morbo correptus, omnibus Ecclesiæ Sacramentis ritè sancteque refectus viribus licet destitutus, proprijs indutus vestibus è lectulo surgens, ac provolutus in genua, manu & corde Christum Dominum è Cruce pendentem perstringens, Octavo Idus Martij anno millesimo quingentesimo obiit in osculo Domini, quem etiam mortuus tenuit, nec dimisit, & in eadem corporis constitutione sex circiter horas, quousque inde dimotus fuisset, tota Civitate inspectante, mirabiliter permansit, odorem mirè fragrantem diffundens, quem ante & post obitum plurimis miraculis clarum Alexander VIII. Maximus, in Sanctorum numerum retulit.

R. Iste homo.

In III. Noct. Homilia S. Joannis Chrysostomi in Evarg. Accesserunt ad Jesum Pharisei, ut in Dom. xvii post Pent.



A P R I L I S

In Festo S. JSIDORI Episcopi & Confessoris.

Duplex minus.

*Omnia de Communi Confessoris Pontificis prater ea,
qua hic ponuntur propria.*

Ad Magnificat in utrisque Vesp. Antiphona.

O Doctor optimè Ecclesiæ Sanctæ lumen, Beate
Jsidore, Divinæ legis amator, deprecare pro
nobis Filium DEI.

O R A T I O.

DEUS, qui populo Tuo æternæ salutis Beatum
Jsidorum Ministrum tribuisti: præsta quæsu-
mus, ut quem Doctorem vitæ habuimus in ter-
ris, intercessorem habere mereamur in cœlis. Per
Dominum &c.

*In primo Nocturno. Lektionen. Sapientiam omniū
antiquorum, de communi Doctorum.*

In secundo Nocturno.

L E C T I O IV.

JSidorus natione Hispanus. Doctor egregius, ex
nova Carthagine Severiano Patre Provinciæ Du-
ce natus, à Sanctis Episcopis Leandro Hispalensi,
& Fulgentio Carthaginenti Fratribus suis piè, & li-
beraliter educatus, Latinis, Græcis, & Hebraicis
litteris, divinisque & humanis legibus instructus,
omni scientiarum, atque Christianarum virtutū ge-
nere præstantissimus evasit. Adhuc adolescens hæ-
resim Arianam, quæ gentem Gothorum Hispaniæ
latissimè dominantem jam pridem invaserat, tanta
constantia pilam oppugnavit, ut parùm abfuerit,
quin ab Hæreticis necaretur. Leandro vitâ functo
ad Hispalensem Cathedralam invitatus quidem, sed ur-
gente imprimis Reccaredo Rege, magnoque etiam
Cleri, Populique consensu assumitur, ejusque ele-
ctio-



tionem S. Gregorius magnus, nedum autoritate Apostolica confirmasse, sed & electū transmissō de more pallio decorasse, quin etiam suum, & Apostolicæ Sedis in universa Hispania Vicarium constituisse perhibetur. *R. Inveni &c.*

L E C T I O V.

IN Episcopatu quantum fuerit constans, humilis, patiens, misericors, in Christiana, & Ecclesiastica disciplina instauranda sollicitus, eaque verbo, & scriptis stabilienda indefessus, atque omni demū virtutum ornamento insignitus, nullius lingua narrare sufficeret. Monastici quoque instituti per Hispaniā promotor, & amplificator eximius, plura construxit Monasteria, Collegia itidem ædificavit, ubi studiis sacris, & lectionibus vacans, plurimos discipulos, qui ad eum confluebant, erudit, quos inter Sancti Ildephonsus Toletanus, & Braulius Cæsar-Augustanus Episcopi emicuerunt. Conct. Hispalī Concilio Acephalorum hæresim Hispaniæ jam minitantem acri, & eloquenti disputatione fregit, atque contrivit. Tantæ apud omnes sanctitatis, & doctrinæ famam adeptus est, ut elapsō vix ab ejus obitu sextodecimo anno universa Toletana Synodo duorum supra quinquaginta Episcoporum plaudente, ipsoque etiam S. Ildephonso suffragante, Doctor egregius Catholicæ Ecclesiæ novissimum decus, in sæculorū fine doctissimus, & cum reverentia nominandus appellari meruerit; eumque S. Brauleio non modo Gregorio Magno comparavit, sed & erudiendæ Hispaniæ loco Jacobi Apostoli cœlitus datum esse censuerit. *R. Posui adjutorium, &c.*

L E C T I O VI.

Scripsit Iſidorus libros Ethymologiarum, & de Ecclesiasticis Officijs, aliosq; quam plurimos Christianæ, & Ecclesiasticæ disciplinæ adeō utiles, ut S.



Leo Papa IV. ad Episcopos Britanniae scribere non dubitaverit, sicut Hieronymi, & Augustini, ita Isidori dicta retinenda esse, ubi contigerit inusitatum negotium quod per Canones minimè definiri possit. Plures etiam ex ejusdem scriptis sententiae inter Canonicas Ecclesiae leges relatae conspiciuntur. Praefuit Concilio Toletano IV. omnium Hispaniae celeberrimo. Denique cum ab Hispania Arianam haeresim eliminasset, morte sua, & Regni variatione à Saracenorum armis publicè praenunciata, postquam quadraginta circiter annos suam rexisset Ecclesiam, Hispani migravit in caelum anno sexcentesimo trigesimo sexto. Ejus corpus inter Leandrum fratrem, & Florentinam sororem, ut ipse mandaverat, primò conditum, Ferdinandus I. Castellae, & Legionis Rex ab Eneto Saraceno Hispani dominante magnò pretiò redemptum Legionem transtulit, & in ejus honorem Templum aedificatum est, ubi miraculis clarus, magna populi devotione colitur. &c. Ist est &c.

In Tertio Nocturno.

Lectio S. Evangelii secundum Matthaeum

LECTIO VII. CAP. V.

IN illo tempore dixit JESUS Discipulis suis. Vos estis sal terrae. Quod si sal evanuerit, in quo salietur? Ad nihilum valet ultra, nisi ut mittatur foras, & conculcetur ab hominibus. *Et reliqua &c.*

Homilia S. Isidori Episcopi.

Ex libro 2do. Officiorum ad S. Fulgentium.

C A P. V.

Qui in erudiendis, atque instituendis ad virtutem populis praeerit, necesse est ut in omnibus Sanctus sit, & in nullo reprehensibilis habeatur. Qui enim alium de peccatis arguit, ipse à peccato debet esse alienus. Nam qua fronte subjectos arguere poterit, cum illi statim possit correctus ingerere! ante docc-



doce te, quæ recta sunt? Primitus quippè semet-
ipsum corrigere debet, qui alios ad benè vivendū
admonere studet, ita ut in omnibus semetipsum
formā vivendi præbeat, cunctosque ad bonū opus,
& doctrinā, & opere provocet. Cui etiam scientia
scripturarum necessaria est. Quia si Episcopi tantū
Sancta sit vita? sibi soli prodest, sic vivens. Porro
si doctrina & sermone fuerit eruditus, potest cæ-
teros quoque instruere & docere suos, & adversa-
rios repercutere, qui nisi refutati fuerint, atque
convicti, facile possunt simplicium corda perverte-
re. *R.* Amavit cum Dominus.

L E C T I O VIII.

Hujus sermo debet esse purus, simplex, apertus,
plenus gravitatis, & honestatis, plenus suavi-
tatis, & gratiæ, tractans de mysterio legis, de do-
ctrina fidei, de virtute continentiae, de disciplina
justitiæ: unūquemq; admonens diversa exhortatione,
juxta professionem, morūque qualitatem, scilicet, ut
prænoscat quid, cui, quando, vel quomodo proferat.
Cujus præ cæteris speciale Officiū est, scripturas le-
gere, percurrere Canones, exempla Sanctorū imitari,
vigiliis, jejniis, orationibus incumbere, cum fra-
tribus pacem habere, nec quemquam de membris
suis discerpere, nullum damnare nisi comprobatū;
nullū excommunicare nisi discussū. Quique ita
humilitate pariter, & autoritate præcellē debet,
ut neque per nimiam humilitatem suam subditorū
vicia convalescere faciat, neque per immoderantiā
severitatis potestatem exerceat, sed tantō cautius
erga commissos sibi, quantō durius à Christo inda-
gari formidat. *R.* In medio Ecclesiæ aperuit.

L E C T I O IX.

Tenebit quoque illā supereminentē donis omni-
būs charitatē, sine qua omnis virtus nihil est,
Cu-



Custos enim castitatis charitas, locus hujus custodis. utem humilitas. Habebit etiā inter hæc omnia castitatis eminentiam; ita ut mens Christo dedita, ab omni inquinamento carnis sit munda, & libera. Inter hæc oportebit cum sollicita dispensatione curam pauperum gerere, esurientes pascere, vestire nudos, suscipere peregrinos, captivos redimere, viduas, ac pupillos tueri, pervigilem in cunctis exhibere curam, providentiā habere distributione discretæ. In quo etiam hospitalitas ita erit præcipua, ut omnes cum benignitate, & charitate suscipiat. Si enim omnes fideles illud Evangelium audire desiderant, hospes fui, & suscepistis me; quanto magis Episcopus, cujus diversorium cunctorum debet esse receptaculum?

Te Deum laudamus, &c.

Missa. In medio Ecclesiæ de Communi Doctorum.
Et dicitur Credo.

In Feslo S. ADALBERTI Ep. Mart. P. R. P.
H Y M N I.

Ad Conformem Rythmum Brev. Rom.

Ex Const. URBANI & CLEMENTIS VIII.
R E D U C T I.

Et à Sac. Rit. Congregat. approbati, ac pro toto Regno Polonia & Mag. Duc. Lithvania ad Clerum tam Sæcularem quam Regularem extensi.

IN UTRISQUE VESPERIS.

O Martyr Inviçtissime
Plus fortibus Fortissime
Quis glorioso cantico
Nomen tuum sat concinat?

Affatus Almo Numine
Oras adis Pannoniæ

Ibique



Ibique Regem Domgate
Prolemque firmas Chrismate.
Urbes Poloniæ petis
Veræ Salutis Nuntius
Pastor Bonus Christi fidem
Verbo Dei doces pridem.
Tandem Borussis finibus.
Ponis triumpho terminum,
Gentes rebelles inferi
In Te furorem suscitant.
Stant Veritatis invidi
Dum sacra ad Aram perficis
Fodire Corpus lanceâ,
Manus feroces non pavent.
Hinc semivivi corporis
In frustra membra dissecant
Caput triumpho gloriæ
Cœlis in hasta sublevant.
O Victor ergo Nobilis
Dum Te colētes psallimus.
Tuus triumphalis dies
Imploret Indulgentiam.
E Christianis partibus
Belli timores excute
Pacem precamur impetra
Donum Tui sit sanguinis.
Præsta Beata Trinitas
Divina dones Unitas.
Nobis Adalberti preces
Cœli mereri gloriam. Amen.
AD MATUTINUM.

Hymnis canamus Martyrem
Apostolumque, Præsulem
Bohemiz, Poloniz,
Hungariz, Borussiz.

Natus



Natus Comes hic Nobilis
 Morbo puer pressus gravi
 Voto parentum fit Deo
 Cœlo patens oblatio.
 Crescit pius Vir temperans.
 Fit Spiritu plenus Dei
 Scriptura Sacra discitur
 Prius domo non mittitur.
 Adit Cathedram Pontifex
 Sedens equo; frano levi
 Sancto futuro Præsuli
 Soli reclamant inferi.
 Denos alebat pauperes.
 Humi cubabat languidus.
 Mox excitat somnum lapis
 Nox dormientem non videt.
 Justus, pudicus, sobrius
 Formam ferens Antistitum
 Per signa, per miracula
 Exempla tradit omnibus.
 Christus videtur venditus
 Gregem dolet deperditum
 Præcepta contemni videt
 Gentis saluti providet.
 Hastis pio dum Præsuli
 Necem parant increduli
 Confossus Aris vincitur,
 Dum vincit, interficitur.
 Auri levi sat pondere
 Corpus redemptum venditur,
 Gnesnam suis reducitur
 Pastor salutis redditur.
 JESU Redemptor omnium
 Dimitte nostra crimina
 Da Martyris per præmia
 Æterna nobis gaudia. Amen.



A D L A U D E S.

O Christe robur Martyrum
Decus, corona, præmium
Firmans Adalbertus fidem
Pro teste fudit sangvinem.

Pastor bonus Christi gregis,
Deperditas quærens oves,
In innocenti sanguine
Pro victima vitam dedit.

Qui tot labores pertulit
Ut ad salutis pascua
Oves reducat perditas
Fideque servet creditas.

Nunc efficacem gratiam
Petat suis fidelibus
Noscat gregem semper suum
Quem protegat, pascat, regat.

Præsul Bohemis qui prius
Severus, & mitis fuit,
Nunc mitius det omnibus.
Cœleste desiderium.

Vigiliis, jejuniis
Carnem subegit spiritu,
Discamus & nos sensuum
In spiritu custodiam.

A vanitate sæculi
Cor, atque sensus liberet
Quæramus ut semper Deum
Jesumque cordis gaudium.

Præsta Beata Trinitas,
Divina dones Unitas,
Nobis Adalberti prece
Cœli meriti gloriam. Amen.





DOMINICA II. POST PASCHA.

Festum SS. Sepulchri D. N. J. C. Duplex.

Ad Vesperas, Antiphona.

Exaltate Dominum Deum nostrum, & adorate
scabellum pedum ejus: quoniam sanctam est,
Alleluja.

*Psalms. Dixit Dominus, cum reliquis de Domi-
nica, & loco ultimi. Psalm. Laudate Dominum.*

*Antiph. Introibimus in tabernaculum ejus, ado-
rabimus in loco, ubi steterunt pedes ejus, Alleluja.*

*Antiph. Quis ascendet in montem Domini, aut
quis stabit in loco sancto ejus, Alleluja.*

*Antiph. O quam metuendus est locus iste! verè
non est hic aliud, nisi domus Dei, & porta cœli,
Alleluja.*

*Antiph. Ne appropies huc, solve calceamenta de
pedibus tuis, locus enim, in quo stas, terra sancta
est, Alleluja.*

Capitulum.

Cum consummassent omnia, quæ de ipso scripta
erant, deponentes eum de ligno, posuerunt eum
in monumento.

H Y M N U S.

Sacri Sepulchri gloriam
Christi triumphis inclytam,
Dulci repleti gaudio:
Lætis canamus vocibus.

Hujus vetustis sæculis,
Dedit Cysterna symbolum,
Quo missus olim carcerem,
Joseph habebat innocens.

Hoc quem fidelis fortium,
Ambit caterva militum,
A Rege docto conditus,
Expressit olim lectulus.

Hoc



Hoc & tuus Daniel lacus,
Et quæ sopore languidum,
Jonam Ratis portaverat,
Hoc in figura nuntiat.

O Petra gemmis carior!
Thesauræ cunctis ditior.
Qualem nec aula Principum
Nec gaza claudit divitum.

Nam tu nec auri munera,
Nec Principum fluxas opes,
Sed illum immensum sacri
Pretium tulisti Corporis.

At Christe dicas qui tuum
Caro sepulchrum sanguine
Tuos (rogamus) servulos
Donis tuis fac divites.

Deo Patri sit gloria,
Et Filio, qui à mortuis,
Surrexit, ac Paraclito,
In sempiterna sæcula. Amen.

Ÿ. Tuum sepulchrum adoramus Domine, Allel.

R. Et recolimus tuam gloriosam Resurrectionem,
Alleluja.

Ad Magnificat, Antiphona.

Dⁱponentes Dominum de Cruce, poluerunt eum
in monumento, quod erat excisum in petra,
in quo nondum quisquam positus fuerat, Allel.

O R A T I O.

D^omine JESU Christe, qui pro nobis mortem subire, & in sepulchro depositus, tertia die resurgere voluisti, concede famulis tuis: ut qui sepulchri tui memoriam recolimus, resurrectionis quoque gloriæ participes esse mereamur. Qui vivis & regnas,



Ad Matutinum, Invitatorium.

Surrexit Dominus de Sepulchro, * Alleluja.

Psal. Venite, exultemus.

Antiph. En lectulum Salomonis, sexaginta fortes ambiunt ex fortissimis Israel, omnes tenentes gladios, & ad bella doctissimi, Alleluja.

Psalms ut in Feslo Dedicationis Ecclesie sub una Antiphona.

Y. Ipsum gentes deprecabuntur, Alleluja.

R. Et erit Sepulchrum eius gloriosum, Allel.

Pater noster.

Absolutio. Exaudi Domine.

De Actibus Apostolorum.

LECTIO I. CAP. 13.

Viri fratres, filii generis Abraham & qui in vobis timent Deum, vobis verbum salutis huius missum est. Qui enim habitabant Jerusalem, & Principes ejus, hunc ignorantes, & voces Prophetarum, quæ per omne Sabbatum leguntur, judicantes impleverunt, & nullam causam mortis inveniunt in eo, petierunt à Pilato, ut interficerent eum. Cumque consummassent omnia, quæ de ipso scripta erant, deponentes eum de ligno, posuerunt eum in monumento. Deus verò suscitavit eum à mortuis tertia die: qui visus est per multos dies, his, qui simul ascenderant cum eo de Galilæa in Jerusalem: qui usque nunc sunt testes ejus ad plebem.

R. Deponentes Dominum de Cruce, posuerunt eum in monumento, quod erat excisum de petra, Alleluja.

* Signantes illud cum Custodibus, Alleluja.

Y. Abeuntes Judæi munierunt sepulchrum, ad volventes lapidem ad ostium monumenti. Signantes illud.

L E.



L E C T I O II.

ET nos vobis annuntiamus eam, quæ ad Patres nostros repromissio facta est, quoniã hanc Deus adimplevit filiis nostris resuscitans Jesum, sicut, & in Psalmo secundo scriptum est: Filius meus es tu, ego hodie genui te. Quod autem suscitavit eum à mortuis, amplius jam non reversurũ in corruptionem, ita dixit: quia dabo vobis Sancta David fidelia. Ideoque, & alias dicit: Non dabis Sanctum tuum videre corruptionem. David enim in sua generatione cum administrasset, voluntati Dei dormivit, & appositus est ad Patres suos, & vidit corruptionem. Quem verò Deus suscitavit à mortuis, non vidit corruptionem.

R. Sepulto Domino signatum est monumentum, volventes lapidem ad ostium monumenti, Alleluja.

**.* Ponentes milites, qui custodirent illud.

¶. Accedentes Principes Sacerdotum ad Pilatũ, petierunt illum. Ponentes.

L E C T I O III.

Notum igitur sit vobis Viri fratres, quia per hunc vobis remissio peccatorum annuntiatur, & ab omnibus, quibus non potuistis in lege Moyſi justificari, in hoc omnis, qui credit, justificatur. Videte ergo ne superveniat vobis, quod dictum est in Prophetis. Videte contemptores, & admiramini, & disperdimini, quia opus ego operor in diebus vestris: opus quod non crederis, si quis enarraverit vobis. Exeuntibus autem illis, rogabant, ut sequenti Sabbato, loquerentur sibi verba hæc. Cumque dimissa esset Synagoga, secuti sunt multi Judæorum & colentium advenarum Paulum & Barnabam, qui loquentes suadebant eis, ut permanerent in gratia Dei: Sequenti verò Sabbato penè universa Civitas convenit audire verbum Dei.



R. Acceperunt Corpus Jesu, & ligaverunt illud linteis cum aromatibus, & sepelierunt in monumento novo. * In quo nondum quisquam positus fuerat, Alleluja.

Y. Venit Joseph cum Nicodemo, & tulerunt Corpus Jesu, & sepelierunt illud in monumento novo. In quo. Gloria Patri. In quo.

In secundo Nocturno, Antiphona.

Super muros tuos Jerusalem constitui custodes, tota die & tota nocte in perpetuum non tacebunt, laudare nomen Domini, Alleluja.

Psalmi ut in Festo Dedicationis.

Y. Factus est in pace locus ejus, Alleluja.

R. Et habitatio ejus in Sion, Alleluja.

Pater noster.

Absolutio. Ipsius pietas, &c.

Sermo Sancti Bernardi Abbatis.

De Sepulchro.

LECTIO IV. CAP. II.

Inter Sancta & desiderabilia loca, Sepulchrum Christi tenet quodammodo principatum, & devotionis plus nescio quid sentitur; ubi mortuus requievit, quam ubi vivens conservatus est, atque amplius movet ad pietatem, mortis quam vitæ recordatio, puto quod illa austerior, hæc dulcior videatur, magisque infirmitati blanditur humana quies dormitionis, quam labor conversationis, mortis securitas, quam vitæ rectitudo. Vita Christi, vivendi mihi regula extitit: mors à morte redemptio, illa vitam instruxit, mortem ista destruxit: vita quidem laboriosa, sed mors pretiosa, utraque verò admodum necessaria. Quid enim Christi prodesse poterat, si ve mors nequiter viventi, si ve vita damnabiliter morienti? Nunquid denique aut mors Christi, etiam nunc malè usque ad mortem viven-



res à morte aeterna liberat, aut mortuos antè Christum Sanctos Patres vitæ sanctitatis liberavit? Sicut scriptum est: Quis est homo, qui vivet, & non videbit mortem, eruet animam suam de manu inferi? Nunc ergo, quia utrumque nobis pariter necessarium erat, & piè vivere, & sècurè mori: & vivendo vivere docuit, & mortem moriendo securam reddidit: quoniã quidem resurrecturus occubuit, & spem fecit morientibus resurgendi.

R. Mulieres venerunt ad monumentum, portantes, quæ paraverunt aromata. * Et invenerunt lapidem revolutum à monumento, Alleluja. V. Et facti est, dum mente consternatæ essent, ecce duo viri steterunt secus illas in veste fulgenti. Et invenerunt.

L E C T I O V.

S' ve itaque hæc, sive alia quæcunque in hunc modum (prout in talibus in suo quisque abundat sensu,) ex occasione Sepulchri Christianis sensibus suggerantur, puto quod non mediocris dulcedo devotionis infundatur cominus intuenti, nec parum proficitur, cernendo, etiã corporalibus oculis corporalem locũ Dominicæ quietis. Et si quippe jam vacuum sacris membris, plenum tamen nostris & jucundis admodum Sacramentis. Nostris, inquam nostris, si tamen tam ardentè amplectimur, quam indubitanter tenemus, quod Apostolus ait: Consecrati sumus enim per Baptismum in mortem, ut quomodo surrexit Christus à mortuis per gloriam Patris, ita & nos in novitate vitæ ambulemus. Si enim complantati facti sumus similitudini mortis ejus, simul, & Resurrectionis erimus.

R. Angelus Domini locutus est mulieribus, dicens: Quem quaritis? An Jesum quaritis? jam surrexit. * Venite, & videte locum, Alleluja.



Y. Jesum quæritis Nazarenum crucifixum, surrexit non est hic. Venite.

L E C T I O VI.

Quàm dulce est peregrinis, post multam longi itineris fatigationem, post plurima terræ, marisque pericula, ibi tandem quiescere, ubi & agnoscunt suum Dominum quievissè? Puto jam præ gaudio non sentiunt vitæ laborem, nec gravamen reputant expensarum, sed tamquam laboris præmiū, cursusve bravium assecuti, juxta scripturæ sententiam gaudent vehementer, cum invenerint sepulchrum. Nec casu, vel subito, aut veluti lubrica popularis favoris opinione, id tam celebre nomen Sepulchrum natum esse putetur, cum hoc ipsum tantis retrò temporibus Jsaïas tam apertè prædixit. Et erit, inquit, die illa radix Jesse, qui stat in signum populorum, ipsum gentes deprecabuntur, & erit Sepulchrum ejus gloriosum. Revera ergo impletum cernimus, quod legimus prophetatum; novum quidem intuenti, sed legenti antiquum: ut sic adsit de novitate jucunditas, & de vetustate non desit auctoritas.

R. Dum transiret Sabbatum, Maria Magdalene, Maria Jacobi, & Salome, emerunt aromata. * Ut venientes ungerent Jesum, Alleluja.

Y. Et valde mane una Sabbatorum, veniunt ad monumentum, orto jam sole. Ut venientes.

Gloria Patri. Ut venientes.

In Tertio Nocturno, Antiphona.

Et thronus ejus sicut sol in conspectu meo, & sicut luna perfecta in æternum, & testis in cælo fidelis, Alleluja.

Psalmi ut in festo Dedicationis.

Y. Erit mihi Dominus in Deum, Alleluja.

R. Et lapis iste vocabitur domus Dei, Allel.

Lectio



Lectio Sancti Evangelii Secundum Lucam.

LECTIO VII. CAP. 24.

IN illo tempore : Una Sabbati valde diluculo ,
venerunt mulieres ad monumentum , portantes ,
quæ paraverunt aromata. Et reliqua.

Homilia S. Augustini Episcopi.

Sabbato in vigilia Pasche de Joseph. Serm. 50.

Cum Maria Magdalene venisset ad monumentum,
quam memorem Salvatoris, amissa fide, devo-
tio in lachrymas compellebat, videns revolutum à
foribus lapidem, cum non invenisset in Sepulchro
Dominum, coepit acrius dolere, quod perdiderit
defunctum, mox autem ad Petrum ejus discipulum
pervolat, quem pro meriti qualitate vel fidei, ma-
jor de ejus obitu cura tangebat, nuntiat inane Se-
pulchrum, quaeritur corpus ablatum. Petrus verò
Resurrectionis Filii Dei, & ante Crucem conscius,
quam praedixerat ipse passurus, sub tali Nuntio,
non flevit aut doluit, sed morem suum in divinis
virtutibus servans, properat experiri, quod credi-
dit.

R. Tulerunt Dominum meum, & nescio, ubi
posuerunt eum. Dicunt ei Angeli: Mulier, quid
ploras? surrexit sicut dixit: * Praecedet vos in Ga-
lilæam: ibi eum videbitis, Alleluja.

ψ. Cum ergo fleret, inclinavit se, & vidit duos
Angelos in albis sedentes, qui dicunt ei. Praecedet
vos.

LECTIO VIII.

Ad Sepulchrum itaque Domini, celeri cursu fe-
stinat, lætior rediturus, si non inveniret, quod
quaerebat. Beatus autem Evangelista, & ex conse-
quentibus probat potentiam resurgentis. Venit, in-
quit, Simon Petrus, & introivit in monumentum,
& cum non invenisset Dominum, vidit linteamina

Cs

po-



posita, & sularum, quod fuerat super caput ejus: nam manifestus Deus perlaturus quem vivificaverat in cœlum, & mortem evacuat & Sepulchrum. Nam interminae quo funus tenebatur exposito, reliquit terræ exuvias, vitali jam corpore induta majestas.

R. Congratulamini mihi omnes, qui diligitis Dominum, quia quem quærebam, apparuit mihi. * Et dum flerem ad monumentum, vidi Dominum, Allel.

Y. Recedentibus discipulis, non recedebam, & amoris ejus igne succensa, ardebam desiderio. Et dum flerem. Gloria Patri. Et dum flerem.

Lectio LX. de Homilia Dominica Secunda post Pascha.

A D L A U D E S.

& per Horas Antiphona.

Vota mea Domino reddam, in conspectu omnis populi ejus, in atriis domus Domini, in medio tui Jerusalem, Alleluja.

Psal. Dominus regnavit, cum reliquis de Dominica.

Ant. Ingredieris in abundantia Sepulchrum, sicut infertur acervus tritici in tempore suo, Allel.

Ant. Qui expectant mortem & non venit, quasi effodientis thesaurum, gaudentque vehementer, cum invenerint Sepulchrum, Alleluja.

Ant. Tollite hostias, & introite in atria ejus, adorate Dominum in atrio sancto ejus, Alleluja.

Ant. In sole posuit tabernaculum suum, & ipse tanquã pons, procedens de thalamo suo, Allel.

Capitulum. Cum consummassent, ut in primis Vesperis.

H Y M N U S.

Aulite tristes inferi,
Turbæ frementes hostium,

Vestra



Vestrae ruinae nuntium,
Sacri Sepulchri gloriam.
Eu jam futuri conscius,
Illum Propheta praecinit,
Et gloriosum posteris,
Narrat sepulchrum saeculis.
Sic ille Rex fortissimus,
Fractis averni viribus,
Et mortis excussio jugo,
Primum trophaea suscitavit.
Candore tectus vestium,
Novoque lucis fulgore,
Delapsus astris Nuntius,
Hic excubavit Angelus.
Jam temperandum lachrymis,
Satis datum suspiriis,
Gravi dolore faucibus,
Hic audierunt feminae.
Et vos Magistri funere,
Plane simul commortui,
Vestro dolori gaudium,
Tulistis hic Apostoli.
Tu vero Christe maxima
Tui sepulchri gloria,
Mortem resurgens viceras,
Nos morte culpae libera.
Deo Patri sit gloria,
Et Filio, qui à mortuis
Surrexit, ac Paraclito,
In sempiterna saecula. Amen.
Ps. Dum esset Rex in accubitu suo, Alleluja.
R. Nardus mea dedit odorem su vitatis, Allel.
Ad Benedictus, Antiphona.
Abeuntes Judaei munierunt Sepulchrum, ad-
ventes lapidem ad ostium monumenti & signantes
cum cum custodibus, Allel. *Ora-*



Oratio ut in primis Vesperis.

Ad Primam Antiphona ex Laud.

In R. brevi dicitur. V. Qui surrexisti à mortuis, Alleluja, Alleluja.

Ad Absolutionem Capituli, Lectio brevis. Una Sabbati, &c. ut infra ad Nonam.

Ad Tertiam Antiphona.

Ingredieris.

Capitulum. Cùm consummassent, ut in primis Vesperis.

R. breve. Tuum sepulchrum adoramus Domine.

** Alleluja, Alleluja. Tuum Sepulchrum.*

V. Et recolimus tuam gloriosam Resurrectionem, Alleluja, Allel. Gloria Patri. Tuum Sepulchrum.

V. Vere locus iste Sanctus est, Alleluja.

R. Et ego nesciebam, Alleluja.

Ad Sextam, Antiphona.

Qui expectant mortem.

Capitulum.

ET accepto corpore Joseph, involvit illud in Sindone munda, & posuit in monumento suo novo, quod exciderat in petra.

*R. br. Verè locus iste Sanctus est, * Alleluja, Alleluja. Verè locus.*

V. Et ego nesciebam, Alleluja, Alleluja.

Gloria Patri. Verè locus.

V. Te decet hymnus Deus in Sion, Alleluja.

R. Et tibi reddetur votum in Jerusalem, Allel.

Ad Nonam, Antiphona.

In sole posuit.

Capitulum.

Una Sabbati valdè diluculo venerunt mulieres ad monumentum, portantes, quæ paraverant aromata : & invenerunt lapidem revolutum à monumento.

R. bre-



R. *breve.* Te decet hymnus Deus in Sion , *
Alleluia, Alleluia. Te decet.

ψ. Et tibi reddatur votum in Jerusalem. Alleluja, Alleluja. Gloria Patri. Te decet.

ψ. Lapidem quem reprobaverunt, Alleluja.

R. Hic factus est in caput anguli, Allel.

Ad Vesperas Ant. ut in 1. Vesp. Psalmi de Dominica, & loco utilimi Psalm. Super flumina Babylonis, ut FERIA 5. ad Vesperas.

Capitulum & Hymnus ut in primis Vesperis.

ψ. Ipsum gentes deprecabuntur, Alleluja.

R. Et erit Sepulchrum ejus gloriosum, Allel.

Ad Magnificat, Antiphona.

Introeuntes in monumentum, viderunt juvenem sedentum à dextris, coopertum stolâ candida, & obstupuerunt, Alleluja.

Oratio ut supra.

DOMINICA III. POST PASCHA.

Festum Patrocinii S. JOSEPH. Dupl. II. Class.

Ad Vesperas, Antiphona.

Jacob autem, cum reliq. de Laudibus. Psalmus. Dixit Dominus, cum rel. de Dominica & loco ultimi. Psalm. Laudate Dominum omnes gentes.

Capitulum. Gen. 46. v. 26.

Benedictiones Patris tui confortatæ sunt benedictionibus Patrum ejus; donec veniret desiderium collium æternorum: Fiant in capite Joseph, & in verticem Nazarei inter fratres suos.

Hymnus. Te Joseph, celebrent agmina Coelitum &c. ut in ejus Feste 19. Martii.

ψ. Constituit eum Dominum domus suæ, Allel.

R. Et principem omnis possessionis suæ, Allel.

Ad



Ad Magnificat, Antiphona.

Cum esset desponsata Mater Jesu Maria Joseph, antequam convenirent, inventa est in utero habens de Spiritu Sancto, Alleluia.

O R A T I O.

Deus, qui ineffabili providentia, Beatum Joseph Sanctissimæ Genitricis tuæ Sponsum eligere dignatus es: presta quæsumus; ut quem protectorem veneramus ut terris, inaccessibrem habere mereamur in cœlis. Qui vivis.

Et fit commemor. Dominica.

Ad Matutinum, Antiphona.

Iaudemus Deum nostrum: * In veneratione B. Joseph Protectoris nostri, Alleluia.

Hymnus. Te Joseph celebrent agmina Coelitum.
Sicut in primis Vesp.

In primo Nocturno Antiphona.

Angelus Domini apparuit in somnis Joseph dicens: Surge, & accipe Puerum, & Matrem ejus, & fuge in Ægyptum, & esto ibi, usque dum dicam tibi, Alleluja.

*Psalmi primi Nocturni de Communi Conf.
non Pontif.*

V. Confitebor nomini tuo, Alleluja.

R. Quoniam adjutor, & Protector factus es mihi, Alleluja.

De libro Genesis.

LECTIO I. CAP. 39. v. 1.

Igitur Joseph ductus est in Ægyptum, emitque eum Potiphar Eunuchus Pharaonis Princeps exercitus, vir Ægyptius de manu Ismaelitarum, à quibus perductus erat. Fuitque Dominus cum eo, & erat vir in cunctis prosperè agens. habitavitque in domo domini sui, qui optime roborat Dominum esse cum eo, & omnia, quæ gereret, ab eo dirigi in manu illius.



lius. Invenitque Joseph gratiam corā domino suo, & ministrabat ei, à quo præpositus omnibus, gubernabat creditam sibi domū, & universa, quæ ei tradita fuerant: benedixitque Dominus domui Ægyptii propter Joseph, & multiplicavit eā in adibus, quam in agris cunctam ejus substantiam: nec quidquam aliud noverat, nisi panem, quo vivebatur. Erat autem Joseph pulchra facie, & decorus aspectu.

R. Clamavit populus ad Regem alimenta p. cens:
* Quibus ille respondit: ite ad Joseph, Alleluja.

Y. Salus nostra in manu tua est; respice nos tantum & lati serviemus Regi. Quibus ille.

LECTIO II. Gen. 41. v. 37.

PLacuit Pharaoni consilium, & cunctis ministris ejus; locutusque est ad eos: Num invenire poterimus talem virum, qui spiritu Dei plenus sit? dixit ergo ad Joseph; quia ostendit tibi Deus omnia, quæ locutus es; nunquid sapientiore, & consimili tui invenire patero? Tu eris super domū meā, & ad tui oris impetium cunctus populus obediet: uno tantum Regni solio te præcedam. Dixitque rursus Pharaon ad Joseph, ecce constitui te super universā terrā Ægypti. Tulitque annulum de manu sua, & dedit eum in manu ejus: vestivitque eum stola byssina, & collo torquem auream circumposuit. Fecitque eum ascendere super currum suum secundum, clamante Pracone, ut omnes coram eo genuflecterent, & præpositum esse scirent universæ terræ Ægypti.

R. Fecit me Deus quasi Patrem Regis, Dominū universæ domus ejus: * Exaltavit me, ut salvos faceret multos populos, Alleluja.

Y. Venite ad me, & ego dabo vobis omnia bona Ægypti, ut comedatis medullā terræ. Exaltavit &c.

LECTIO III. Gen. c. 14. v. 44.

Dixit quoque Rex ad Joseph: Ego sum Pharaon:

abs-



absque tuo Imperio non movebit quisquam manum aut pedem in omni terra Ægypti: vertitque nomen ejus, & vocavit eum lingua Ægyptiaca, Salvatorem mundi. Deditque illi uxorem Aseneth filiam Putiphari Sacerdotis Heliopoleos. Egressus est itaque Joseph ad terram Ægypti (triginta autem annorum erat, quando stetit in conspectu Regis Pharaonis) & circumvit omnes regiones Ægypti. Venitque fergetes septem annorum, & in manipulos redacta segetes congregatae sunt in horrea Ægypti. Omnis etiā frugum abundantia in singulis urbibus condita est. Tantaque fuit abundantia tritici, ut arenæ maris coæquaretur, & copia mensuram excederet.

R. Jam lætus moriar, quia vidi faciem tuam, & superstitem te relinquo. Non sum fraudatus aspectu tuo: * Insuper ostendit mihi Dominus semen tuum. Alleluja.

V. Qui pascit me ab adolescentia mea, benedicat pueris istis; & invocetur super eos nomen meum. Insuper. Gloria Patri. Insuper.

In secundo Nocturno, Antiphona.

Angelus Domini apparuit in somnis Joseph, dicens: Surge, & accipe puerum, & Matrem ejus, & vade in terram Israel, defuncti sunt enim, qui quærebant animam pueri, Alleluja

*Psalmi secundi Nocturni de Communi Confess.
non Pontif.*

R. Respice de cœlo, & vide, & visita vineam istam, Alleluja.

R. Et perfice eam, Alleluja.

Sermo Sancti Bernardini Senensis.

Serm. primo de S. Joseph. In præmio.

L E C T I O IV.

Omnium singularium gratiarum alicui, rationali creaturæ communicatarum, generalis regula



gula est; quod quodcumque divina gratia elegit aliquem ad aliquam gratiā singularem, seu ad aliquem sublimem statum, omnia charismata donet, quæ illi personæ sic electæ, & ejus officio necessaria sunt, atque illam copiosè decorant. Quod maximè verificatum est in Sancto Joseph, putativo Patre Domini nostri Jesu Christi, & vero Sponso Reginæ mundi, & Domina Angelorum, qui ab æterno Patre electus est fidelis Nutritius, atque custos principalium thesaurorū suorum, scilicet Filii ejus, & Sponsæ suæ, quod officium fidelissimè prosecutus est; cui propterea Dominus ait: Serve bone, & fidelis intra in gaudium Domini tui.

R. Dedisti mihi protectionem salutis tuæ, & dextera tua suscepit me: * Protector meus, & cornu salutis meæ, & susceptor meus, Alleluja.

V. Ego Protector tuus sum, & merces tua magna nimis. Protector.

ART. 2. CAP. 3. LECTIO V.

Si compares eum ad totam Ecclesiam Christi: Nonne iste est homo electus, & specialis, per quem, & sub quo Christus est ordinatè, & honestè introductus in mundum? Si ergo Virgini Matri tota Ecclesia Sancta debitor est, quia per eam Christum suscipere digna facta est: Sic profectò post eam huic debet gratiā, & reverentiam singularem. Ipse enim est clavis veteris Testamenti, in qua Patriarchalis, & Prophetalis dignitas promissum consequitur fructum. Porro hic est solus, qui corporaliter possedit, quod eis divina dignatio repromisit Merito igitur figuratur per illum Patriarcha Joseph, qui populis frumnta servavit. Sed & hic illum præcellit, quia non solum Egyptiis panem corporalis vitæ, sed omnibus electis panem de cælo, qui cœlestem vitam tribuit, cum multa solertia enutrivit.

D

R. Sta-



R. Statuet filios suos sub tegmine illius, & sub ramis ejus morabitur; protegetur sub tegmine illius à fervore: * Et in gloria ejus requiescet, Alleluja.

Y. Sperate in eo omnis Congregatio populi, effundite coram illo corda vestra. Et in gloria.

ART. 5. LECTIO VI.

Profecto dubitandum non est, quod Christus familiaritatem, reverentiam, atque sublimissimam dignitatem, quam sibi exhibuit, dum ageret in humanis, tamquam filius patri suo, in coelis utique non negavit, quin potius complevit, & consummavit. Unde non immerito in verbo proposito à Domino subinfertur: Intra in gaudium Domini tui. Unde licet gaudium aeternae beatitudinis in cor hominis intret, maluit tamen Dominus ei dicere: Intra in gaudium; Ut mystice innuatur, quod gaudium illud non solum in eo sit intra, sed undique illud circumdans, & absorbens, & ipsum velut abyssus infinita submergens. Memento igitur nostri B. Joseph, & tuae orationis suffragio apud tuum putativum Filium intercede, sed & beatissimam Virginem Sponsam tuam nobis propitiam redde, quae mater est ejus; qui cum Patre, Spiritu Sancto vivit, & regnat per infinita saecula saeculorum. Amen.

R. Si consistent adversum me castra, non timebit cor meum: * Si exurgat adversum me praelium, in hoc ego sperabo, Alleluja.

Y. In te cantatio mea semper, quoniam tu adjutor. Si exurgat. Gloria Patri. Si exurgat.

In tertio Nocturno, Antiphona.

Consurgens Joseph accepit puerum, & matrem ejus, & venit in terram Israel; & habitavit in civitate, quae vocatur Nazareth, Alleluja.

Psalmi ut in Communi Confess. non Pontif.

Y. Inveni Dominum Patrem Domini mei, Allel.

R. Ut



R. Ut non derelinquat me in die tribulationis,
Alleluja.

Lectio S. Evangelii secundum Lucam.

LECTIO VII. CAP. 3.

IN illo tempore: Factum est autem, cum baptizaretur omnis populus, & Jesu baptizato, & orante, apertum est coelum. Et reliqua.

Homilia S. Augustini Episcopi.

Libro 2. de Consens. Evangel.

CAP. I. & III.

Manifestum est illud, quod ait: ut putabatur filius Joseph, propter illos dixisse, qui cum ex Joseph, sicut alii homines nascuntur, natum arbitrantur. Quos autem movet, quod alios progenitores Matthæus enumerat descendens à David usque ad Joseph, alios autem Lucas ascendens à Joseph usque ad David; facile est, ut advertant, duos Patres habere potuisse Joseph; unum à quo genitus, alterum à quo fuerit adoptatus, antiqua est enim consuetudo adoptandi etiam in illo populo Dei, ut sibi filios facerent, quos non ipsi genuissent. Unde intelligitur Lucas patrem Joseph, non à quo genitus, sed à quo fuerat adoptatus, suscepisse in Evangelio suo, cujus progenitores sursum versus commemorat, donec exiret ad David.

R. Joseph fili David, noli timere accipere Mariam conjugem tuam, quod enim in ea natum est, de Spiritu Sancto est: pariet autem filium: * Et vocabis nomen ejus Jesum, Alleluja.

V. Ipse enim salvum faciet populum à peccatis eorum. Et vocabis.

LECTIO VIII.

Cum enim necesse sit, utroque Evangelista vera narrante, Matthæo scilicet, & Luca, ut unus eorum ejus patris originem teneret, qui genuerat,

D.

alter



alter ejus qui adoptaverat Joseph; quem probabilius intelligimus adoptantis originē tenuisse, quam eum, qui noluit Joseph genitū dicerē ab illō, cuius eum filium esse narrabat? Matthæus autem dicens, Abraham genuit Isaac, Isaac genuit Jacob: atque ita in hoc verbo, quod est genuit perseverans, donec in ultimo diceret, Jacob autem genuit Joseph: satis expressit ad eum patrem perduxisse originem generantium, à quo Joseph non adoptatus, sed genitus erat. Quamquam si etiam Lucas genitum diceret Joseph ab Heli, nec sic nos hoc verbum perturbare deberet, ut aliud crederemus, quam ab uno Evangelista gignentem, ab altero adoptantem patrem fuisse commemoratū. Neque enim absurdè quisque dicitur non carne, sed charitate genuisse, quem filium sibi adoptaverit. At verò etiā nos, quibus dedit Deus potestatem filios ejus fieri, de natura atque substantia sua non nos genuit, sicut, unicum Filium; sed utique dilectione adoptavit.

R. Surge, & accipe puerum & Matrem ejus, & fuge in Ægyptum: * Et esto ibi usque dum dicam tibi, Alleluja.

ψ. Ut adimpleretur quod dictum est à Domino per Prophetam dicentem: Ex Ægypto vocavi filiū meum. Et esto. Gloria Patri. Et esto.

Nonæ Lectio dicitur de Homilia Dominica tertiæ.

A D L A U D E S.

& per Horas, Antiphona.

Jacob autem genuit Joseph, virum Mariæ, de qua natus est Jesus, qui vocatur Christus, Alleluja.
psalmus. Dominus regnavit, cum reliquis de Dominica.

Ant. Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, Allel.

An

Ant. Ascendit autem Joseph, à Galilæa de civitate Nazareth, in Judæam in civitatem David, quæ vocatur Bethlehem, Alleluja.

Ant. Et venerunt festinantes, & invenerunt Mariam & Joseph, & infantem positum in præsepio, Alleluja, Alleluja.

Ant. Et ipse Jesus erat incipiens quasi annorum triginta, ut putabatur filius Joseph, Alleluja.

Capitulum. Gen. 49. v. 26.

Benedictionis patris tui confortata sunt benedictionibus patrum ejus; donec veniret desiderium collum aternorum: sicut in capite Joseph, & in vertice Nazaræi inter fratres suos.

H Y M N U S.

Cælitum Joseph decus, atque nostræ, &c: *ut in ejus Festo 19. Martii.*

Y. Dediti mihi protectionem salutis tuæ, Allel.

R. Et dextera tua suscepit me, Allel.

Ad Benedictus, Antiphona.

Joseph fili David, noli timere accipere Mariam conjugem tuam; quod enim in ea natum est, de Spiritu Sancto est, Alleluja.

O R A T I O.

Deus, qui ineffabili providentia, Beatum Joseph sanctissimæ Genitricis tuæ Sponsum eligere dignatus es: presta quesumus; ut quem Protectorem veneramus in terris, Intercessorem habere mereamur in cœlis. Qui vivis, & regnas,

Et sit commem: Dominica.

Ad Tertiam, Antiphona.

Missus est.

Capitulum. Benedictiones patris tui, &c.

R. br. Constituit eum Dominum domus suæ: "

Alleluja, Alleluja. Constituit eum.

Y. Et principem omnis possessionis suæ. All. All.

D 3

Glo-



Gloria Patri. Constituit.

Ÿ. Confitebor nomini tuo, Alleluja.

R. Quoniam adjutor, & protector factus es mihi, Alleluja.

Ad Sextam, Antiphona.

Ascendit autem.

Capitulum. Gen: 49. v. 25.

DEus Patris tui erit adjutor tuus, & omnipotens benedicet tibi benedictionibus cœli desuper.

R. br. Confitebor nomini tuo: * Alleluja, Alleluja. Confitebor.

Ÿ. Quoniam adjutor, & protector factus es mihi, Allel. Allel. Gloria Patri. Confitebor.

Ÿ. Justus germinabit sicut lilium, Allel.

R. Et florebit in æternum ante Dominum, Allel.

Ad Nonam, Antiphona.

Et ipse Jesus.

Capitulum. Gen. 49. v. 22.

Filius accrescens Joseph, filius accrescens, & decorus aspectu; Filia discurrerunt super murum.

R. br. Justus germinabit sicut lilium: * Allel. Allel. Justus germinabit.

Ÿ. Et florebit in æternum ante Dominum. Alleluja, Allel. Gloria Patri. Justus.

Ÿ. Plantatus in domo Domini, Allel.

R. In atriis domus Dei nostri, Allel.

In secundis Vesperis omnia ut in primis, exceptis sequentibus.

Ÿ. Sub umbra illius quem desideraveram sedi, Alleluja.

R. Et fructus ejus dulcis gutturi meo, Allel.

Ad Magnificat, Antiphona.

Fili, quid fecisti nobis sic? Ecce pater tuus, & ego dolentes quærebamus te, Alleluja.

DOMI-



M A J U S

D O M I N I C A II.

In Fefto Gratiarum Beatae MARIAE Virginis.

Duplex 1. Classis cum Octava.

Ad Vesperas Antiphona.

Dum effet Rex: cum reliquis Antiphonis & Psalmis ut in Officio parvo B. V. MARIAE.

Capitulum.

Ab initio & ante ſæcula creata ſum, & uſque ad futurum ſæculum non deſinam, & in habitatione Sancta coram ipſe miniſtravi.

Hymnus. Ave maris ſtella &c.

V. Dignare me laudare te Virgo Sacrata, Alleluja.

R. Da mihi virtutem contra hoſtes tuos, Alle.

Ad Magnificat Antiphona.

Sancta MARIA, ſuccurre miſeris, juva puſſillanimes, reſove ſcibiles, ora pro populo interveni pro clero, intercede pro devoto famineo ſexu, ſentiant omnes tuum juvenem, quicumque celebrant tuam Sanctam feſtivitatem, Alleluja.

O R A T I O.

Concede nos ſervulos tuos, quaſumus Domine DEUS, perpetua mentis & corporis ſanitate gaudere; & glorioſa Beatae MARIAE ſemper Virginis interceſſione, à præſenti liberari triſtitia, & æterna perfrui lætitia. Per Dominum, &c.

Deinde fit Commemoratio. Dominicz.

Ad Matutinum; Invitatorium.

Sancta MARIA Dei Genetrix Virgo, Intercede pro nobis, Alleluja.

Psalm. Venite exultemus, &c.

Hymnus. Quem terra, pontus, ſidera, &c.



In primo Nocturno.

Antiphona. Benedicta tu in mulieribus & benedictus fructus ventris tui, Alleluja.

Psalmi ut in Officio parvo B. M. V. sub una idque prima Antiphona supra expressa.

Ÿ. Specie tua & pulchritudine tua, Alleluja.

℞. Intende, prospere procede, & regna, Allel.
Pater noster.

Absolutio. Exaudi Domine.

Ÿ. Jube domne benedicere.

Benedictio. Benedictione perpetua.

De Parabolis Salomonis.

L E C T I O I.

EGO sapientia habito in consilio, & eruditis intersu cogitationibus. Timor Domini odit malum: arrogantiam, & superbiam & viam pravam, & os bilingve detestor. Meum est consilium & æquitas, mea est prudentia, mea est fortitudo; Per me reges regnant, & legum conditores justa decernunt. Per me principes imperant, & potentes discernunt justitiam. Ego diligentes me diligo: & qui mane vigilant ad me, invenient me.

℞. Sancta & immaculata virginitas, quibus te laudibus efferam, nescio: * Quia quem cæli capere non poterant tuo gremio contulisti, Alleluja.

Ÿ. Benedicta tu in mulieribus, & benedictus fructus ventris tui. Quia.

L E C T I O II.

MECUM sunt divitiæ & gloria, opes superbx, & justitia. Melior est enim fructus meus auro, & lapide pretioso, & genimina mea argento electo. In viis justitiæ ambulo in medio semitarum judicii, ut dicem diligentes me, & thesauros eorum replea. Dominus possedit me in initio viarum suarum, antequam quidquam faceret à principio. Ab æterno

- ordi-



ordinata sum, & ex antiquis antequam terra fieret. Nondum erant abyssi, & ego jam concepta eram: necdum fontes aquarum eruperant: necdum montes gravi mole confiterant: ante colles ego parturiebar.

R. Congratulamini mihi omnes qui diligitis Dominum quia cum essem parvula, placui Altissimo:
* Et de meis visceribus genui Deum & hominem, Alleluja.

Ps. Beatam me dicent omnes generationes, quia ancillam humilem respexit Deus. Et de meis.

L E C T I O III.

Beatissimus homo qui audit me, & qui vigilat ad fores meas quotidie, & observat ad postes ostii mei. Qui me invenerit inveniet vitam, & hauriet salutem à Domino: qui autem in me peccaverit lædet animam suam. Omnes qui me oderunt, diligunt mortem. Sapientia edificavit sibi domum, excidit columnas septem. Immolavit victimas suas, miscuit vinum, & proposuit mentiam suam. Misit ancillas suas, ut vocarent ad arcem, & ad mœnia civitatis: Si quis est parvulus veniat ad me. Et insipientibus locuta est: Venite, comedite panem meum, & bibite vinum quod misui vobis.

R. Beata es Virgo Maria, quæ Dominum portasti Creatorem mundi: * Genuisti qui te fecit, & in æternum permanes Virgo, Alleluja.

R. Ave Maria gratia plena: Dominus tecum. Genuisti. Gloria Patri. Genuisti.

In secundo Nocturno.

Antiph. Specie tua, & pulchritudine tua intende, prospere procede, & regna, Alleluja.

Psalmi ut in Officio parvo, sub hac una Antiph.

Ps. Adjuvabit eam Deus vultu suo, Alleluja.

R. Deus in medio ejus, non commovebitur, All.



Pater Noster.

Absolutio. Ipsius pietas & misericordia.

℣. Jube domine benedicere.

Benedictio. Deus Pater Omnipotens.

De Sermone S. Augustini Episcopi.

Sermone 18. de Sanctis.

LECTIO IV.

EXultat MARIA, & matrem se lata miratur, & de spiritu Sancto se peperisse gaudet: nec quia peperit innupta, terretur; sed quia genuerit, cum exultatione miratur. O femina super feminas benedicta, quæ virum omnino non novit, & virum sub utero circumdedit? Circumdat virum MARIA Angelo fidem dando, quia Eva perdidit virum, serpenti consentiendo. O felix obedientia, o insignis gratia! quæ dum fidem humiliter dedit, cæli in se opificem incorporavit. Hinc promeruit gloriam, quam ipsa postmodum hausit. Ecce ait, ex hoc beatam me dicent omnes generationes.

℣. Sicut cedrus exaltata sum in Libano, & sicut Cypressus in monte Sion: quasi myrrha electa: * Dedi suavitatem odoris, Alleluja.

℣. Et sicut Cinnamomum & balsamum aromatizans. Dedi suavitatem.

LECTIO V.

O Beata MARIA, quis tibi dignè valeat jura gratiarum, ac laudū præconia rependere, quæ singulari tuo assensu mundo succurristi predito? Quis tibi laudes fragilitas humani generis pertolvat, quæ solo tuo commercio recuperandi aditū invenit? Accipe itaque quasumque exiles, quasumque meritis tuis impares gratiarum actiones; & cum susceperis vota, culpas nostras orando excusa. Admitte nostras preces intra sacrarium exauditionis, & reporta nobis antidotum reconciliationis.

℣. Quæ



R. Quæ est ista quæ processit sicut sol, & formata tanquam Jerusalem? * Viderunt eam filia Sion, & beatam dixerunt, & reginæ laudaverunt eam, Alleluja.

V. Et sicut dies verni circumdabant eam flores rosarum, & lilia convallium. Viderunt eam.

L E C T I O VI.

Sit per te excusabile quod per te ingerimus: fiat impetrabile, quod fida mente poscimus. Accipe quod offerimus, redona quod regamus, excusa quod timemus, quia tu es unica spes peccatorum. Per te speramus veniam delictorum, & in te beatissima nostrorum est expectatio præmiorum. Sancta MARIA succurre miseris, juva pusillanimes, refove fiebles, ora pro populo, interveni pro clero, intercede pro devoto famineo sexu, sentiant tuum juvamen, quicumque celebrant tuam Sanctam Festivitatem.

R. Ornatam monilibus filiam Jerusalem Dominus concupivit: * Et videntes eam filia Sion beatissimam prædicaverunt dicentes: Ungventum effusum nomen tuum, Alleluja.

V. Astitit Regina à dextris tuis in vestitu deaurato, circumdata varietate. Et videntes.

Gloria Patri. Ungventum effusum.

In Tertio Nocturno.

Antiph. Gaude MARIA Virgo, cunctas hæreses sola interemisti in universo mundo, Alleluja.

Psalmi ut in officio parvo, sub hac una Antiph.

V. Elegit eam Deus, & prælegit eam, Allel.

R. In tabernaculo suo habitare facit eam, Alle.

Pater noster.

Absolutio. A vinculis peccatorum.

V. Jube domne benedicere.

Benedictio. Evangelica lectio.

Lectio



In 8^{to} S. Evangelii secundum Lucam.

L E C T I O VII.

IN illo tempore: Minus est Angelus Gabriel a Deo in civitatem Galilææ, cui nomen Nazareth; ad Virginem desponsatam viro cui nomen erat Joseph, de Domo David, & nomen Virginis MARIA. Et reliqua.

Homilia S. Petri Chrysologi. *Sermone 142. de Annuntiat.*

Audistis hodie fratres charissimi, Angelum cum muliere de hominis reparatione tractantem. Audistis agi, ut homini cursibus eisdem, quibus dilapsus fuerat ad mortem, rediret ad vitam. Agit, agit cum MARIA Angelus de salute, quia cum Heva Angelus egerat de ruina. Audistis Angelum de carnis nostræ limbo Templum Divinæ Majestatis arte ineffabili construentem. Audistis in terris Deum, in cœlis hominem Sacramento incomprehensibili collocari. Audistis inaudita ratione in uno corpore Deum hominemque misceri. Audistis fragilem nostræ carnis naturam ad portandam totâ Deitatis pernam Angelica exhortatione roborari.

R. Felix namque es sacra Virgo MARIA & omni laude dignissima. Quia ex te ortus est sol justitiæ, Christus Deus noster, Alleluja.

Y. Ora pro populo, interveni pro clero, intercede pro devoto famineo sexu: sentiant omnes tuum juvamen quicumque celebrant tuam Sanctam Penititatem. Quia ex te.

L E C T I O VIII.

Denique ne tanto ponderi cœlestis fabricæ in MARIA subtilis nostri corporis arena succumberet, & in Virgine totius generis humani portatura fructum, virga tenuis frangeretur, fugatura metû vox Angeli mox præcessit, dicens: Ne timêas MARIA,

Ante



Ante causam dignitas Virginis annuntiatur ex Nominis, nam MARIA Hebreo sermone, latine Dominica nuncupatur. Vult ergo Angelus Dominam; ut Dominatoris Genitricem trepidatio deferat scilicet vitutis, quam nasci, & vocari Dominam ipsa sui germinis fecit, & impetravit auctoritas. Ne timeas MARIA, invenisti enim gratiam. Verum est, quia qui invenit gratiam, non debet timere: Invenisti gratiam,

R. Beata ne timeas omnes generationes: * Quia fecit mihi Dominus magna qui potens est, & Sanctum nomen eius, Alleluja.

Y. Et misericordia eius a progenie in progenies timentibus eum. Gloria Patri.

Gloria Patri. Gloria Patri.

LECTIO IX. De Familia Dominica.

A D L A U D E S

& per Horas Antiphona.

Dum esset Rex in accubitu suo, nardus mea dedit odorem suavitatis, Alleluja.

Psalm. Dominus regnavit, cum reliquis de laudibus Dominica.

Antiph. Iuxta ejus sub capite meo, & dextera illius amplexabitur me, Alleluja.

Antiph. Nigra sum, sed formosa filia Jerusalem: ideo dilexit me Rex, & introduxit me in cubiculum suum, Alleluja.

Antiph. Jam hyems transiit, imber abiit, & recessit: surge amica mea, & veni, Alleluja.

Antiph. Speciosa facta es, & suavis in deliciis tuis, Sancta Dei Genitrix, Alleluja.

Capitulum. Ab initio etc.

Hymnus. O gloriosa Virginum.

Y. Diffusa est gratia in labiis tuis, Allel.

R. Propterea benedixit te DEUS in æternum, Allel.

Ad



Ad Benedictus Antiphona.

Beata es MARIA quæ credidisti: perficientur in te, quæ dicta sunt tibi à Domino, Alleluia.

O R A T I O.

Concede nos famulos tuos, *ut in Vesperis.*

Deinde fit Commemoratio Dominica.

Ad Horas, Antiph. Capitula, & R. R. breviamus: *ut in Officio B. Maria in Sabbato.*

In secundis Vesperis omnia ut in primis.

ψ. Dignare me laudare te Virgo Sacrata, All.

R. Da mihi virtutem contra hostes tuos, Allel.

Ad Magnificat Antiphona.

Beatam me dicent omnes generationes quia ancillam humilem respexit Deus, Alleluja.

O R A T I O.

Concede nos famulos tuos, *ut supra.*

MISSA PROPRIA.
IN OCTAVA EJUSDEM FESTI.

Omnia ut in Festo præter Lectiones.

IN PRIMO NOCTURNO.

Lectiones de scriptura occurrente.

IN SECUNDO NOCTURNO.

L E C T I O IV.

Sermo S. Bernardi Abbatis.

Sermone in cap. 12. Apocal.

NOVUM fecit Dominus super terram, ut mulier circumdaret virum, nec alium quam Christum, de quo dicitur: Ecce vir, Oriens nomen ejus. NOVUM quoque fecit in cælo, ut mulier sole appareret amicta. Denique & coronavit eum, & vixissim ab eo meruit coronari. Egremini filia Sion, & videte regem Salomonem in diademate, quo coronavit eum Mater sua. Verum hoc alias. Interim sanè ingredimini magis, & videte Reginam in diademate.



demate, quo coronavit eam Filius suus. In capite, inquit, ejus corona stellarum duodecim.

R. Sicut cedrus, *ut in festo.*

LECTIO V.

Dignum plane stellis coronari caput, & ipsis longè clariùs micans ornet eas potius, quam ornentur ab eis. Quidni coronent sidera quam sol v. stit? Sicut dies verni circumdabant eam flores rosarum & lilia convallium. Nimirum læva sponsi sub capite ejus, & jam dextera illius amplexatur eam. Quis illas ætinet gemmas? quis stellas nominet, quibus Mariæ regium diadema compactum est.

R. Quæ est ista, *ut in festo.*

LECTIO VI.

Quid ergo sidereum micat in generatione Mariæ? Planè quod ex regibus ornata, quod ex semine Abraham, quod generosa ex stirpe David. Si id parum videtur, adde quod generationi illi ob singulare privilegium Sanctitatis divinitus noscitur esse concessa: quod longè ante eisdem patribus cælitus repromissa, quod mysticis præfigurata miraculis, quod oraculis prænuntiata prophetis. Hanc enim Sacerdotalis virga; dum sine radice floruit: hanc Gedeoni vellus, dum in medio siccæ aræ maduit: hanc in Ezechielis visione Orientalis porta, quæ nulli unquam patuit, præsignabat.

R. Ornatam monilibus, *ut in festo.*

IN TERTIO NOCTURNO.

Lectio S. Evangelij Secundùm Lucam. c. i.

In illo tempore: Missus est Angelus Gabriel à Deo in civitatem Galilææ, cui nomen Nazareth ad Virginem desponsatam Viro, cui nomen erat Joseph de domo David, & nomen Virginis MARIA. Et reliqua.

Homi-



Homilia S. Petri Damiani.
Serm. de Epiphania Domini.

LECTIO VII.

STella erat Virgo MARIA, de qua Balaam prædixit in prophetia sua: Orietur stella ex Jacob, & confringet omnes alienigenas. In stella fratres, quatuor principaliter attenduntur. Stella enim igneæ naturæ est, stella in se lucida est, & clara, stella ex se radium emittit, stella in nocte luet. Hæc eadem in stella nostra, id est in Virgine MARIA possumus invenire. Stella ut diximus, igneæ naturæ est, & ipsa Virgo MARIA igneæ naturæ fuit. Ipsa est enim rubus ille igneus, in quo apparuit Dominus Moyfi, qui videbatur quidem ardere, sed non comburebatur; quia gravida quidem apparuit Virgo, sed igne libidinis non est consumpta. Ipsa in se splendida est, & clara, adeo ut de ipsa scriptum sit in Canticis Canticorum: Quæ est quæ progreditur sicut Aurora conturgens, pulchra ut Luna, electa ut sol? Ipsa ex se radium illum emisit, qui penetrat usque ad cordis secreta; unde & merito congruit ei nominis interpretatio. MARIA namque stella maris interpretatur; hoc mare mundus est, sicut scriptum est: Hoc mare magnum & spatiosum, illic reptilia quorum non est numerus!

R. Felix namque es, ut in festo.

LECTIO VIII.

Merito ergo stella maris dicitur, quia ipsa tantumquam Sydus singulare refulsit in mundo, & cuius splendor illuminat mundum, & ex se radium illum emisit, qui illuminat omnem hominem venientem in hunc mundum. Et sicut radius processit à Stella, stellâ integrâ permanente; sic Filius ex Virgine, Virginitate inviolabili perdurante. Stella luet in nocte, & ipsa Virgo in nocte huius sæculi



singulariter fulsit, secundum quod de ea scriptum est: Quæ cunctas hæreses sola interemisti in universo mundo. Talis est Stella nostra, fratres, talis est Virgo MARIA, talis est stella maris: & quia reliquit nobis exemplum, ut sequamur vestigia ejus, talis etiam debet esse anima nostra.

R. Beatam me dicent, ut in festo.

LECTIO IX. De Homilia Dominicz.

In Festo S. JOANNIS NEPOMUCENI Mart.

Duplex.

Omnia ut in communi Martyrum tempore Paschali, (si illud contingat Celebrari tempore Paschali. Alias omnia dicenda essent de communi unius Martyris) præter ea quæ sequuntur.

O R A T I O.

DEUS qui ob invictum Beati Joannis Sacramentale silentium nova Ecclesiam tuam Martyrii coronâ decorasti, da nobis ejus intercessione, & exempli linguam cautè custodire, ac omnia potius mala, quàm animæ detrimentum, in hoc sæculo tolerare. Per Dominum nostrum &c.

In primo Nocturno.

Lectiones de Scriptura occurrente.

In secundo Nocturno.

LECTIO IV.

JOHANNES Nepomuci Bohemiæ Oppidò, unde Nepomuceni cognomen duxit, à parentibus ætate pro-
vectis, non sine futuræ sanctitatis præfagio, flammis supra nascentis domum mirabiliter collucen-
tibus, ortus est. Cum infans in gravem morbum in-
cidisset, Beatæ Virginis ope, cui natum parentes
referebant acceptum, è vitæ periculo evasit inco-
lumis. Egregia indole, piæque institutione celesti-
bus indiciis obsequente, inter Sanctas, religiosasque

E

exerc.



exercitationes pueritiam egit: Nam Ecclesiam frequenter adire, & Sacerdotibus ad Aras operantibus ministrare in deliciis habuit. Zatecii politionibus literis ad humanitatē informatus; Pragæ verò gravioribus disciplinis excultus, Philosophiæ, Theologiæ, Sacrorumque Canonum Magisterium, & Lauream meruit. Sacerdotiō initiatus, atque à scientia Sanctorum ad lucra animarum ritè comparatus, ministerio Verbi DEI se penitus addixit. Cum igitur in vitiis, & revocandis in via salutis errantibus eloquentiâ, & pietate uberes ederet fructus, inter Canonicos Metropolitanæ Ecclesiæ Pragensis cooptatus, mox sibi demandatam Evangelii coram Rege Venceslao IV. prædicandi Provinciam suscepit, eo successu, ut Joannis svasu multa Rex faceret, magnoque in honore ejus virtutes haberet. Conspicuas tamen, quas ille obtulit dignitates, DEI servus, ne à Divini Verbi præconio avocaretur, constantissimè recusavit, Regiis illū Eléemosynis in pauperes erogandis præfectum, Joanna Regina conscientiæ sibi Moderatorem adscivit.

L E C T I O V.

Cum autem Venceslaus ab Officio, institutoque decessisset, atque in vitia præceps abriperetur; pia autem Conjugis obtestationes, & monita gravatè ferret, contendere ausus est, ut in Sacramentali Judicio Sacerdoti credita Reginæ arcana sibi à Joanne panderentur. At DEI Minister blanditiis primū, tormentis deinde, & carceris squallore tentatus, nefariæ Regis cupiditati fortiter obstitit. Furentem tamen Venceslai animum cum ab execrando proposito nec humana, nec divina jura deterrent, Supremum agonem, quem instare sibi Athleta Christi noverat, populo in concione de impendentibus etiam Regni calamitatibus admonito, non obscurè



prænuntiavit. Mox Boleslaviam profectus ad Beatæ Virginis Imaginem antiquo cultu celebrem, cæleste præsidium ad certandum bonū certamen effusis precibus imploravit. Inde Vesperis revertentē, in Per-
vigilio Dominicæ Ascensionis, Rex è fenestra conspicatus accersit, cumque vehementius urgeret, & proximam in aquis, si obluſtari pergeret, submerſionem intentaret, Joannes invicta constantiâ terrores, minasque refutavit. Itaque Regis Imperiò in Moldaviam flumen, Pragam interfluens noctu dejectus, illustrem Martyrii coronâ est consecutus. Scelerilegium facinus clam patratum, & Martyris gloriâ insigne prodigiū Divinitus patefecit. Ubi enim exanime corpus secundo flumine vehi capit, ardentem facies aquis ſupernatantes, & discurrentes apparuerunt.

L E C T I O VI.

Quamobrem ex arena poſtridie mane corpus elatum, Canonici deinde Regis iram nihil timentes, in Metropolitanam Eccleſiâ ſolenni pompa intulerunt, & ſepulturæ mandârunt. Cùm autem indies invicti Sacerdotis memoriâ, miraculis, & maxima fidelium, eorū præcipuè, qui famâ periclitantur, veneratione creſceret, poſt annos demū amplius tercentos in juridica recognitione corporis, quod ſub humo tam diu jacuerat, lingua ejus incorrupta, & vivida reperta eſt; quæ ſextò poſt anno Judicibus à Sede Apoſtolica delegatis exhibitâ, novo prodigiò repente intumuit, & ſubobſcurum ruborem in purpureum commutavit. His itaque, aliisq; ſignis ritè probatis, Benedictus XIII. P. M. die decima nona Mentis Martii annò ſalutis milleſimo ſeptingenteſimo vigefimo nono priuſ hunc Sacramentalis Sigilli aſſertorem, Arcani fidei ſanguine obſignantem, Sanctorū Martyrū catalogo adſcripſit.

E 2

In



In tertio Nocturno.

LECTIO Sancti Evangelii secundum Matthæum.

LECTIO VII. CAP. 10.

In illo tempore: Dixit JESUS discipulis suis: Nichil est opertum, quod non revelabitur; & occultum, quod non sciatur. Et reliqua.

Homilia Sancti Hilarii Episcopi.

Comment. in Matth. cap. 10. post medium.

Dominus diem judicii ostendit, quæ abstrusam voluntatis nostræ conscientiam perodet: & ea quæ nunc occulta existimantur, luce cognitionis publicæ detegeret. Igitur non minas, non consilia, non potestates insectantium monet esse metuentes: quia dies judicii nulla hæc fuisse, atque inania revelabit. Et quod dico vobis in tenebris, dicite in lumine: & quod in aure auditis, predicare super terra. Non legimus Dominum solitum fuisse noctibus sermocinari, & doctrinam in tenebris tradidisse; sed quia omnis sermo ejus carnalibus tenebræ sunt, & verbum ejus infidelibus nox est.

R. Corona aurea super caput ejus: * Expressa signo sanctitatis, gloria honoris, & opus fortitudinis.

V. Quoniam prævenisti eum in benedictionibus dulcedinis, posuisti in capite ejus coronam de lapide pretioso. *Expressa.*

LECTIO VIII.

Itaque id, quod à se dictum est, cum libertate fidei, & confessionis vult esse loquendum. Idcirco quæ in tenebris dicta sunt, predicari jussit in lumine: ut quæ secreto aurium commissa sunt, super testa, id est, excelsio loquentium præconio audiantur. Constantem enim Dei ingerenda cognitio est, & profinium doctrinæ Evangelicæ secretum in lumine prædicationis Apostolicæ revelandum: non timentes eos: quibus cum sit licentia in corpora, tamen



men in animam jus nullum est : sed timentes potius Deum, cui perdenda in gehenna & anima, & corporis sit potestas.

R. Hic est verè Martyr, qui pro Christi nomine sanguinem suum fudit : * Qui minas iudicium non timuit, nec terrenæ dignitatis gloriam quasi- vit, sed ad cœlestia regna pervenit.

Y. Iustum deduxit Dominus per vias rectas, & ostendit illi regnum Dei. Qui minas.

Gloria Patri. Qui minas.

L E C T I O IX.

NOLITE timere eos qui occidunt corpus. Nullus igitur corporum nostrorum casus est perime- scendus, neque ullus interimenda carnis admitten- dus est dolor : quando pro naturæ suæ, atque ori- ginis conditione resoluta, in substantiam spiritua- lis animæ refundatur. Et quia doctrinis talibus confirmatos oportet liberam confitendi Dei habere constantiam, etiam conditionem, qua teneremur, adiecit : negaturum se eum Patri in cœlis, qui se hominibus in terra negasset : eum porro qui con- fessus corâ hominibus se fuisset, a se in cœlis con- fitendum : qualesque nos nominis sui testes homi- nibus fuisset, tali nos apud Deum Patrem testi- monio ejus usus.

Te Deum laudamus. &c.

J U N I U S.

OFFICIUM SANCTISSIMI CORDIS DOMINI
NOSTRI JESU CHRISTI.

*Feriâ sexâ post Octavam Sanctissimi Corporis
Christi sub Ritu Duplicis Majoris.*

A D V E S P E R A S.

*Antiphona. Dilecte à me, quia mitis sum, &
humilis Corde.*



Psalms. Dixit Dominus Domino meo.

Antiph. Sanctificavi locum istum, ut sit Nomen meum ibi in sempiternum, & permaneant oculi mei, & cor meum ibi cunctis diebus.

Psal. Confitebor Tibi Domine.

Ant. Et dixi: Ergo sine causa justificavi cor meum, & lavi inter innocentes manus meas, & fui flagellatus tota die.

Psal. Credidi propter quod.

Ant. Secundum multitudinem dolorum meorum in Corde meo, consolationes tuæ latificaverunt animam meam.

Psal. Beati omnes qui.

Ant. Pone me ut Signaculum super Cor tuum, ut Signaculum super brachium tuum.

Psal. Lauda Jerusalem.

Capitulum Iſaia 12.

Ecce DEUS Salvator meus, fiducialiter agam, & non timebo, quia fortitudo mea, & laus mea Dominus, & factus est mihi in salutem. Haurietis aquas in gaudio de fontibus Salvatoris.

H Y M N U S.

Autor beate sæculi,
Christe Redemptor omnium,
Lumen Patris de lumine,
Deusque verus de Deo.

Amor coegit Te tuus,
Mortale corpus sumere,
Ut novus Adam redderes,
Quod vetus ille abstulerat.

Ille Amor almus Artifex
Terræ, marisque, & syderum,
Errata Patrum miserans,
Et nostra rumpens vincula.

Nor.



Non Corde discedat tuo

Vis illa Amoris inclyti,

Hoc fonte gentes hauriant,

Remissionis gratiam.

Percussum ad hoc est lanceâ,

Passumque ad hoc est vulnera;

Ut nos lavaret sordibus

Unda fluente, & sanguine.

Decus Parénti, & Filio,

Sanctoquæ sit Spiritui,

Quibus potestas, gloria,

Regnumquæ in omne est sæculum, Amen.

Y. Ignem veni mittere in terram.

R. Et quid volo, nisi ut accendatur?

Ad Magnificat, Antiphona.

Improprium expectavit Cor meum, & miseriam:
& sustinui, qui simul contristaretur, & non fuit, &
qui consolaretur, & non inveni.

O R A T I O.

Concede quæsumus Omnipotens Deus, ut qui in
Sanctissimo dilecti Filii Tui Corde gloriantes,
præcipua in nos Charitatis ejus beneficia recolimus,
eorum pariter & actu delectemur, & fructu. Per
eundem Dominum nostrum.

Ad Matutinum, Invitatorium.

Christum pro nobis passum: Venite adoremus.

Psal: Venite Exultemus Domino.

H Y M N U S.

EN, ut superba criminum,

Et sæva nostrorum cohors,

Cor sauciavit innocens

Merentis haud tale Dei!

Vibrantis hastam Militis

Peccata nostra dirigunt;



Ferrumque diræ cuspidis,
Mortale crimen acuit.

Ex corde scisso Ecclesia
Christo jugata nascitur,
Hoc ostium Arcæ in latere est,
Genti ad salutem positum.

Ex hoc perennis Gratia,
Ceu septiformis fluvius,
Stolas ut illic fordidas,
Lavemus Agni in sanguine.

Turpe est redire ad crimina,
Quæ Cor beatum lacerent:
Sed æmulemur cordibus
Flammas Amoris indices.

Hoc, Christe nobis, hoc Pater,
Hoc Sancte dona Spiritus,
Quibus potestas, gloria,
Regnumque in omne est sæculum, Amen.

In primo Nocturno Antiphona.

Quid est homo, quia magnificas eum, aut quid
apponis erga eum Cor tuum?

Psal. Domine Dominus noster, *ut in Officio B*
Virginis Mariæ.

Antiph. Meditatio Cordis mei in conspectu tuo
semper.

Antiph. Elevamini Portæ æternales, & introibit
Rex gloriæ.

Y. Domine dabis pacem nobis.

R. Omnia enim opera nostra operatus es nobis.

De Isaiâ Propheta.

LECTIO I. CAP. 12:

Confitebor Tibi Domine, quoniam iratus es mi-
hi: Conversus est furor tuus, & consolatus es
me. Ecce Deus Salvator meus: fiducialiter agam,
& non timebo: quia fortitudo mea, & laus mea
Domi-



Dominus, & factus est mihi in salutem. Haec iectis aquas in gaudio de fontibus Salvatoris. Et dicetis in die illa: Confitemini Domino, & invocare nomen ejus, memento enim excelsum est Nomen eius. Cantate Domino, quoniam mirificè fecit: annuntiate hoc in universa terrâ. Exulta, & lauda habitatio Sion, quia magnas in medio tui Sanctus Israel.

R. Ego sum panis vitæ: Patres vestri manducaverunt manna in deserto & mortui sunt: * Hic est panis de Cœlo descendens, ut si quis ex ipso manducet, non moriatur.

Y. Ego sum panis vivus, qui de Cœlo descendi, si quis manducaverit ex hoc pane, vivet in æternum. Hic est.

LECTIO II. CAP. 26.

IN die illa cantabitur Canticum istud in Terra Juda; Urbs fortitudinis nostræ Sion, Salvator ponetur in ea murus, & antemurale. Aperite portas, & ingrediatur Gens iusta, custodiens veritatem. Vetus error abiit, servabis pacem, quia in Te speravimus, Sperabis in Domino in sæculis æternis, in Domino Deo forti in perpetuum. Quia incurvabit habitantes in excelsis, Civitatem sublimem humiliabit eam usque ad terram.

R. Ecce vidimus eum non habentem speciem, neque decorem: aspectus ejus in eo non est: hic peccata nostra portavit, & pro nobis dolet: ipse autem vulneratus est propter iniquitates nostras: * Cujus livore sanati sumus.

Y. Verè languores nostros ipse tulit, & dolores nostros ipse portavit. Cujus livore.

LECTIO III.

Semita iusti recta est, rectus callis iusti ad ambulandum: & in semita iudiciorum tuorum Do-



mine sustinuius Te: Nomen tuum, & memoriale
tuum in desiderio animæ. Anima mea desideravit
Te in nocte, sed & spiritu meo in præcordiis meis
de mane vigilabo ad Te. Cum feceris iudicia tua
in terra, iusticiam discent habitatores Orbis.

R. Benedictus Dominus Deus Israel, qui facit
mirabilia magna solus: * Et benedictum nomen
Majestatis ejus in æternum.

Y. Replebitur Majestate ejus omnis terra fiat,
fiat. Et benedictum.

Gloria Patri. Et benedictum.

In secundo Nocturno, Antiphona.

Afferentur in lætitia, & exultatione, adducen-
tur in Templum Regis.

Psalmi ut in Offic: B. V. Mariæ.

Ant. Sanctificavit Tabernaculum suum Altissimus.

Ant. Sicut lætantiū omniū habitatio est in Te.

Y. Conuersus est furor tuus.

R. Et consolatus es me.

De Sermone S. Bernardi Abbatis. Serm. 3. de Pass.
L E C T I O IV.

Quia semel venimus ad Cor dulcissimum JESU,
& bonum est nos hic esse, ne sinamus nos fa-
cile auelli ab eo, de quo scriptum est: Recedentes
à te in terra scribentur. Quid autem accedentes?
Tu ipse doces nos: Tu dixisti accedentibus ad Te:
Gaud te quia nomina ventra scripta sunt in Coelo.
Accedamus ergo ad Te, & exultabimus & lætabi-
mur in Te, memores Cordis tui. O quam bonum,
& quam jucundum habitare in Corde hoc! Quin
potius dabo omnia, omnes cogitationes, & affectus
mentis commutabo, jactans omnem cogitatū meum
in Cor Domini Jesu, & sine fallacia illud me enu-
eriet.

Y. Qui



R. Qui manducat meam carnem, & bibit meum Sanguinem: * in me manet & ego in eo.

Y. Non est alia natio tam grandis, quæ habeat Deos appropinquantibus sibi, sicut Deus noster adest nobis. In me manet.

LECTIO V.

AD hoc Templum, ad hæc Sancti Sanctorum, ad hanc Arcam Testamenti adorabo, & laudabo nomen Domini, dicens cum David: Invenit Cor meum, ut orem Deum meum. Et ego inveni Cor Regis, Fratris, & amici benigni JESU. Et numquid non adorabo? Hæc igitur Corde tuo, & meo, dulcissime JESU, invento, orabo Te Deum meum: admitte tantum in Sacramentum exauditionis tuæ preces meas: imo me totum trahere in Cor tuum. O! omnium pulchritudine speciosissime JESU, amplius lava me ab iniquitate mea, & à peccato meo munda me: ut purificatus per Te purissimum, possim accedere, & in Corde tuo omnibus diebus vitæ meæ merear habitare, & ut videre simul & facere tuam valeam voluntatem.

R. Sicut ovis ad occisionem ductus est, & dum male tractaretur, non aperuit os suum; traditus est ad mortem: * Ut vivificaret populum suum.

Y. Tradidit in mortem animam suam, & inter sceleratos reputatus est. Ut vivificaret.

LECTIO VI.

AD hoc enim perforatum est latus tuum, ut nobis pateat introitus. Ad hoc vulneratum est Cor tuum, ut in illo, & in Te ab exterioribus perturbationibus absoluti habitare possimus. Nihilominus & propterea vulneratum est, ut per vulnus visibile, vulnus amoris invisibile videamus. Quomodo hic ardor melius ostendi potest, nisi quod non solum Corpus, verum etiam ipsum Cor lancea vulnerari



neriri permittit? Cur sic ergo vulnus, vulnus spiritus de ostendit. Quis illud Cor tam vulneratum non diligit? quis tam amans non redimet? Quis tam castum non amplectatur? Nos igitur adhuc in corpore in mentis, quantum possumus amemus, redamemus, amplexamur. Vulneratum nostrum, cuius impii agricolæ foderunt manus, & pedes; latus, & Cor: stenusque, ut Cor nostrum durum adhuc, & impenitens Amoris sui vinculo constringere, & jaculo vulnerare dignetur.

Quam charitatem Christi patientis, & pro generis humani redemptione morientis, atque in suæ mortis commemorationem instituentis Sacramentum Corporis, & sanguinis sui, ut Fidelēs sub Sanctissimi Cordis Symbolo devotius, ac ferventius recolant, ejusdemque fructus uberius percipiant, CLEMENS XIII. Pont. Max. ejusdem Sanctissimi Cordis Festum, quibusdam petentibus Ecclesiis celebrare permittit.

R. Magnus Dominus & laudabilis nimis: * Et sapientiæ ejus non est numerus.

V. Magnus Dominus & magna virtus ejus, & sapientiæ ejus non est finis. Et sapientiæ.

Gloria Patri. Et sapientiæ.

In Tertio Nocturno, Antiphona.

Annuntiatio de die in diem salutare ejus.

Psalm: In Officio B. V. MARIE.

Ant: Adorate eum omnes Angeli ejus: audivit, & letata est Sion.

Ant: Viderunt omnes termini terre salutare Dei nostri. V. Ex Sion species decoris ejus.

R. Deus noster manifeste veniet.

LECTIO Sancti Evangelii secundum Joannem.

LECTIO VII. CAP. 19. 31.

I Illo tempore Judæi, quoniam Parasceve erat, ut non remaneret in Cruce corpora Sabbato, fecerunt



(erat enim magnus dies ille Sabbati) rogaverunt Pilatum, ut frangerentur eorum crura, & tollerentur. Et reliqua.

Homilia Sancti Augustini Episcopi.

Tract: 120. Joan.

UNus militum lanceâ latus ejus aperuit, & continuo exivit sanguis, & aqua. Vigilanti verbo Evangelista usus est, ut non diceret latus ejus percussit, aut vulneravit, aut quid aliud; sed aperuit, ut illud quodammodo vita ostium panderetur, unde Sacramenta manaverunt, sine quibus ad vitam, quæ vera vita est, non intratur. Ille sanguis, qui fusus est, in remissionem fusus est peccatorum. Aqua illa salutare temperat poculum, hæc & lavacrum præstat, & potum. Hoc prænuntiabat quod Noe in latere Arcæ ostium facere jussus est, quo intrarent animalia, quæ non erant diluvio peritura, quibus figurabatur Ecclesia.

R. Misi me vivens Pater, & ego vivo propter Patrem: * Et qui manducat me vivet propter me.

℣. Cibavit illum Dominus pane Vitæ, & intellectus. Et qui manducat.

LECTIO VIII.

De Homilia S. Joannis Chrysost: Homil: 84.

Vides, quanta sit veritas? per ea, quæ Judæi faciunt, prophetia impietur, alia enim ex hoc manifestata est. Venerunt ergo Milites, & aliorum fregerunt crura, non Christi; sed ad Judæorum gratiam conciliandam, latus ejus, lanceâ aperuerunt, & mortuo adhuc insultant. O! pessimam voluntatem, ac scelestissimam! Noli tamen perturbari, o dilectissime; quæ enim malo illi animo patrârunt, veritati consentiebant, prophetia hinc impleta est, inquam: videbunt in quem transfixerunt. Neque hoc tantum, sed non credituris fuit fidei argumen-
sum.



cum, ut Thomæ, & qui cum eo erant. Ad hæc & arcanum mysterium confirmatum est; exivit enim sanguis & aqua: non casu, simpliciter hi fontes scaturierunt, sed quoniam ex ambobus Ecclesia constituta est.

R. Recessit Pastor noster, fons aquæ vivæ, ad cuius transitum Sol obcuratus est: * Portas mortis & seras pariter Salvator noster dirupit.

Y. Destruxit quidem claustra inferni, & subvertit potentias diaboli. Portas.

Gloria Patri. Portas.

L E C T I O IX.

De Homilia S. Bonaventuræ Episcopi.

Libro de ligno Vitæ.

Porro ut de latere Christi dormientis formaretur Ecclesia, divina est ordinatione indultum, ut unus Militum lanceâ latus sacrum illud aperiendo perfoderet, quatenus sanguine cum aqua manante, primum effunderetur nostræ salutis, quod à fonte scilicet, Cordis arcano profusum, vim daret Sacramentis Ecclesiæ, ad vitam gratiæ conferendam; essetque jam in Christo viventibus poculum fontis vivi, salientis in vitam æternam. Surge igitur anima amica Christi vigilare non cesses, ibi os appone, ut haurias aquas de Fontibus Salvatoris.

Te Deum laudamus.

A D I A U D E S.

& per Horas, Antiphonæ.

Discite à me, ut supra ad Vesperas.

Psal. Dominus regnavit: Cum reliquis de Dominica.

Capitulum Iſaia 12.

Ecce Deus Salvator meus, ut supra.

H Y M N U S.

COr, Arca legem continens
Non servitutis veteris:

Sed



Sed Gratiz, sed veniz,
Sed & misericordiz.
Cor, Sanctuarium novi
Intemeratum Fœderis,
Templum vetusto sanctius,
Velumque scissum utilius:
Te vulneratum Charitas
Ictu patienti voluit;
Amoris invisibilis,
Ut veneremur vulnera.
Hoc sub Amoris symbolo
Passus cruenta & mystica,
Utrumque sacrificium,
Christus Sacerdos obtulit.
Quis non Amantem redamet?
Quis non redemptus diligit,
Et Corde in isto feligat
Æterna tabernacula?
Decus Parenti, & Filio,
Sanctoque sit Spiritui,
Quibus potestas gloria,
Regnumque in omne est sæculum, Amen.
V. Vere languores nostros ipse tulit.
R. Et dolores nostros ipse portavit.
Ad Benedictus, Antiphona.

Vulneratus est propter iniquitates nostras; attritus est propter scelera nostra: disciplina pacis nostræ super eum, & livore ejus sanati sumus.

Oratio ut supra.

Ad Primam.

R. breve. Christe Fili Dei vivi miserere nobis.
Christe Fili Dei vivi miserere nobis.

V. Qui passus es pro nobis. Miserere nobis.

Ad Tertiam.

Capitulum. Ecce Deus Salvator. &c.

R. breve.



R. *br.* Verè languores nostros ipse tulit. Verè.

Y. Et dolores nostros ipse portavit.

Languores nostros ipse tulit.

Gloria Patri. Verè.

Y. Posuit fines tuos pacem.

R. Et adipe frumenti satiat Te.

Ad Sextam.

Capitulum Iſaia 12.

Dicetis in illa die: Conſitemini Domino: & invocate nomen ejus: & mementote, quoniam excelſum eſt nomen ejus.

R. *br.* Posuit fines tuos pacem. Posuit.

Y. Et adipe frumenti satiat Te.

Fines tuos pacem.

Gloria Patri. Posuit.

Y. Dirupisti Domine vincula mea,

R. Tibi sacrificabo hostiam laudis.

Ad Nonam.

Capitulum Iſaia 12.

Cantate Domino quoniam miris e fecit, annuntiate hoc in universa terra. Exulta & lauda habitatio Sion, quia magnus in medio tui Sanctus Iſrael.

R. *br.* Dirupisti Domine vincula mea. Dirupisti.

Y. Tibi sacrificabo hostiam laudis. Vincula mea.

Gloria Patri. Dirupisti.

Y. Erit Dominus nominatus in signum æternum.

R. Quod non auferetur.

IN II. VESPERIS.

Omnia ut in primis, præter ſequentia.

Y. Haurietis aquas in gaudio.

R. De Fontibus Salvatoris.

Ad Magnificat, Antiphona.

Ad JESUM autem cum venissent, ut viderunt eum mortuum, non fregit eum cura; sed unus militum lancea latus ejus percussit, & continuo exivit sanguis, & aqua. *Oratio ut supra.* JU.



J U L I U S

Die 4. Ejusdem.

IN FESTO S. JOSEPHI CALASANCTII.

à MATRE DEI CONFESSORIS

Et Fundatoris Ordinis Clericorum Regularium
Pauperum Matris DEI Scholarum Piarum.*Officium Duplex primæ Classis cum Octava.**Omnia de Communi Confessoris non Pontificis ,
prater ea , qua sequuntur.**Quæ Lectiones utriusque Nocturni servient pro*
MENSIBUS JANUARIO & FEBRUARIO.

O R E M U S.

DEUS, qui per S. JOSEPHUM Confessorem
tuum ad erudiendam spiritum intelligentiæ, ac
pietatis juventutem, novum Ecclesiæ tuæ subsidium
providere dignatus es, præsta quæsumus, nos ejus
exemplo, & intercessione ita facere, & docere, ut
præmia consequamur æterna. Per Dominum nostrum
JESUM Christum Filium &c.

*In primo Nocturno.**Lectiones de Comm. Conf. non Pontif. 2do loco.**In secundo Nocturno.*

L E C T I O IV.

JOSEPHUS Calasanticus à Matre Dei Petraltæ in
Aragonia nobili genere natus, à teneris annis,
tuturæ in pueros charitatis, & eorum institutionis
indicia præbuit. Nam adhuc parvulus eos ad se
convocatos in Mysteriis Fidei, & sacris precibus
erudiebat. Humanis, divinisque literis egregie do-
ctus, cum studiis Theologicis Valentis operam da-
ret, nobilis potentisque faminx illecebris fortiter

F

supr.



superatis, virginitatem, quam Deo voverat, inoffensam, insigni victoria servavit. Sacerdos ex voto factus, à compluribus Episcopis in Castellæ Novæ, Aragoniæ, & Catalauniæ regnis in partem laboris adscitus, expectationem omnium vicit, pravis ubique moribus emendatis, Ecclesiastica disciplina restituta, inimicitiis cruentisque factionibus mirifice extinctis. At Cœlesti visione, & Dei voce frequenter admonitus Romam profectus est. Tu autē Domine &c.

R. Honestum fecit illum &c.

L E C T I O V.

IN Urbe summa vitæ asperitate, vigiliis, & jeuniis corpus affligens in orationibus, & cœlestium rerum contemplatione dies noctesque versabatur, septem ejusdem Urbis Ecclesias singulis fere noctibus obire solitus: quem inde morem complures annos servavit. Dato piis sodalitatibus nomine, mirum, quanto ardore pauperes, infirmos potissimum aut carceribus detentos eleemosinis, omnique pietatis officio sublevaret. Lue Urbem depopulante, una cum S. Camillo, tanto fuit actus impetu charitatis, ut præter subsidia ægrotis pauperibus large collata, ipsa etiam defunctorum cadavera suis humeris tumulanda transferret. Verum cum divinitus accepisset, se ad informandos intelligentiæ, ac pietatis spiritu adolescentulos, præcipue pauperes destinari, Ordinem Clericorum Regularium Pauperum Matris DEI Scholarum Piarum fundavit, qui peculiarem curam circa puerorum eruditionem ex proprio instituto profiterentur: Ipsumque Ordinem Clementi VIII. Paulo V., aliisque Summis Pontificibus magnopere probatū, brevi tempore per plurimas Europæ Provincias, & Regna mirabiliter propagavit. In hoc autem tot labores perpeffus est, ac
tot



tot ærumnas invicto animo toleravit, ut omnium voce miraculum fortitudinis, & S. Jobi exemplum diceretur. Tu autem &c.

R. Amavit eum &c.

LECTIO VI.

Quamvis Ordini universo præfesset, totisque viribus ad animarum salutem incumberet, nunquam tamen intermisit pueros, præsertim pauperiores, erudire, quorum scholas verrere, eosque domû comitari consuevit. In eo summa patientiæ, & humilitatis munere, valetudine etiam infirma, duos & quinquaginta annos perseveravit: dignus propterea, quem crebris Deus miraculis coram discipulis illustraret, & cui Beatissima Virgo cum puero Jesu, illis orantibus benedicente, appareret. Amplissimis interim dignitatibus repudiatis, prophetia, abdita cordium, & absentia cognoscendi donis, & miraculis clarus, Deiparæ Virginis, quam singulari pietate, & ipse ab infantia coluit, & suis maxime commendavit, aliorumque Coelitus frequenti apparitione dignatus, cum obitus sui diem, & Ordinis tunc prope eversi restitutionem, atque incrementû prænuñtiasset, secundum & nonagesimum annum ægens, Romæ obdormivit in Domino octavo Kalen: Septembris Anno millesimo sexcentesimo quadragesimo octavo. Ejus Cor, & Lingva post sæculum integra, & incorrupta reperta sunt. Ipse vero multis post obitum quoque signis à Deo illustratus, primum à BENEDICTO XIV. Beatorum cultu decoratus fuit, ac deinde à CLEMENTE XIII Pontifice Maximo inter Sanctos solemniter est relatus. Tu autem Domine &c.

R. Jste Homo &c.

In tertio Nocturno.

LECTIO VII. CAP. 31.

F.

Le.



Lectio S. Evangelij Secundum Matthæum.

IN illo tempore accesserunt Discipuli ad Jesum dicentes: Quis putas, major est in Regno Cœlorum? Et reliqua.

Homilia S. Joannis Chrysostomi.

In Cap. 18. *Matth. Hom. 60.*

Videte, ne aliquem istorum contempseritis parvulorum, quia eorum Angeli Patris mei faciem semper aspiciunt, & quia ego propter eos veni, & hæc Patris mei voluntas est, ad tuendos, conservandosque pusillos diligentiores nos reddit. Perspicis quam ingentia in tutelâ tenuiû mania creverit, & quantum studiû, curamque habeat, ne perdantur, tum quia supremas decipientibus eos pœnas statuit, tum quia summâ pollicetur mercedem his, quia curâ eorum suscipiunt, idque tam suo, quam Patris exemplo corroborat. Tu autem &c.

R. Jste est &c.

L E C T I O VIII.

Dominum igitur etiam nos imitemur, & nihil pro fratribus omittamus, etiam eorum, quæ humilia, viliaque nimium videntur: sed si administratione nostra etiam opus fuerit, quamvis tenuis, atque abjectus quidem, cui administrandû sit, fuerit, quamvis ardua nobis res, atque laboris plena esse videatur, omnia hæc pro fratris salute tolerabiliora, faciliioraque, oro, videantur: Tanto enim studio, tantaque cura Deus dignâ esse animâ ostendit, ut neque Filio suo pepercit. Tu autem &c.

R. Sine lumbi vestri &c.

L E C T I O IX.

Si non est nobis satis ad salutem, quod virtuose ipsi vivamus, sed oportet aliorum salutem re ipsa desiderare; cum neque nos recte vivamus, neque alios hortemur, quid respondebimus; quæ nobis



his spes salutis reliqua erit? Quid majus, quàm animis moderari, quam adolescentulorum fingere mores? Omni certe statuario, cæterisque hujusmodi omnibus excellentiorem hunc duco, qui juvenū animos fingere non ignoret. Tu autem &c.

Te DEUM &c.

Die 5. Julii.

De 2. die infra Oct. S. P.

& MENSIBUS MARTIO & APRILI.

In primo Nocturno de Scriptura occurrente.

In secundo Nocturno.

Ex Bulla Canonizationis.

LECTIO IV.

SERVUS Dei Josephus jam inde à teneris annis suavitatem morum, lenitatem, patientiam, precandi studio, cultu Deiparæ singulari, qualis futurus esset haud obscure indicavit. Grandiæcula mox ætate Pueros munusculis ad sese alliciens, avocare à vitiis, ad virtutem impellere, ad Dei cultum hortari solebat; ut preinde Sancti apud omnes nomen, & famam adeptus, instituendo ab se Ordini proludere quodammodo videretur. Humaniorum Artium doctrina satis jam excultus ad præstantiores Juris prudentiæ, ac Theologiæ facultates animum oppulit, atque in his quidem nulli secundus: innocentia vero, castimonia, integritate morum supra ceteros eminebat. Quod enim tempus plerique adolescentium ludis atque otio, religionis ille, ac pietatis officiis impertiebat. Tu autem &c.

R. Honestum fecit illum &c.

LECTIO V.

SOLITUDINIS studiosus continebat se domi, nisi vel ad templum pietas (quod frequens erat) vel ne-



cessitudo, studiorūque communio ad æqualiū quandoque consuetudinem, & colloquium vocaret. Neque vero in illo aut modestiæ comitas, aut comitati modestia officiebat. Largissima erat in eo erga inopes, atque egenos misericordia. Ardor animi erga res divinas, præsertim cum ad sacra Mysteria accederet, ita ex vultu ipso atque ore emicabat, ut in admirationem sui oculos intruentium raperet. Pudor autem prorsus in eo singularis, ut vel in tenera adhuc ætate, morbo licet urgente, nemini unquam, ne Matri quidem, corpusculi ipsius partem ullam adspicere nudam licuerit. Tu autem &c.

R. Amavit eum Dominus &c.

L E C T I O IV.

Ilerdæ non alia utique, quam eximia suæ commendatione virtutis. cunctis, quum Magistrorū, tum Condiscipulorū suffragiis universæ studiosæ juventuti præfectus, ac princeps renuntiatus, ejusmodi honore ac munere sic functus est, ut qua voce, qua exemplo segnes ad studia, dissidentes ad concordiam, improbos ad virtutem adhortaretur. Et quidem industriæ suæ fructum tulit, quem maxime optarāt. Alia enim jam facies extitit juventutis in Scholis, in Templis, in Nosocomiis, ut propterea qui tam præclare meritum de Scholis Josephum susceperent, eundem veluti delapsū è Celo Angelum venerarentur. Tu autem &c.

R. Jste Homo &c.

In tertio Nocturno.

L E C T I O VII. CAP. 18.

Lectio S. Evangelii secundum Matthæum.

In illo tempore accesserunt Discipuli ad Jesum dicentes: *Quis putas, major est in Regno Cælorum?*
Et reliqua.

Homi-



Homilia Sancti Joannis Chrysostomi.

In Cap. 18. Matth. Hom. 59.

Curiose, inquit, scrutamini vos quis vestrum major sit, & de primatûs honore contenditis. Ego autem si quis humiliorem se cæteris non effecerit, ipso ingressu cælesti omnino indignum assero. Recte autem ante oculos monstratione parvuli totam rem posuit, ipso aspectu eos convertens, ac persuadens, ut absque simulatione aliqua humilitatem amplectantur. Tu autem &c. *R.* Jste est &c.

LECTIO VIII.

Parvuli autem non invadere, nec inanem expectare gloriam, nec primatûs desiderare dignitatem noverunt, sed maxime hanc virtutem possident, puram dico simplicitatem, & humilitatem. Non ergo fortitudine tantum, ac prudentia, sed humilitatis quoque virtute, & simplicitate nobis opus est: quæ si non adest, salus nostra certe claudicat. Tu autem &c. *R.* Sint lumbi vestri &c.

LECTIO IX.

Parvuli etiam nec si contumelientur, aut verberentur, afficiuntur odio, nec si laudantur, & honorantur, ulla commoventur arrogantia. Vides quomodo rursus ad præclara naturæ opera non provocat, ut ostendat posse nos voluntatem istam nancisci, & perniciosam Manichæorum rabiem acuto concidit gladio. Si enim natura per se mala est, cujus gratia philosophandi exempla inde trahit? Tu autem &c.

Die 7. Julii.

De die 3. infra Oct. S. P.

& MENSIBUS MAJO & JUNIO.

*In primo Nocturno de scriptura occurrente.**In secundo Nocturno.*

F4

Ex



Ex Bulla Canonizationis.

LECTIO IV.

Coram Josepho nemo erat, qui impudenter dicere aliquid, vel indecorum facere auderet. Tam spectatam virtutem ac præsertim animi castimoniam teterrimus humani generis hostis ferre non poterat. Itaque ad eam labefactandâ usus est impudentiâ nobilis cujusdâ femine. Sed castissimus Juvenis blandienti's illicebus tanta animi exhorrescentis constantiâ eluit, ac respuit, ut non satis haberet, quod è domo illa tanquam ex infami scopulo, sese proripisset; nisi etiam ex urbe ipsâ, uti præstitit; alio demigraret. Tu autem &c.

R. Honestum fecit illum &c.

LECTIO V.

Peracto studiorum curriculo, laureâ donatus, tamen nondum sacris majoribus initiatus, ab Episcopo Jaccæ Socius laborum adscitus est, non sine magna Diæcesis utilitate. Jam vero mortuo Fratre sine liberis, à Parente in Spem Familiæ destinatus ad nuptias, morbo interveniente periculoso, atque ancipiti, ab iis sese expedit. Quum enim ad mortem decumberet, facile à Parente Josephus obtinuit, ut, si convalesceret, cælibem agere vitam liceret. Itaque præter omnem opinionem recuperata valetudine, Sacrorum Ordinum susceptione totum se Deo marcipavit. Neque verò diu sibi uni vacavit. Cognita enim illius pietas, sapientia, integritas; fecit, ut à pluribus Episcopis in Pastoralis sollicitudinis partem advocaretur. Quibus ille quidem non mediocri laborum fructu operam egregie navavit. Tu autem &c.

R. Amavit eum &c.

LECTIO VI.

Barcinonem Regia missus autoritate scissum in factiones duas Civitatem, atque in mutuas mex cades



des foedissime ruituram : quod optare magis, quam sperare (vires possent) ad concord.ā, & pacem consilio, & suis ad Deum precibus revocavit. Charitatis hoc, & prudentie; illud animi demissionis fuit, quod ut paratos sibi honores defugeret, oculis, atque adspectui plaudentiam sibi Civium sese subducens, Urgellam statim reversus est; à qua tamen majus quoddam humi iteri suae instare ab Rege periculum suspicatus, ob rem tantam jam pervulgatam, haud ita multo post proficiscens, ætatis suæ anno secundo supra trigessimum, Romam, quo divinitus vocabatur, se contulit. Tu autem &c.

R. Jste homo &c.

In Tertio Nocturno.

LECTIO VII. CAP. 18.

LECTIO S. Evangelii secundum Mattheum.

IN illo tempore accesserunt Discipuli ad Jesum dicentes: Quis putas, major est in Regno Cœlorum? Et reliqua.

Homilia Sancti Joannis Chrysostomi.

In Cap. 18. Matth. Hom. 59.

Parvulum ætate, & quidem mea sententia valde parvulum, qui ab omnibus esset passionibus liber in medio statuit. Illa enim ætas omni arrogancia, omni gloriæ inanis furore, omni livoris infamia, omni contentionis cupiditate, cæterisque hujusmodi affectibus immunis est. Cumque præcipuis muniatur virtutibus, simplicitatis scilicet ac humilitatis, de nulla istarum superbit, ita duplici Philosophia ornatur. Nam & hæc bona possidet, & nihil sibi propter hæc arrogat; his de causis in medio parvulum statuit. Tu autem &c. *R. Jste est &c.*

LECTIO VIII.

NEc sermonis hic finem fecit, sed ulterius admonitionem producit, dicens: Et quicumque

Fs

susce-



susceperit unum parvulum talem in nomine meo, me suscipit. Non enim solum, inquit, magna erit merces vestra, si tales efficiamini, verum etiam si alios tales propter me honorabitis: propter vestrum erga illos honorem regnum vobis retribuetur, quodque omnium extremum est, me ipsum suscipietis. Ita vehementer humilitate, & moribus, qui procul ab omni simulatione absint, afficior. Tu autem &c.

R. Sint lumbi vestri &c.

LECTIO IX.

Parvulos quidem hic simplices homines, quos multi spernunt, appellavit: hunc autem sermonem non premiis solum in animum penetrare facit, verum etiā terrore penarum corroborat. Nam quemadmodum qui hos parvulos propter me honorant, cælum possidebunt, inquit, imo vero cælo quoque ipso majus aliquid, atque præstantius: sic, & qui despiciunt, atque vituperant, maximo plecentur supplicio. Vides quomodo radicatus arrogantia tumorem evulsit: quomodo vanæ gloriæ ulcus curavit? Tu autem &c. Te Deum laudamus &c.

Die 8. non impedita,

De die 4. infra Off. S. P.

& MENSIBUS JULIO & AUGUSTO.

In I. Nocturno Lectiones de Scriptura occurrente.

In secundo Nocturno.

Ex Bulla Canonizationis.

LECTIO IV.

Vitam in Urbe Josephus absconditam cogitabat; sed à Cardinali Columna, qui præstantiam illius ab Episcopo Urgentensi cognoverat, in Aulam suam aditus est, ut sibi Theologus à studiis, ac Fratris Filio præterea, optimæ spei adolescentulo, mo-



rum magister esset. Verū non is erat Josephus, qui
Aulæ honoribus caperetur, cum non semel digni-
tates amplissimas repudiaverit. Illud enim sibi pro-
posuerat jamdudum, ut Deo maxime, & proximorum
saluti interserviret. Itaque ut ampla laborum, &
meritorum seges suppeteret, quinque se celeberrimis
Romæ Sodalitatibus adscribi voluit, quarū sanctis-
simas leges sedulo, ac naviter observavit. Tu au-
tem &c.

Rp. Honestum fecit illum &c.

LECTIO V.

GRassante per Urbem luc, hic enim vero, si um-
quam antea, quid Christiana charitas possit ma-
xime ostendit. Nullum enim ab eo erga ægros, &
pauperes officium defuit. Quæ quidem in re mis-
ericordiæ, atque humilitatis assidua erat exercitatio.
Talis namque ac tantus Vir, onustum cibariis ac
pharmacis asellum per vias agere, & cum Sancto
Camillo de Lellis ad egentium, atque ægrotantium
domos deferre nequaquam erubescibat. Neque vero
cum juvandis proximis tantum temporis impertiret;
Spatium illi deerat ad ea, quæ cultus Dei sunt, obe-
unda. Etenim ut præter cætera Religionis officia,
septem Urbis Ecclesias, quod à multis jam annis so-
lemne habebat, inviseret, è nocturna quiete partem
sibi maximam detrahebat. Tu autem &c.

Rp. Amavit eum &c.

LECTIO VI.

Sed majus profecto aliquid, quod non ad Urbem
modo, sed ad Christianam Rempublicam perti-
neret Josephus aggressus est. Quum enim Vir æter-
næ proximorum salutis maxime studiosus videret pue-
ros, præsertim infimæ fortis, necessariam instructione
carere; quæ ex re cum inscitia passim vitia inolesee-
rent, primo quidem sumptu suo Magistros quaesivit,
qui pueros, præeunte ipso, ac pauperrimos sibi de-



poscente, primis litterarum, ac Christianæ doctrinæ elementis imbuerent. Sed cum id ad tempus dumtaxat, & pueris profuturū intelligeret, novum quoddam institutum meditatus est, cuius opera assidua illa charitatis in edocendis adolescentibus exercitatio perpetua maneret. Tu autem &c.

R. Jste homo &c.

In tertio Nocturno.

LECTIO VII. CAP. 18.

LECTIO Sancti Evangelii secundum Matthæum.

In illo tempore accesserunt Discipuli ad Jesum dicentes: Quis putas, major est in Regno Cœlorum? Et reliqua.

Homilia Sancti Joannis Chrysostomi.

In Cap. 18. Matth. Hom. 60.

Parvulos hic non verè parvulos, sed multorum æstimatione appellavit: pauperes, dico, ignotos, ceterosque hujusmodi, quos multi contemnere solent, qui nec revera parvuli sunt, cum toti mundo sint æquiparabiles, & Creatori omnium amici, sed multorum æstimatione tales esse putantur. Illos venerabiles facit, dicens: quia Angeli eorum semper vident faciem Patris mei, qui est in Cœlis. Nihil aliud designatur, cum faciem dicat Patris mei aspiciunt, quam summa fiducia eorum, & honor præcipuus. Tu autem &c.

R. Jste est &c.

LECTIO VIII.

Perpendis quot, quibusque rationibus ad curam tenuiorum nos inducit. Noli ergo dicere ferrarium esse aliquem sibi, aut sutorem, aut agricolam, ac ideo quasi rudem esse contemnendū. Vide quanta sibi cura sit, ne hoc patiaris; vide quot te argumentis ad modestiam, & ad curam minorum revocat: Infantem in medio statuit, & dedit: effici-



ciamini ut parvuli, & quicumque talem susceperit parvulum, me suscipiet. Tu autem &c.

R. Sint lumbi &c.

L E C T I O IX.

SI Deus mirum in modum invento parvulo gaudet, qua tu audes ratione eos contemnere, atque conculcare, qui Deo charissimi sunt; cum oporteat animam quoque ipsam pro uno istorum tradere pusillorum? Ita inquires, sed abjectus & tenuis est. Hac quidem ratione multo diligentius tibi omnia facienda sunt, ut eum conserves. Nihil sane ita charitati repugnat, sicut superbia, & mentis elatio. Ne igitur talium animos negligamus. Tu autem &c.

Die 9. Julii.

De 5. die infra Oct. S. P.

& MENSIBUS SEPTEMBRI & OCTOBRI.

In primo Nocturno, de scriptura occurrente.

In secundo Nocturno.

Ex Bulla Canonizationis.

L E C T I O IV.

Quam multas quamque acerbas ob suum institutum à domesticis ipsis, nedum ab aliis injurias calumniasque pertulerit Josephus, haud facile distu est. Illud sit instar omnium, quod felicitis recordationis Benedictus XIV., ut perhibent, aspera quæque atque indigna, quæ servo Dei ad extremam usque ætatem subeunda fuerunt, animo reputans, Josephum Jobum alterum appellare non dubitavit. Illud utique dolendum maxime, atque acerbum accidit, quod Vineam à se tanto labore, ac studio plantatam, quæque palmites suos longe, lateque extenderat, dissipatam jam, atque à singulari Fero pene exterminatam conspexit. Tu autem &c.

R. Honestum fecis &c.

L E.



LECTIO V.

Attamen in his rerum asperitatibus ne vestigium quidem de gradu constantiæ dejectus, ostendit, quam vere dictum sit: *Iustum non contristare quidquid acciderit.* Contumeliis enim, & conviciis læcessitus impudentissimis, ita se gerebat, ut iis delictari videretur; obrectatoribus suis, quos coercere facile potuisset, non aliam rependit vicem, quam quæ à Christo præscripta est, ut bene scilicet precaretur iis, à quibus injuriam acceperat. Tu autem &c. *R.* Amavit eum Dominus &c.

LECTIO VI.

Sed & Deus ipsi tam admirabili patientiæ celestem aliquam vel in terris mercedem rependit. Deipar in enim cum Puerō Jesu videre meruit, sibi, & commissis disciplinæ suæ adolescentibus benedicentem. Illius modo vultus inter orandum, modo corpus totum, dum sacris operatur, cœlesti lumine circumfusus, atque è terra sublime conspectum est. Illum in cubiculo preces fundentem Beatissima Virgo adspectu, alloquioque suo recreavit. Dono præterea prophetiæ non caruit, qua vel futura prædiceret, vel arcana cordiū penetraret Absentibus invocatus præsto erat. Ejus item contractus ægrotantibus salutaris erat, præsentia Dæmonibus formidolosa. Tu autem &c. *R.* Iste homo &c.

In Tertio Nocturno.

LECTIO VII. CAP. 18.

Lectio Sancti Evangelii Secundum Matthæum.

In illo tempore accesserunt Discipuli ad Jesum dicentes: *Quis putas, major est in Regno Cœlorum?* Et reliqua.

Homilia S. Joannis Chrysostomi.

In Cap. 18 Matth.

Videte, ne contemnatis unum ex his pusillis. Qui-

nam



nam hi sunt pusilli, quos minime contemnendos denunciat? Pauperes nimirum, atque ignoti, qui nec vel esse à plerisque putantur. Non enim de his, qui vere parvuli sunt ætate, verba facit. Quemadmodum enim noxios sceleratosque vitare optimum est, ita profecto suaves, atque modestos, hospitesque, ac pauperes honorare est maximum. Tu autem &c.

R. Jte est &c.

LECTIO VIII.

Opus est intueri quot nos, ut modesti simus, nosque in fratrum curam interfēramus persuasionibus cohortetur. Statuit in medio puerum, & ait: efficiamini, sicut pueri. Et quicumque susceperit puerum talem, me suscipit. Ab Angelorum, quibus eorum fuit cura demandata, qui tennes abjectique fratres, nulliusque putantur pretii, dignitate permissi. Rursus à Patris voluntate, quod nec illi videatur, ut ex his vel unus pereat. Ne igitur hujusmodi abjectorum animas ullatenus negligamus, ob id universa hæc dicta fuere. Tu autem &c.

R. Sint lumbi vestri &c.

LECTIO IX.

Porro qui Coelum ingredi cupit, sicut puer efficiatur, superbiamque omnem conculcet, ac factum; de proximi salute laboret, ac curam gerat; hunc unum mentis habeat scopum, ut fratrem aliquem animæ periculo, quod diabolica immissione hominibus obijci consuevit, eripiat. Neque enim dumtaxat oportet, ut quisque suæ tantum salutis consulat, & contentus suus, sit negligens alienæ; hoc etenim pacto, & suæ perniciem affert. Verum decet, ut & stantibus egregiam quamdam, ac promptam animi voluntatem inferamus, & jacentes sursum erigamus. Tu autem &c.

Te Deum laudamus &c.



Die 11. Julii.

Octava S. P.

& MENSIBUS NOVEMBRI & DECEMBRI.

*In primo Nocturno, de Scriptura occurrente.**In secundo Nocturno.*

Ex Bulla Canonizationis.

LECTIO IV.

Jam suprema dies aderat, qua Josephus ejusdem præcæpius, post labores tam multos, post tam longas ærumnas sempiterna quiete, ac beatitudine potiretur. Itaque correptus morbo, quem Medici levem, & ultimum ipse affirmabat, Christianarum virtutum ope, earumque maxime, quas id tempus posceret, in occursum Domini parare se impense studebat. Morbi autem vim non patientia modo ipsius, atque animi aequitas, sed etiam Beatissimæ Virginis, aliorumque Coelitus visiones suavissime leniebant. Tu autem &c. R. Honestum fecit illum &c.

LECTIO V.

INter eas porro illa utique jucundissima, qua eadem Dei Mater sese conspiciendam dedit, complurium, qui religiosæ illius disciplinæ Alumni fuerant, numero commistata. Alii præterea visione servum suum Deipara cum Sanctissimo Filio suo recreavit, pollicita insuper fore, ut Ordo ab ipso institutus, de quo sollicitus erat ne forte incideret, protegente se, refloresceret. Quod quidem cum ad erigendos in spem suos magnopere pertineret, existimavit se, salva necessitate, posse id eisdem palam facere, atque adeo debere. Tu autem &c.

R. Amavit eum Dominus &c.

LECTIO VI.

Sanctissimo deinde Corporis Christi Viatico roboratus,



ratus, quatuor è suis Alumnis in Vaticanum mit-
tendos duxit: duos quidem, qui Sancti Apostolorum
Principis aneam statuum venerati pium illius pedi-
bus osculum darent, cen testem Catholicæ Romanæ
Fidei, in qua emori, uti vixerat, Josephus optabat;
alios vero duos, qui à Summo Pontifice Christi Vi-
cario plenâ culpæ omnis ac pænæ remissionem ipsius
nomine peterent, atque impetrarent Sacra demum
Unctione munitus, lacrymas inter ac preces suorū,
sublati ad Cælū oculis, & pendentis è Cruce Chri-
sti imaginem osculatus, sui compos, & sentibus va-
lens, pacatissimum Conditori suo spiritum reddidit,
octavo Kalendas Septembris anni Domini millesimi
sexcentissimi quadragesimi octavi. Tu autem &c.

R. Jste homo &c.

In tertio Nocturno.

LECTIO VII. CAP. 18.

LECTIO Sancti Evangelii secundum Matthæum.

In illo tempore accesserunt Discipuli ad Jesum di-
centes: Quis putas, major est in Regno Cœlorum?
Et reliqua.

Homilia Sancti Joannis Chrysostomi.

In Cap. 18. Matth.

JESUS accersitum ad se puerum statuit, in medio
illorum, & dixit: amen dico vobis, nisi conversi
fueritis, & efficiamini sicut pueri non intrabitis in
Regnum Cœlorum. Quod sane indicat, oportere
unumquemque semet cæteris humiliorem præstare.
Nam invidiæ inanisque gloriæ affectu puerulus o-
mnia est alienus, purusque, ac simplex, primas am-
bire nec novit: & licet vel contumeliis vel verberibus
impetatur, non moleste id accipit, nec si hono-
ribus cumuletur, aut laudibus, propterea insolefcit,
aut inflatur. Tu autem &c..

R. Jste est &c.

G

LE.



LECTIO VIII.

IN medio autem illum statuit : volens vel ipso pueruli adspectu ipsos convertere. Animadvertendum porro quomodo ad naturalia nos virtutis opera evocat, ostendens posse nos libero delectu illa perficere. Illud autem quod ait, & qui receperit unum puellum talem in nomine meo, me recipit, hoc est non solum (inquit) vobis, si ejusmodi efficiami, mercedem comparaveritis, sed etiam si & alios id genus propter me fueritis honore prosecuti, hujus vestri in eos honoris gratia, regnum vobis in mercedem tribuo. Tu autem &c.

Rp. Sint lumbi vestri &c.

LECTIO IX.

Pueros enim hoc loco simplices homines, minimeque fallaces appellat, qui se ad hanc propter Deum humilitatem deprefferunt, abjecti neglectique à plerisque ac contempticii. Et quod valde mirandum, me, inquit, recipit, qui hujusmodi receperit. Quemadmodum autem honorem illis regnumque, qui tales honoraverint, ita & supplicium iis, qui scandalizaverint, contumeliæque unum ex istis affecerint, adjudicavit. Tu autem &c.

Te Deum laudamus.

In Festo Beati JOANNIS de DUKLA.

Omnia de Communi Confessoris non Pontificis præter ea, quæ sequuntur

ORATIO.

DEUS, qui Beatum Joannem Confessorem tuum maximæ humilitatis, & patientiæ donis decorasti: concede propitius, ut ejusdem imitantes exempla, consequamur & præmia. Per.

2 In



In secundo Nocturno.

L E C T I O IV.

JOANNES in Oppido Dukla Poloniæ Regni honestis parentibus natus, ab infantia futuræ Sanctimonie non obscura præbuit indicia: Divina siquidem benedictione præventus, nihil ab uberibus matris suæ in ore frequentius, quàm Sacrosancta JESU, & MARIAE Nomina, habere consuevit. Christianæ perfectionis desiderio incensus adhuc adolescens Regulam Sancti Patris Francisci apud Minores Conventuales professus est: eo successu, ut una cum ætate creverit etiam in eo eminentiorum virtutum exercitatio; & ob singularem humilitatem, gravitatem morum, & effusam in omnes charitatem Fratribus miserit acceptissimus. Ad Religionis munia inventus maximè idoneus, pluribus Cœnobiis ex obedientia præfuit, & Lœopolitanam Custodiam summa cum laude administravit.

L E C T I O V.

A Sancto Joanne à Capistrano per Casimirum Regem sub id temporis in Poloniam evocato, Fratribus Minorum de observantia adscriptus, præconceptam sui expectationem abundè cumulavit. Nam Orationi & Cœlestium rerum contemplationi acrius insistere, erga Fratres, ac Proximos nullum charitatis officium prætermittere, in deliciis habuit. Regularis Observantiæ adeo zelator extitit, ut non sine lachrymis vel minimam negligi Sanctæ institutionis partem animadverteret, coque vel unò libellò ditissimus, illum serè quotidie aut ipse per se legeret, aut ab alio sibi perlegi oblectaretur. Nihil illo tolerantius in laboribus, in vigiliis; & voluntaria corporis afflictatione, nihil continentius in victu, & vestitu fuit. Beatam Virginem MARIAM singulari prosequabatur devotionis affectu. Ad hæc miri-



rificam dissidentes componendi gratiam, insignem caritatem, & alacrem addidit obedientiam.

LECTIO VI.

Predicationis vim & efficaciam ad profectum attulit animarum, maxime in Ruthenis Schismaticis, & Armenis confutandis, quos ad Catholicæ Fidei unionem revocare omni ope sategit. A cælestis vitæ tramite aberrantes, quamvis ex diutino morbo captus oculis, qua concionibus; qua sacris Confessionibus audiendis in rectam viam reducere nunquam destitit: Demum septuagenarius gravium infirmitatum doloribus eximia patientiâ toleratis, munitus Ecclesiæ Sacramentis, & Psalmis Pœnitentialibus recitatis: Lœopoli ipso die festo S. Michaelis Archangeli; obdormivit in Domino, Annô millesimo quadringentesimo quarto. Ejus vitæ, atque obitûs sanctimonia, & miraculorum fama apud Polonos præsertim & Lithvanos magno semper in honore fuit. Quare summus Pontifex Clemens XII. Beati JOANNIS cultum ratum habuit; ipsumque à Polonis, & Lithvanis inter primarios Patronos allecctum ampliori veneratione coli in posterum Apostolica benignitate concessit.

In tertio Nocturno.

LECTIO VIII.

Lectio S. Evangelii secundum Lucam. c. II.

In illo tempore: dixit JESUS Discipulis suis. Nolite timere pusillus grex. Et reliqua.

De Homilia Sancti Petri Chrysologi Episcopi.

Hodie Dominus Evangelici gregis pusilla & tenera primordia, quam blanda exhortatione sit consolatus; audistis. Nolite timere inquit pusillus grex, quia complacuit Patri vestro, dare vobis Regnum. Aufert spes anxias, dubios tollit eventus, omnemque propellit & excludit timorem, quando in



exordio ipsum Regnum nascentibus pollicetur, quoniam complacuit Patri vestro dare vobis Regnum. Quis de fructu, quis de vestitu, quis de plebeio censu & vernalis cespitis vilitate suspirat? de Regno certus, de dominatione securus satis sibi invidet, qui elevatus ad summa, se ad humilia deicit, ad egena deponit. *R.* Jite est qui ante Deum &c.

L E C T I O VIII.

Sed scire convenit Pater iste quis est? vel qualis est? vel quod Regnum filiis suis repromittit. Quis sit iste Pater, quotidie te constantemente cognoscis, cum clamas: Pater noster qui es in cœlis, qualis autem sit? ipsa operum magnitudine prævindicat; ex nihilo fecit Cœlum, terram solidavit ex liquido, montes statuit ad stateram, maria inter legitimos terminos sola præcepti autoritate conclusit. Verum si regni, quod promittit pusillis, desideras nosse qualitatem? ipse aperit, sic dicendo: finite parvulos venire ad me, talium est enim regnum Cœlorum.

R. Sint lumbi vestri &c.

L E C T I O IX.

Essc in Cœlo mirum est, in Cœlo vivere, est majestatis, jam regnare in Cœlo, quanti est? Sensus definit æstimare mortalis, & tamen homo quod æstimare non potes, percepisti, Apostolô sic dicente: quod oculus non vidit, nec auris audivit, nec in cor hominis ascendit, quæ præparavit Deus diligentibus se. Et quod te mereri dubitas, habere te, & possidere, jam cogeris confiteri. Quid ergo cum terra illi, qui possidet Cœlum, quid illi cum humanis, qui adeptus jam est divina? nisi fortè placent gemitus, eliguntur labores; amantur pericula, pessima mors delectat, & illata mala bonis sunt gratiora collatis.

Missa de Communi primo loco. Evangelium ex eodem Communi 2do loco.

*G 3**In*



In Festo S. CAMILLI de Lellis Conf. sdx.

*Omnia de Com: Confessoris non Pontificis exceptis
iis qua sequuntur.*

O R A T I O.

DEUS qui S. Camillum, ad animarum in extremo agone luctantium subsidium singulari charitatis prerogativa decorasti, ejus quæsumus meritis Spiritum nobis tuæ dilectionis infunde; ut in hora exitus nostri hostem vincere, & ad Cœlestem mereamur coronam pervenire. Per Domium nostrum, in unitate ejusdem, &c.

In primo Noct: Lect: de Scrip:

In secundo Nocturno.

L E C T I O IV.

Camillus Buceclanici Theatinae Diœcesis Oppido ex nobili Lelliorum familia natus est Matre sexagenaria, cui gravida visum est per quietem, puerulum Crucis signo in pectore munitum, & agmini puerorum idem signum gestantium præeuntem, se peperisse. Adolescens rem militarem secutus, sæculi vitiis aliquamdiu indulgit; donec vigesimum quintum agens ætatis annum, tanto supernæ gratiæ lumine, Divinæque offensæ dolore correptus fuit, ut uberrimo lacrymarum imbri illico perfusus, antea vitæ sordes indefinenter abstergere, novumque induere hominem firmiter decreverit. Quare ipso, quo id contigit Purificationis Beatissimæ Virginis festo die, ad Fratres Minores, quos Capucinos vocant, convolans, ut eorum numero adscriberetur, summis precibus exoravit. Voti compos semel, atque iterum factus est; sed sædo ulcere, quo aliquando laboraverat, in ejus tibia iterato recrudescente, Divinæ Providentiæ majora de eo disponentis consilio humiliter se subjecit, suisque victor, illius Religionis bis expetitum, & susceptum habitum bis dimisit.

L E.



LECTIO V.

Romam profectus, in Nosocomium, quod Insanabilem dicitur, receptus est, ejus etiam administrationem ob perspectas ejus virtutes sibi demandatam, summa integritate ac sollicitudine verè paternam peregit. Omnium agrotorum servum se reputans, eorum sternere lectulos, sordes tergere, ulceribus mederi, agonique extremo piis precibus & cohortationibus opem ferre solemne habuit: quibus in muneribus præclara præbuit admirabilis patientiæ, invictæ fortitudinis, & heroicæ charitatis exempla. Verum cum animarum in extremis periclitantium, quod unice intendebat, levamini subsidium litterarum plurimum conferre intelligeret, triginta duos annos natus, in primis grammaticæ elementis tyrocinium inter pueros iterum subire non erubuit. Sacerdotio postea rite initiatus, nonnullis sibi adjunctis sociis, prima loci Congregationis Clericorum Regularium Infirmis Ministrantium fundamenta, irritò conatu obstitente humani generis hoste: Nam Camillus cœlesti voce è Christi crucifixi, manus etiam de ligno avulsas admirando prodigio protendentis, simulacro emissâ mirabiliter confirmatus. Ordinem suum à Sede Apostolica approbati obtinuit. Sodalibus quarto obstrictis maxime arduo voto, Infirmis, quos etiam pestis infecerit, ministrandi. Quod institutum quam foret Deo acceptum, & animarum saluti proficuum, Sanctus Philippus Neri qui Camillo à sacris Confessionibus erat comprobavit, dum ejus alumnis decedentiâ agoni opem ferentibus Angelos suggerentes verba sæpius se vidisse testatus est.

LECTIO VI.

Artioribus hæc vinculis agrotantium ministratio mancipatus, mirum est, quâ alacritate,



nullis fractus laboribus, nullis deterritus vitæ periculis, diu nocturneque ad supremum usque spiritum, eorum commodis viguaverit. Omnibus omnia factus, vilissima quæque officia demississimo obsequio, flexisque genibus, veluti Christum ipsum cerneret in infirmis, hilari, promptoque animo arripiebat: atque omnium indigentis prælio esset, Generalem Ordinis præfecturam, cælique delicias, quibus in contemplatione defixus affluabat, sponte demisit. Paternus vero illius erga miseros amor tum maxime effulset, cum & Urbs contagioso morbo primum, deinde extrema annonæ laboraret inopia, & Nolæ in Campania dira pestis grassiretur. Tanta denique in Deum, & proximum charitate exarsit, ut Angelus nuncupari, & Angelorum opem in vario itinerum discrimine promereretur. Prophetiæ dono, & gratia sanitarum præditus, arcana quoque cordium inspexit: ejusque precibus nunc cibaria multiplicata sunt, nunc aqua in vinum conversa. Tandem vigiliis, jejniis, & assiduus attritus laboribus, cum pelle tantum & ossibus constare videretur, quinque molestis aequæ ac diutinis morbis, quos Misericordias Domini appellabat, fortiter toleratis, Sacramentis munitus, Romæ inter suavissima Jesu & Mariæ nomina, ad ea verba: Mitis, atque festivus Christi Jesu tibi aspectus appareat: qua prædixerat hora, obdormivit in Domino pridie Idus Julii, anno salutaris millesimo sexcentesimo decimo quarto, ætatis suæ sexagesimo quinto: Quem pluribus illustrem miraculis Benedictus Decimus quartus solemni ritu Sanctorum factis adscripsit.

In Tercio Nocturno.

LECTIO VII. CAP. 15.

Lectio S. Evangelii secundum Joannem.

IN illo tempore: Dixit Jesus Discipulis suis: Hoc



est præceptum meum, ut diligatis invicem sicut dilexi vos. Et reliqua.

Homilia Sancti Augustini Episcopi.

Tract: 83. in Joann: Evang:

Quid putamus, Fratres mei, numquidnam solum ejus de ista dilectione mandatum est, quod diligamus invicem? Nonne est & aliud majus ut diligamus Deum? Aut vero de sola Deo nobis dilectione mandavit, ut alia non requiramus? Tria certe commendat Apostolus dicens: Manent autem Fides, Spes, Charitas, tria hæc; major autem horum Charitas. Et si in Charitate, hoc est, in dilectione, concluduntur duo illa præcepta, major tamen dicta est esse, non sola. De Fide igitur nobis quam multa mandata sunt, quam multi de Spe: Quis potest cuncta colligere, quis enumerando sufficere? Sed intueamur quod ait idem Apostolus: plenitudo legis Charitas.

L E C T I O VIII.

Ubi ergo Charitas est, quid est, quod possit deesse? Ubi autem non est, quid est, quod possit prodesse? Dæmon credit, nec diligit: nemo diligit, qui non credit. Frustra quidem, sed tamen potest sperare veniam, qui non diligit: nemo potest desperare, qui diligit. Itaque ubi dilectio est, ibi necessario Fides & Spes: & ubi dilectio proximi, ibi necessario etiam dilectio Dei. Qui enim non diligit Deum, quomodo diligit proximum tanquam se ipsum? quandoquidem non diligit & seipsum; est quippe impius, & iniquus: qui autem diligit iniquitatem, non plane diligit, sed odit animam suam.

L E C T I O IX.

Hoc ergo præceptum Domini teneamus, ut hos invicem diligamus; & quidquid aliud præcepit, faciamus: quoniam quidquid est aliud, hic habemus.



Discernitur quippe ista dilectio ab illa dilectione, qua se invicem diligunt homines, nam ut discernetur, adjunctum est: Sicut dilexi vos. Utriquem enim diligit nos Christus, nisi ut regnare possimus cum Christo? Ad hoc ergo & nos invicem diligamus, ut dilectionem nostram discernamus à cæteris, qui non ad hoc se invicem diligunt, quia nec diligunt. Qui autem se propter habendum Deum diligunt, ipsi se diligunt; ergo ut se diligant; Deum diligunt: Non est hæc dilectio in omnibus hominibus: Pauci se propterea diligunt, ut sit Deus omnia in omnibus.

Te DEUM Laudamus &c.

In Feste Beati SIMONIS de LIPNICA

Confessoris Ordinis Minorum de Observantia.
Duplex.

Omnia de Communi Conf. non Pont. præter Orationem, & Lectiones.

O R A T I O.

Concede quæsumus Omnipotens & misericors Deus, ut B. Simonis Confessoris Tui præclara merita nobis proficiant, & tua gratia quam precamur nos dignos efficiant, in qua firmati, tuæ gloriæ simus annumerati Per Dominum nostrum, &c.

In secundo Nocturno.

L E C T I O IV.

Simon in Oppido Lipnica Regni Poloniæ, piis honestisque Parentibus natus, ab ineunte ætate non obscuras exhibuit futuræ virtutis significationes; nã & Deiparam summo studio colebat, & pueriles ludos aspernabatur. Cracoviani studiorum causa missus, ibidem summa cum laude versatus est, & bonis artibus liberalibusque Disciplinis eruditus, in ea Academia primum gradum obtinuit. Sed non ita multo post



post quam Ordo Minorum Observantium S. Joannis à Capistrano operâ tunc tēporis in Poloniâ invecus sanctitatis famâ clareret, illud vivendi institutum, ut Deo liberius inserviret, amplexus est.

LECTIO V.

IN Religione rerum caelestium contemplationi assidue addictus, corpus cilicio, flagellis, longâque esurie macerabat. Ferventissimo erga Deiparam amore actus, plures horas quotidie in precibus eisdem fundendis suaviter impendebat, diebusque illi sacris cilicio, quod continenter gestare consuevit, aliud asperius superaddebat. Præ maximâ animi demissione vilissima quæque Cœnobii munera obire, hominû præconia, honoresque fugere, convicia vero, & adversa patientissime ferre solum habuit. Castitatis perpetuus custos, à mulierum conspectu semper abhorruit. Delato sibi concionandi munere, tanta eloquentia, tantoque fervore functus est, ut plures è vitiorû cænô ad rectâ salutis limitâ reduxerit, plures etiam ad mundi contemptum pertraxerit.

LECTIO VI.

Martyrii æstuans desiderio, in Palestinam non sine magnis itineris incommodis profectus est. Sed spe sublata Martyrii, postquam loca illa, in quibus redemptionis nostræ mysteria acta sunt, intima, effusaque spiritus consolatione visitasset, Cracoviam reversus est. Ubi consuetis exercitationibus sedulam operam navabat. Denique cum pestilentie morbus in eadem Urbe maxime grassaretur, & Simon, ut erat charitatis plenus, ægrotantibus Sacramenta administrare, monita salutis exhibere quoquo modo opitulari non prætermitteret, eodem, & ipse morbo correptus, ad extremum vitæ pervenit. Itaque mortem nihil timens curiens dissolvi, & esse cum Christo, oculis in Christi è Cruce pendentis ima-



imaginem defixis, spiritum placidissime Deo reddidit, Anno à partu Virginis millesimo quadringentesimo octuagesimo secundo, quinto decimo Kalendas Augusti. Ejus corpus in Ecclesia Sancti Bernardini Sui Ordinis prope Cracoviam clatū, innumeris cepit clarere miraculis. Quare paucos post annos, ut Fidelium cultu fieret satis, in nobiliorem locum translatum est. Hunc autem cultum, ab hominum memoria eidem exhibitum Apostolica Sedes comprobavit.

In Feste S. HIERONYMI ÆMILIANI
Confessoris. Duplex.

Omnia de Communi Confess. non Pontif. præter ea, quæ sequuntur.

In Hymn. Iste Confessor, mutatur tertius versus.

O R A T I O.

DEUS Misericordiarum Pater, per merita, & intercessionem Beati Hieronymi, quem Orphanis adiutorem, & patrem esse voluisti, concede, ut spiritum adoptionis, quo filii tui nominamur, & sumus fideliter custodiamus. Per Dominū nostrū &c.

In primo Nocturno de Scriptura occurrente.

In secundo Nocturno.

L E C T I O IV.

Hieronymus è gente Patricia Æmiliana Venetiis ortus, à prima adolescentia militiæ addictus, difficilissimis Reipublicæ temporibus Castro novo ad Quirum in montibus Tarvisinis præficitur. Arce ab hostibus capta, ipse in teterrimum carcerem detrudatur, manibus, ac pedibus vinctus; cui omni humana ope destituto Beatissima Virgo ejus precibus exorata, clemens adest, vincula solvit, & per medios hostes, qui vias omnes obsederant, in Tarvisi conspectum incolumem ducit. Urbem ingressus, ad Dei-

paræ



eddi-
egen-
ndas
dini
ca-
ut
um
um
m-

paræ aram, cui se voverat, manicas, compedes, catenas, quas secum detulerat, in accepti beneficii testimonium suspendit. Reversus Venetias cæpit pietatis studia impensius colere, in pauperes mire effusus, sed puerorum præsertim misertus, qui parentibus orbat, egeni, & sordidi per Urbem vagabantur, quos in ædes à se conductas recepit de suo alendos, & Christianis moribus imbuendos.

R. Honestum fecit &c.

LECTIO V.

PER eos dies Venetias appulerant B. Cajetanus, & Petrus Caraffa postmodum Paulus Quartus, qui Hieronymi spiritu, novoque instituto colligendi Orphanos probato, illū in Incurabilem Hospitale adduxerunt, in quo Orphanos simul educaret, atque ægrotis pari charitate inserviret. Mox eorundem hortatu in proximam continentem profectus, Brixie primum, deinde Bergomi, atque Novocomi Orphanotrophia erexit, Bergomi præsertim, ubi præter duo, pro pueris unum, & pro puellis alterum, domum excipiendis, novo in illis regionibus exemplo, mulieribus à turpi vita ad poenitentiam conversis, aperuit. Somaschæ demum subsistens, in humili pago agri Bergomensis ad Venetæ ditionis fines, sibi, ac suis ibi sedem constituit, formamque induxit Congregationis, cui propterea à Somascha nomen factum, quam subinde auctam, & propagatam, nedum Orphanorum regimini, & Ecclesiarum cultui, sed ad majorem Christianæ Reipublicæ utilitatem Adolescentium in litteris, & bonis moribus institutioni, in Collegiis, Academiis, Seminariis addictam Sanctus Pius Quintus inter Religiosos Ordines adscripsit, ceterique Pontifices privilegiis ornarunt.

R. Amavit cum &c.

L E-



LECTIO VI.

Orphanis colligendis intentus Mediolanum proficiscitur, atque Ticinum, & utrobique collectis agminibus puerorum tectum, victum, vestem, Magistros, Nobilibus Viris faventibus, provide constituit. Inde Somascham redux, omnibus omnia factus à nullo abhorrebat opere, quod in proximi bonū sedere prævideret. Agricolis immixtus per agros sparsis, dum se illis adiutorem in metendis frugibus præbet, mysteria fidei explicabat, puerorum capita porrigine fæda abstergens, & patienter tractans curabat, putridis rusticorum vulneribus medebatur eo successu, ut gratia curationum donatus censeretur. In monte, qui Somaschæ imminet, reperta specu in illam se abdidit, ubi se flagellis cædens, dies integros jejunos transigens, oratione in plurimam noctem protracta, super nudo saxo brevem somnum carpens sui, aliorumque noxarum poenas luebat. In hujus specus interiori recessu ex arido silice extillat aqua precibus Servi Dei, ut constans traditio est, impetrata, quæ usque in hodiernam diem jugiter manans, in varias regiones delata agris sanitatem plerumque conciliat. Tandem ex contagione, quæ per omnem vallem serpebat, dum agrotantibus & vita functos propriis humeris ad sepulturam deferret, contracto morbo annos natus sex, & quinquaginta, quam paulo ante prædixerat, pretiosam mortem obiit anno millesimo quingentesimo trigésimo septimo; quem pluribus in vita, & post mortem miraculis illustrem Benedictus Decimus quartus Beatorum, Clemens vero Decimus tertius Sanctorum fastis solemniter adscripsit. *R. Jste homo &c.*

In tertio Nocturno.

LECTIO VII. CAP. 19. v. 13.

Lectio S. Evangelii secundum Matthæum.

In



In illo tempore oblati sunt ei parvuli, ut manus eis imponeret, & oraret. Et reliqua.

Homilia S. Joannis Chrysostomi.

Homil: 62. in Matth.

Cur Discipuli pueros abigebant? Dignitatis causa. Quid ergo ille? ut doceat illos modeste sapere, fastumque mundanum conculcare, & suscipit, & ulnis complectitur, talibusque Regnum Cœlorum pollicetur, id quod etiam dixit superius. Et nos igitur, si volumus hæredes esse Cœlorum, hanc virtutem cum diligentia magna sectemur. Hoc est enim Philosophiæ culmen, simplicem esse cum prudentia. Hæc vita est Angelica. Anima enim pueruli omnibus animi morbis vacua est: non memoria retinet injuriam, sed eas inferentes adit, ut amicos, ac si nihil factum esset. Et quamvis à matre verberibus cœdatur, eam semper quærit, & omnibus antepōnit.

¶. Iste est, qui &c.

L E C T I O VIII.

Si Reginam ipsi ostendas diademate ornatam, non præfert eam Matri pannis detritis vestitæ, malletque illam incultam videre, quam Reginam mirifice amictam. Nam quod suum, quod alienum est, non ex paupertate, vel divitiis, sed ex amore existimare solet, & nihil plus requirit, quam necessaria, atque ut lacte repletus est, statim à mamma abscedit. Non iisdem, quibus nos, ærumnis premimur, nec pecuniarum jactura, rebusque similibus, nec iisdem, quibus nos, fluxis rebus lætatur, neque corporum pulchritudinem miratur. Ideo dicebat: Talium est enim Regnum Cœlorum, ut ex proposito voluntatis illa operemur, quæ natura sua pueri faciunt.

¶. Sint lumbi vestri &c.

L E.



LECTIO IX.

Quia enim Pharisei non aliunde, quam à nequicia, & arrogantia ad agendum ferebantur, ubique Discipulos suos simplices esse jubet, illosque subindicat, dum hos instituit. Nihil enim ita superbiam parit, ut principatus, & primi confessus. Quoniam igitur Discipuli per totum terrarum orbem multum honoris consecuturi erant, ipsorum animos pravenit, nec finit eos humanum quid pati, nec honorem à vulgo expetere, vel ante alios se se efferre. Nam etiamsi hæc parva videntur esse, at malis ingentibus causam præbent. Sic enim instituti Pharisei in malorum culmen ascenderunt; salutationes, primos confessus, & medios requirentes, hinc in ardentem gloriæ cupiditatem, inde verò in impietatem lapsi sunt.

AUGUSTUS.

*In Festo S. JOHANNÆ FRANCISCÆ
FREMIOT de CHANTAL*

Ordinis Sanctimonialium Visitationis Sanctæ
MARIE Fundatricis.

Duplex.

*Omnia de Communi nec Virginum, nec Martyrum
præter ea, quæ sequuntur.*

O R A T I O.

Omnipotens, & misericors DEUS, qui Beatam Johannam Franciscam tuo amore succensam admirabili Spiritus fortitudine per omnes vitæ semitas in via perfectionis donasti, quique per illam illustrare Ecclesiam tuam nova prole voluisti: ejus meritis, & precibus concede, ut qui infirmitatis nostræ conficii de tua virtute conhdimus, cœlestis gra-



gratiæ auxilio, cuncta nobis adversantia vincamus.
Per Dominum nostrum &c.

In primo Nocturno Lectiones de script: occurr:

In secundo Nocturno.

L E C T I O IV.

JOHANNA FRANCISCA Fremiot à Chantal Divo-
vione in Burgundia clarissimis orta natalibus, ab
ineunte ætate, eximiæ Sanctitatis non obscuras edi-
dit significationes. Eam enim vix quinquennem, no-
bilem quandam Calvinistam, solida, supra ætatem,
argumentatione perstrinxisse ferunt, collatumque ab
eo munusculum, flammis illico tradidisse in hæc ver-
ba: En quomodo hæretici apud inferos comburen-
tur, qui loquenti Christo fidem detrectant. Matre
orbata, Deiparæ Virginis tutelæ se commendavit; &
famulam, quæ ad mundi amorem eam alliciebat, à
se rejecit. Nihil puerile in moribus exprimens, à
sæculi deliciis abhorrens, martyriumque anhelans,
religioni, ac pietati impensè studebat. Baroni de
Chantal, nuptui, à Patre tradita virtutibus omni-
bus excellendis operam dedit, liberos, famulos, ali-
osque sibi subiectos, in fidei doctrina, bonisque mo-
ribus imbuere satagens; profusa liberalitate, paupe-
rum inopiam sublevabat, annonâ divinitus non raro
multiplicata: quo factum est, ut nemini se unquam
Christi nomine roganti stipem, abnegaturam spo-
nderit.

L E C T I O V.

Virô in venatione interempto, perfectioris vitæ
consilium iniens, continentię voto se obstrin-
xit, Viri necem, non solum æquo animo tulit, sed
in publicum indultæ veniæ testimonium, occisoris
filium è sacro fonte suscipere, sui victrix elegit.
Modica familia, tenui victu, atque vestitu con-
tenta, pretiosas vestes in pios usus convertit. Quid-
quid



quid à domesticis curis supererat temporis, precibus, piis lectionibus, laborique impendebat. Nunquam adduci potuit, ut alteras nuptias, quamvis utiles, & honorificas iniret. Ne autem à proposito castimonie observandæ in posterum dimoveretur, illius voto innovato, Sanctissimum JESU nomen, candenti ferro, pectori insculpsit. Ardentius indies charitate fervescens, pauperes, derelictos, ægros, teterrimisque morbis infectos ad se adducendos curabat; eosque non hospitio tantum excipiebat, solabatur, fovebat, verum etiam sordidas eorumdem vestes depurgabat, laceratas reficiebat, & manantibus fetido pate ulceribus labia admoveere non exhorrebat.

L E C T I O VI.

A Sancto Francisco Salesio, quo, spiritus moderatore usa fuit, divinam voluntatem edocta, propriū Parentem, Socerum, Filiū denique ipsum, quem etiam, vocationi obstitentem, sua è domo egrediens, pedibus calcare non dubitavit, invicta constantia deseruit, & sacri Instituti Visitationis S. Mariæ, fundamenta jecit. Ejus Instituti leges integerrimè custodivit, & adeo paupertatis fuit amans, ut vel necessaria sibi deesse gauderet. Christianæ verò animi demissionis, & obedientiæ, virtutum denique omnium, perfectissimū exemplar se præbuit. Altiores in corde suo ascensiones disponens, arduissimo, efficiendi semper id, quod perfectius esse intelligeret, voto se obstrinxit. Denique sacro Visitationis Instituto, ejus potissimum operâ longe, lateque diffuso; verbo, exemplo, & scriptis etiam divina sapientia refertis, ad pietatem, & charitatem Sororibus excitatis, meritis referta, & Sacramentis rite susceptis, Molinis, anno millesimo sexcentesimo quadagesimo primo, die decima tertia Decembris



bris migravit ad Dominū, ejusque animam, occurrente S. Francisco Saleſio, in cœlos deferri, S. Vincentius à Paulo procul diſtans aſpexit. Ejus corpus poſtea Annecium tranſlatū fuit; Eamque miraculis ante & poſt obitum claram Benedictus XIV. Beatorum, Clemens verò XIII. P. M. albo Sanctorum adjecit.

OFFICIUM PROPRIUM

Cum Octava

In Feſto S. JOACHIM Genitoris Bmæ MARIÆ Virginis. Protectoris Regni Poloniæ.

Dominica 2da poſt Octavam Aſſumptionis Bmæ MARIÆ Virginis.

Ad Vesperas Antiphona.

Laudemus Virum glorioſum, cum reliquis de Laudibus. *Pſalmi: Dixit Dominus, cum reliquis de Dominica, & loco ultimo.*

Laudate Dominum omnes gentes.

Capitulum Eccl. 44.

Laudemus Viros glorioſos, & Parentes noſtros in generatione ſua. Multam gloriā fecit Dominus magnificentiā ſuā à ſæculo. *R.* Deo gratias.

H Y M N U S.

TE gentes JOACHIM Chriſtiadæ canant,
Te Patrem celebrent Virginis inclytæ,
Cui majora Deus Dona benignior

Divis contulit omnibus.

Nam mundo Dominam Conjugē cum tua

ANNA protuleras, qua fuit editus

Agnus, qui maculas, crimina qui tulit,

Pendens è trabe lignea.

Devotis precibus læta Polonia

Te felix JOACHIM conciliat ſibi

H 2

U:



Ut Sanctis meritis sarmaticis plagis

Pacis munera conferas.

Te Prolem generas, qui Tibi comparem,

Te per quem genitor Sæcula condidit,

Te Fons, unde fluunt munera Gratia

Tellus astraque personant. Amen.

Ÿ. Potens in terra erit semen ejus.

℞. Generatio rectorum benedicetur.

Ad Magnificat, Antiphona.

LAudemus Virum gloriosum in generatione sua,
quia benedictionem omnium gentium dedit il-
li Dominus, & Testamentum suum confirmavit su-
per caput ejus.

O R A T I O.

DEUS, qui præ omnibus Sanctis tuis Beatū Joa-
chim Genitricis Filii tui Patrem esse voluisti,
concede quæsumus, ut cujus Festa veneramur, ejus
quoque perpetua patrocinia sentiamus. Per eundem
Dominum &c.

Deinde fit commemoratio Dominica occurrentis.

Ad Matutinum, Invitatorium.

Laudemus Deum nostrum: * In veneratione Bea-
ti Joachim Protectoris nostri. *Psalm.* Venite.

Hymnus, ut in Vesperis.

In primo Nocturno.

Antip: Vir justus, atque perfectus fuit in gene-
rationibus suis, cum Deo ambulavit.

Psalm. Beatus Vir, cum reliquis de Comm. Conf.
non Pontif.

Antip. De omni Corde suo laudavit Dominum,
& dilexit Deum, qui fecit illum.

Antip: Magnus factus est in terra sua, & præ-
clarus in universo populo.

Ÿ. Justus tota die miseretur, & commodat.

℞. Et semen ejus in benedictione erit.

Pater



Pater noster. *Absolutio.* Exaudi Domine.
Benedict. Benedictione perpetua.

LECTIO I.

De Libro Ecclesiastici. Cap. 44.

LAudemus Viros gloriosos, & Parentes nostros in generatione sua. Multam gloriam fecit Dominus magnificentia sua à sæculo. Dominantes in potestatibus suis homines magni virtute, & prudentia sua præditi, nuntiantes in Prophetis dignitatem Prophetarum & imperantes, in præsentì populo, & virtute prudentiæ populis Sanctissima verba. In peritiis sua requirentes modos musicos, & narrantes carmina scripturarum.

R. Ecce qui in vita sua suffulsit Domum: * Et adeptus est gloriam in conservatione gentis.

Ps. Quasi stella matutina in medio nebulae, & quasi luna plena in diebus suis lucet. Et adeptus est gloriam.

LECTIO II.

Homines divites in virtute, pulchritudinis studium habentes: pacificantes in Domibus suis. Omnes isti in generationibus gentis suæ gloriâ adepti sunt, & in diebus suis habentur in laudibus. Qui de illis nati sunt, reliquerunt nomen narrandi laudes eorum, & sunt, quorum non est memoria, perierunt; quasi qui non fuerunt, & nati sunt, quasi non nati, & filii ipsorum cum ipsis.

R. Viam sapientiæ monstravit illi: * Quasi lux splendens semita ejus processit, & crevit, usque ad perfectam diem. Ps. Rectos fecit Dominus cursus ejus, & itinera illius in pace produxit. Quasi lux.

LECTIO III.

Sed illi Viri misericordiæ sunt, quorum pietates non defuerunt, cum semine eorum permanent bona. Hereditas Sancta nepotes eorum: & in te-



stamentis stetit semen eorum, & filii eorum propter illos usque in æternum manent. Semen eorum & gloria eorum non derelinquetur. Corpora ipsorum in pace sepulta sunt, & nomen eorum vivit in generationem, & generationem; Sapientiam ipsorum narrent populi, & laudem eorum nuntiet Ecclesia.

R. Dedit Celebrationibus deus, & ornavit tempora usque ad consummationem vitæ: * Ut laudarent nomen Sanctum Domini.

Y. Factum est illi testamentum æternum, & semini ejus sicut dies Cœli. Ut laudarent.

Gloria Patri. Ut laudarent.

In secundo Nocturno.

Antiph: Dilectus Deo, & hominibus ejus memoria in benedictionibus est. *Psalm.* Cum invocarem. *Ut in Comm: Conf: non Pontif:*

Antiph: Magnus fuit secundum nomen suum, maximus in salutem electorem Dei.

Antiph: Hæreditavit honorem in populo, & nomen illius erit vivens in æternum.

Y. Benedictionem omnium gentium dedit illi Dominus.

R. Et testamentum suum confirmavit super caput ejus.

Pater noster. *Absolutio.* Ipsius pietas.

Benedict: Deus Pater Omnipotens.

Lectiones II. Nocturni: ut in Breviario.

R. In omni opere dedit Confessionem Sancto, & excelso in Verbo gloriæ: * Glorificavit eum, & laudavit eum in benedictionibus.

Y. De omni corde suo dilexit Dominum. Glorificavit eum, & laudavit.

R. Dedit illi Dominus gloriam: * exaltavit semen ejus usque ad terminos terræ.

Y. Di-



Ps. Dilectus Deo & hominibus, cujus memoria in benedictione est. Et exaltavit Semen.

R. Dilatavit gloriam populo suo: * Et directa est salus in manu ejus. *Ps.* Latificavit Jacob in operibus suis, & in sæculum memoria ejus in benedictione. Et directa est.

Gloria Patri. Et directa est.

In Tertio Nocturno.

Antiph. In fide, & lenitate ipsius, Sanctum fecit illum, & legit cum ex omni carne.

Psal. Domine quis. *Ut in Comm: Conf: non Pontif:*

Antiph. Factum est illi testamentum æternum, & semini ejus, sicut dies Cœli.

Antiph. Dilatavit gloriam populo, & directa est salus in manu ejus.

Ps. Gloria & divitiæ in domo ejus.

R. Et justitia ejus manet in sæculum sæculi.

Pater noster. *Absolutio.* A vinculis.

Benedict: Evangelica lectio.

Lectioes III. Noct: ut in Breviario.

R. Benedictionem omnium gentiũ dedit illi Dominus: * Et testamentum suum confirmavit super caput ejus. *Ps.* Non recedet memoria illius, & nomen ejus requiretur à generatione in generationem. Et testamentum suum.

R. Justus germinabit sicut lilium: * & florebit in æternum ante Dominum.

Ps. Plantatus in Domo Domini, in atriis Domus Dei nostri. Et florebit.

Gloria Patri. Et florebit.

Benedict: Per Evangelica dicta. *Homilia 9. lect. Dominica.* Te Deum laudamus.

Ad Laudes & per Horas.

Antiph: Laudemus Virum gloriosum in genera-



tione sua, quia benedictionem omnium gentium dedit illi Dominus. *Psalms.* Dominus regnavit, cum reliquis ut in Dom.

Antiph: Potens in terra erit semen ejus, generatio rectorum benedicetur.

Antiph: Magnus Pater multitudinis genitū, quasi terræ cumulus crevit à mari, usque ad mare.

Antiph: Dedit illi Dominus gloriam, & exaltavit semen ejus, usque ad terminos terræ.

Antiph: Factum est illi testamentum æternum, & semini ejus sicut dies Coeli.

Cipitulum Eccl. Cap. 44.

L Audemus Viros gloriosos, & Parentes nostros in generatione sua. Multam gloriam fecit Dominus magnificentia sua à sæculo.

R. Deo gratias.

H Y M N U S.

AD tuas Aras JOACHIM propinquat
Hic Chorus noster, celebratque laudes
Corde devoto, memorans quod ex Te
Gratia prodit.

Væ tibi dictum sterili tuæque
Conjugi, quondam peperit dolorem,
Gaude cum tamen dedecus Sacrata
Abstulit infans.

Virginum Virgo facit orta toti
Gaudia mundo, parit illa quippe,
Qui necem vincat, tribuens beatæ
Munera vitæ.

Longa Te Regum series, Ducumque
Anteit, priscos numerando Patres,
Hi Redemptorem procul intuentes
Tu Pater edis,

O tui felix Ave Conditoris,
Quem Patres inter veneratus Orbis



Suscipit, nobis, humiles precamur
Annue dexter.

Sit decus Patri genitæque Proli,
Et tibi compar utriusque semper
Spiritus alme, Deus unus omni
Temporis ævo.

℣. Justus germinabit sicut lilium.
℞. Et florebit in æternum ante Dominum.

Ad Benedictus, Antiphona.

Dedit illi Dominus gloriam, & exaltavit semen
ejus usque ad terminos terræ. Non recedet laus
ejus ex ore hominum, qui memores fuerunt virtu-
tis Dei, Alleluja.

O R A T I O.

DEUS, qui præ omnibus Sanctis tuis Beatū Joa-
chim Genitricis Filii tui Patrem esse voluisti,
concede quæsumus, ut ejus Festa veneramur, ejus
quoque perpetua patrocinia sentiamus. Per eun-
dem Dominum &c.

Deinde fit Comm: Dominicz occurrentis.

Ad Tertiam.

Antiph: Potens in terra.

Capitulum.

Laudemus Viros gloriosos, & Parentes nostros in
generatione sua. Multam gloriam fecit Domi-
nus magnificentia sua à sæculo. ℞. Deo gratias.

℞. br. Benedictionem omnium gentium: * De-
dit illi Dominus. ℣. Et testamentum suum con-
firmavit super caput ejus. Dedit illi Dominus.

Gloria Patri. Benedictionem omnium.

℣. Factum est illi testamentum æternum.

℞. Et semini ejus sicut dies Cœli.

Ad Sextam.

Antiph: Magnus Pater.



Capitulum Eccl: 44.

IN generationibus gentis suæ gloriam adepti sunt, & in diebus suis habentur in laudibus, qui de illis nati sunt, reliquerunt nomen narrandi laudes eorum.

R. br. Factum est illi: * Testamentum æternum.

ψ. Et semini ejus sicut dies Coeli. Testamentum æternum.

Gloria Patri. Factus est illi.

ψ. Justus germinabit: Sicut lilium.

R. Et florebit in æternum ante Dominum.

Ad Nonam.

Antiph: Factum est.

Capitulum Eccl: 44.

CUm semine eorum permanent bona. Hæreditas Sancta Nepotes eorum, & in Testamentis scitit semen eorum.

R. br. Justus germinabit: * Sicut lilium.

ψ. Et florebit in æternum ante Dominum, sicut lilium.

Gloria Patri. Justus germinabit.

ψ. Justus tota die miseretur, & commodat.

R. Et semen ejus in benedictione erit.

In 2. Vesp: Antiph: Psal: Capit: Hymn: ψ. ut in Vesp:

Ad Magnificat, Antiphona.

Dilatavit glori in populo suo, & directæ est salus in manu ejus. Latificavit Jacob in operibus suis, & in sæculum memoria ejus in benedictione.

Comm: Dominica occurrentis.

Secun-



Secunda die infra Octavam

S. JOACHIM

Lectioes I. Noct: de script: occurr:

In secundo Nocturno.

L E C T I O IV.

Sermo Sancti Joannis Damasceni.

Orat: 1. de V. MARIAE Nativ: post initium.

AD miraculorum fontem revertor, ac lætitiæ fluentis ingurgitatus Cicharam Spiritus rursus ferio, & natalitium hymnum cano. O castissimum ratione prædictarum turturum par JOACHIM & ANNA! Vos ut naturæ legi consentaneum erat, pudicitia conservata, ea, quæ naturam superant, Divinitus consecuti estis. Vos pie, ac Sancte in humana natura versati, Angelis superiorem, ac nunc Angelis dominantem Filiam in lucem extulistis. O pulcherrima & suavissima Filiola! O Lilium inter spinas, ex nobilissima & maxima radice ortum! Per Te Regnum Sacerdotiis opibus auctum est. Per Te legis translatio contigit, atque Spiritus, qui sub littera delitescibat, patefactus est, translat: nimirum à Levitica Tribu ad Davidicam, sacerdotali dignitate.

R. In omni opere dedit Confessionem Sancto, & excelso in verbo gloriæ: * Glorificavit eum, & laudavit eum in benedictionibus. *Ps.* De omni corde suo dilexit Dominum. Glorificavit.

L E C T I O V.

Vinea uberrima ex Anna pullulavit, atque uvam suavissimam protulit, necdum mortalitatis fundentem in vitam æternam. JOACHIM & ANNA sibi ipsis ad justitiam seminarunt, ac vitæ fructum messuerunt. Illuminaverunt sibi ipsis lumen scientiæ, ac Dominum exquisiverunt, germenque justitiæ ipsis venit. Fiduciam terra concipiat, & filii
Sion



Sion gaudete in Domino Deo, quia germinavit desertum, sterilis protulit fructum suum. Joachim & Anna tanquam Spirituales montes dulcedinem stillarunt. Lætare Beata Anna, quoniam foeminam peperisti. Hæc enim foemina, DEI Mater est: vitæ Porta, lucis fons, atque foeminarû crimen dissolvit.

R. Dedit illi Dominus gloriam: * Et exaltavit senem ejus usque ad terminos terræ.

Y. Dilectus Deo & hominibus, ejus memoria in benedictione est. Et exaltavit.

LECTIO VI.

O Sacrum par JOACHIM & ANNA, natalitiam hanc orationem à me accipe. O Joachim, & Annæ Filia! ac Domina, peccatoris orationem accipe, ardentem tamen amantis ac colentis. Teque solam gaudii spem habentis, vitæ antistitem in gratiam cum Filio me reducentem, firmamque salutis arrham, peccatorum sarcinam discute, idque quod mentis meæ tenebras effandit, ac terrenam crassitatem dissipat. Pacem mundo, atque omnibus hujus Urbis Incolis recte de Religione sentientibus, absolutam numeris omnibus læticiam, ac sempiternam salutem, pro tuorum Pareatam, ac totius Ecclesiæ complementi preces concilla, fiat, fiat.

R. Dilatavit gloriam populo suo: * Et directæ est salus in manu ejus. *Y.* Lætificavit Jacob in operibus suis, & in saculorum memoria ejus in benedictione. Et directæ est.

Gloria Patri. Et directæ est.

In Tertio Nocturno.

LECTIO VII.

Lectio S. Evangelij Secundum Matthæum.

Liber generationis JESU Christi Filii David, Filii Abraham. Abraham genuit Isaac, Isaac autem genuit Jacob. Et reliqua.

Homi-

Homilia S. Hilarii Episcopi.

Comment: in Matth: Can: 7.

Non refert, quis in originis numero, atque ordine colleatur, dummodo universorum familia cepta esse intelligatur ab uno. Itaque cum ejusdem tribus sint JOSEPH, & MARIA, dum profectus esse ex Abraham genere Joseph ostenditur, profecta quoque docetur & MARIA. Hæc enim in Lege ratio servata est, ut si mortuus sine filiis familiæ Princeps fuisset, defuncti uxorem posterior Frater ejusdem cognationis acciperet, susceptosque filios in familiam ejus, qui mortuus esset referret, maneretque ita in Primogenitis successionis ordo, cum patres eorum, qui post se nati essent, aut nomine haberentur, aut genere.

R. Benedictionem omnium gentiû dedit illi Dominus: * Et testamentum suum confirmavit super caput ejus. *Ps.* Non recedet memoria illius, & nomen ejus requiretur à generatione in generationem. Et testamentum suum.

LECTIO VIII.

Consequens illud est, ut quia diximus secundum rerum fidem generationis istius ordinem nec numero sibi, nec successionem constare, hujus quoque rei ratio afferatur. Non enim levis causa est, ut aliud in narratione sit, aliud fuerit in gestis, & aliud referatur in summa, aliud verò teneatur in numero. Namque ab Abraham usque ad David quatuordecim generationes numeratæ sunt, & à David usque ad Transmigrationem Babylonis in quibusdā libris decem & septem deprehenduntur. Sed in hoc non mendacii, aut negligentiae vitiû est. Nam Joras genuit Ochoziam; Ochozias vero Joam, Joas deinde Amasîa, Amasias autem Oziam, & in Mathæo Joras Oziam genuisse scribitur, cum quartus ab eo sit,



fit, hoc ita: quia ex gentili fœmina Joras Ochoziâ genuit, ex Achab scilicet, qui Jezabel habuit Uxorē.

R. Justus germinabit sicut lilium: * Et florebit in æternum ante Dominum. V. Plantatus in Domino Domini, in atris Domus Dei nostri. Et florebit. Gloria Patri. Et florebit.

L E C T I O IX.

DEnique per Prophetam non nisi quarta generatione in throno Regio Iſraelis quæquam de domo Ahab esse scellurum dicitur. Purgata igitur labe familiæ gentilis tribus, quæ præteritis jam regulis in quarto generationum consequentium ordine numeratur, & usque ad MARIAM generationes quatuordecem esse scribuntur, cum in numero decem & septem reperiantur, nullus error esse poterit scientibus, non eam solum esse Domino nostro JESU Christo originem, quæ capit ex MARIA, sed in procreatione corporea Nativitatis æternæ significantiam comprehendendi. Te Deum laudamus.

Tertia die infra Octavam

S. JOACHIM

Lectiones I. Noct: de script: occurr:

In secundo Nocturno.

L E C T I O IV.

Sermo S. Joannis Damasceni.

De Dormit: SSma Dei Genitricis orat: 1.

SI gentiles eos, qui de vita discesserant, funebribus orationibus ornantes, id omne, quod ad alliciendos auditorum animos accendendum esse cernebant, omni studio, ac diligentia conferebant, tum ut ejus, quem laudandum susceperant, omnibus numeris encomium absolutum esset, tum ut reliquos ad virtutem excitarent, atque cohortarentur (sic tamen ut ex infinitis fabulis sermonem magna ex parte con-



contexerent, quod videlicet, nihil domi haberent, quod in ipsius commendationē proferrent) quid tandem afferri queat, quin nos si ea, quæ verissima, ac veneratione digna sunt, quæque benedictionē omnē, ac salutem omnibus attulerunt, alto ut dii soles silentio contexerimus, non incertum nostri risum excitemus, in eandemque inquam, is qui talentum humi abdidit, poenam incidamus? quocirca initium dicendi faciamus, atque orationis brevitati studeamus, ne aliqui auribus inimica sit, non secus ac corporibus cibus modum excedens. JOACHIM & ANNA MARIÆ Parentes fuerunt.

R. In omni opere dedit Confessionem Sancto, & excelso in verbo gloriæ: * Glorificavit eum, & laudavit eum in benedictionibus. *Ps.* De omni corde suo dilexit Dominum. Glorificavit eum.

LECTIO V.

AT JOACHIM quidem, ut pecudum Pastor, cogitationes suas non minus quam oves pascebat, ac pro arbitrio, & libitu ducebat. Etenim cum sub Domino pecudis instar pasceretur, nullis præstantissimis rebus carebat. Præstantissima porro ea me (dicere ne quis arbitretur, quæ plerisque grata sunt, & quibus avidiorum hominum animus semper inhiat, quæque nec fixa, ac durabilia suapte natura sunt, nec meliores Dominū efficiunt) nostris enim præsentis vitæ voluptates, quæ vim firmam, ac stabilem habere nequeant, sed statim effluunt, ac eadem propemodum horâ elabuntur: tamen alioqui eorum copia abundaret. Absit hoc. Non nostrum est hæc mirari, nec pars hæc timentium Dominum.

R. Dedit illi Dominus gloriam: * Et exaltavit semen ejus usque ad terminos terræ.

Ps. Dilectus Deo & hominibus, cujus memoria in benedictione est. Et exaltavit.

LE-



LECTIO VI.

Hic JOACHIM cogitationes suas pascebat in loco pascuæ, hoc est: sacris Oraculis degens, atque in refectionis aqua, hoc est: in Divina gratia se se oblectans: sic nimirum ut eas à turpibus & obscenis rebus avocaret, atque ad justitiæ semitas ipsius dux esset. At verò ANNA, quæ si interpreteris, gratiam sonat, non minus morum, quam matrimonii jugo cum eo copulata erat. Verū quamvis omni virtutum genere floreret; tamen arcana quadam ratione sterilitatis morbo tenebatur. Etenim sterilis verè gratia erat, ut quæ in hominum animis fructū edere minime posset: quando quidem omnes declinaverunt, simul inutiles facti erant: non erat intellegens, aut requirens Deum.

R. Dilatavit gloriam populo suo: Et directa est salus in manu ejus. V. Lætificavit Jacob in operibus suis, & in seculum memoria ejus in benedictione. Et directa est.

Gloria Patri. Et directa est.

In tertio Nocturno.

LECTIO VII.

Lectio Sancti Evangelii Secundum Matthæum.

Liber generationis JESU Christi Filii David, Filii Abraham, Abraham genuit Isaac, Isaac autem genuit Jacob. Et reliqua.

Homilia S. Joannis Chrysostomi.

Homil. 12ma in Matthæum post initium.

Auditu quidem mirabile est, quando ineffabilis Deus, & qui nec sermonibus explicari potest, nec cogitationibus comprehendi, Patrique per omnia coæqualis, per Virginis ad nos venit uterum, & fieri ex muliere dignatus est, & habere Progenitores David, & quid dico: David, & Abraham? etiam illas, quod magis stupendum est, feminas, quas paulò

paulò ante memoravi. Hæc igitur audiens mente consurge, nihilque humile suspiceris, sed potius propter hoc ipsum maxime mirare, quia cum verus, & dilectus filius sit sempiterni Dei, etiam filius David esse dignatus est, modo ut te filium faceret Dei: servum Patrem habere dignatus est, ut tibi servo Patrem faceret ipsum Deum.

R. Benedictionem omnium gentium dedit illi Dominus: * Et testamentum suum confirmavit super caput ejus. *Ps.* Non recedet memoria illius, & nomen ejus requiretur à generatione in generationem. Et testamentum suum.

LECTIO VIII.

Vides ab ipso statim principio, quam læta sint hæc nuntia. Quod si ambigis de his, quæ ad tuum spectant honorem, ab iis, quæ illius sunt, etiam tua discere credere. Quantum enim consequi potest humana ratio, multo est difficilius Deum hominem fieri, quam hominem Dei filium consecrari. Cum ergo audieris, quia Filius sit David, & Abraham, dubitare jam desine, quod & tu, qui filius es Adæ, futurus sit filius Dei. Non enim semetipsum ita humiliasset, nisi nos esset exaltaturus. Natus est enim secundum carnem ut tu nascereris spiritu, natus est ex muliere, ut tu desineres filius esse mulieris.

R. Justus germinabit sicut lilium: * & florebit in æternum ante Dominum.

Ps. Plantatus in Domo Domini, in atriis Domus Dei nostri. Et florebit.

Gloria Patri. Et florebit.

LECTIO IX.

Propterea duplex facta generatio est, hæc scilicet nostræ similis, illa nostram eminenter excedens. Quod enim natus ex foemina est, & nobis competit: quod vero non ex sanguine, neque ex voluntate car-

nis,



nis, aut viri, sed ex Spiritu Sancto, aliam nobis sublimiorem, futuramque, & Spiritu consequendam generationem promittit. Sed alia quoque omnia ex simili diversitate constabant. Nam & Baptisma profecto tale suscepit, quod haberet quidem aliquid veteris, haberet & novi. Quod enim baptizatus est à Propheta, expressit vetus, quod autem descendit Spiritus, adumbravit novum.

Tc Deum laudamus.

Quarta die infra Octavam

S. JOACHIM

Lectiones I. Noct: de script: occurr:

In secundo Nocturno.

L E C T I O IV.

Ex Libro S. Joannis Damasceni.

De fide Orthodoxa Lib: 4. Cap: 16.

JOACHIM lectissimam illam, ac summis laudibus dignam mulierem ANNAM matrimonio sibi copulavit. Verum quemadmodum prisca illa ANNA, cum sterilitatis morbo laboraret, per orationem, ac promissionem Samuelem procreavit, eodem modo, hæc etiam per obsecrationem, & promissionem DEI Genitricem à Deo accepit, ut ne hæc quoque cuiquam ex illustribus matronis cederet. Itaque gratia (nam hoc sonat ANNÆ vocabulum) Dominam parit, (id enim MARIE nomine significatur) verè etenim rerum omnium conditarum Domina facta est, cum Creatoris Mater extitit.

℞. In omni opere dedit Confessionem Sancto, & excelsio in verbo gloriæ: * Glorificavit eum, & laudavit eum in benedictionibus. ψ. De omni corde suo dilexit Dominum. Glorificavit eum.

L E C T I O V.

I N lucem autem editur in Domo Probatica JOACHIM

CHIM, atque ad templum adducitur, ac deinde in Domo DEI plantata, atque per Spiritum saginata, instar olivæ frugifera virtutum omnium domiciliū efficitur, ut quæ videlicet ab omni huiusce vitæ, & carnis concupiscentia mentem abtraxisset, atque ita Virginem una cum corpore animam conservasset, ut eam decebat, quæ Deum sinu suo exceptura erat.

R. Dedit illi Dominus gloriam: * Et exaltavit semen ejus usque ad terminos terræ.

Y. Dilectus Deo & hominibus, cujus memoria in benedictione est. Et exaltavit.

LECTIO VI.

Sermo Sancti Joannis Chrysostomi.

De S. Philogono ante medium.

Quænam igitur Catio par sit Viri laudibus, quem DEUS tam felici sorte dignatus est. Non est ulli, sed age, dic mihi, num ideoque flebimus: & cujus rei gratia convenimus? An dicemus nos haud posse magnitudinem gestorū oratione consequi? Atqui ob hoc ipsum necesse est dicere. quando quidem hæc est præcipua laudum illius pars, quod factis verba æquiparari non possint. Nam quorum benefacta naturam etiam superant mortalem, perspicuum est, quod horum laudes excedunt linguam humanā. Proinde quamvis nostræ facultates exigue sint, minimique pretii, attamen, quæ possumus, offerimus. Ea licet non respondeant magnitudini meritorum Animæ præclari, justique JOACHIM, tamen hoc ipsum celsitudinis illius maximum fuerit argumentum, quod nec pusilla repellat.

R. Dilatavit gloriam populo suo: * Et directa est salus in manu ejus. Y. Lætificavit Jacob in operibus suis, & in sæculum memoria ejus in benedictione. Et directa est.

Gloria Patri. Et directa est.



In Tertio Nocturno.

LECTIO VII.

Lectio S. Evangelij Secundum Matthæum.

Liber generationis JESU Christi Filii David, Filii Abraham. Abraham genuit Isaac, Isaac autem genuit Jacob. Et reliqua.

De Homilia Sancti Joannis Chrysostomi.

Homilia 12. in Matth. paulo post.

Cujus verò rei gratia librum ipsum generationis Christi vocat, ubi non sola utique generatio, sed tota prorsus ipsius mysterii dispensatio continetur? quia totius scilicet dispensationis caput, radix, atque principum omnium nobis in hoc consistit bonorum, ut enim Moyses librum cœli appellavit, ac terræ, cum certe non de cœlo solum, terraque loqueretur, sed de cunctis, quæ inter ipsa consistunt: ita etiam Evangelista ab ipso omnium fonte, & capite bonorum librum vocavit.

R. Benedictionem omnium gentiû dedit illi Dominus: * Et testamentum suum confirmavit super caput ejus. *V.* Non recedet memoria illius, & nomen ejus requiretur à generatione in generationem. Et testamentum suum.

LECTIO VIII.

Qua verò de causa non eum ante filium Abraham, & postea Filium David nuncupavit. Non sicut opinantur aliqui, ab inferioribus volens ad superiora con cendere. Cæterum fecisset quod fecit & Lucas, nunc autem è contrario fecit. Cur ergo commemoravit priorem David? Quia ipse procul dubio in omnium versabatur ore, ob insigne honoris, & gloriæ, ob ipsius quoque temporis spatia junctiora. Etsi enim utrique promiserat Deus, sed tamen illud quasi antiquum reticebatur, hoc verò quasi novum, & recens ab omnibus celebrabatur.

R. Ju-



R. Justus germinabit sicut lilium: * Et florebit
in æternum ante Dominum. *ψ.* Plantatus in Do-
mo Domini, in atrii Domus Dei nostri. Et flo-
rebit. Gloria Patri. Et florebit.

L E C T I O IX.

IPsi namque Judæi dicunt: Nonne ex semine Da-
vid, & Bethleem castello, ubi erat David? ve-
nit Christus? Nemo igitur illum Filium Abrahæ,
sed omnes Filium David nominabant: qui etiam ho-
norabiles quosque de Sanctitate Reges, qui post
David fuisse referuntur, ab illo omnes vocant.
Nec ipsi solum, verum etiam Deus; nam & Eze-
chiel, & alii Prophetæ dicunt, David surrecturum
esse eis, atque venturum, non de illo utique mortuo
jam loquentes, sed de iis, qui illius virtutem erant
imitaturi. Propterea igitur à notiore interim, &
celebriore persona sumit exordium, & tum de-
mum, ad antiquiorem recurrit parentem.

Te DEUM Laudamus &c.

Quinta die infra Octavam

S. JOACHIM

Lectiones I. Noct: de script: occurr:

In secundo Nocturno.

L E C T I O IV.

Sermo S. Andreae Cretensis Episcopi.

*Ex libro Actuar: PP. Græcorum edit. P. Com-
bessis Ord: Prædic.*

JOACHIM Vir mitis, modestus, ac divinis innu-
tritus legibus, cum sobrie vixisset, Deoque con-
stans adhereret, ac sic perseveraret, consenuerat or-
bus filiis, natura quidem vegeta, cujus tamen vigo-
ri non responderet donum generis. Sed & ANNA
Dei



Dei amans, sobria quidem, & continens, sed sterilis, viri amans, sed carens liberis, nec aliud, quam ut legi Domini honorem haberet animo cogitans, stimulantibus per dies sterilitatis acuelis, & ut par est affici, quibus non sunt proles, molestè ferebat, tristabatur, dolebat, non ferens filiorum orbitatem. Cum sic autem Joachin, uxorque tristerentur, quod filius deesset, qui Familiae adesset, nondum tamen scintillam spei extinxerant, utrique verò, ut ad suscitandum semen, filius praberetur, orabant. Ambo itaque Annam illam imitati, factam voti compotem, & exauditam, assidui in templo erant, Deumque votis supplicibus, ut orbitatè solveret, fructumque sterilitati concederet, provocabant. Nec prius contentionem remiserunt, quam sint facti compotes voti. Et verè evaserunt voti compotes. Non enim spei neglexit donum, ipsius doni Author. Sic namque quiritantibus, ac Deo supplicantibus, ocyus adfuit non tarda virtus, illique ad fructus elictionem, huic ad prolem suscipiendam vires addidit, ac jam ex infecundis, parentibusque ceu irriguis arboribus, generosus nobis fructus Virgo immaculatissima germinavit.

R. In omni opere dedit Confessionem Sancto, & excessu in verbo gloriæ: * Glorificavit eum, & laudavit eum in benedictionibus. V. De omni corde suo dilexit Dominum. Glorificavit.

L E G T I O V.

ET quidem ita. Nos autem Dei populus, plebs Sancti, sacer Conventus tripudio celebremus Paterna, vim Mysterii celebremus. Quisque pro concessa gratia, congruum solemnitati manus conferat, Patres generis felicitatem, Matres liberorum fecundam probitatem, steriles peccati infecunditatem: Virgines, duplicem incorruptionem animæ, in-

quæ



quam, & corporis: Conjugatæ moderationem laudabilem, si quis in vobis Pater, Virginis Patrem imitandū proponat. Quinquam prole careat, vitæ Dei amanti fructum, orationem, fatum, semenque vindemiet. Si quæ mater lactans, Anna post sterilitatem lactanti pro voto puellam congaudeat. Si quæ sterilis, & infecunda fructum benedictionis non habet, concessum divinitus Annæ germen conveniat, & sterilitatem deponat. Si quæ Virgo casta, efficiatur Verbi Mater: Verbo, animæ Statui mundum conferens. Si quæ sub jugo, rationale sacrificium offerat, de iis quæ precibus comparata sunt.

R. Dedit illi Dominus gloriam: * Et exaltavit semen ejus usque ad terminos terræ.

ψ. Dilectus Deo & hominibus, ejus memoria in benedictione est. Et exaltavit.

L E C T I O IV.

Sermo Sancti Bernardi Abbatis.

Sermone 12. de S. Victore.

GAudete in Domino, dilectissimi, qui inter continua suæ pietatis beneficia indulget hominem mundo, cujus multi salvarentur exemplo. Iterum dico gaudete, quod factus de medio appropriavit Deo, ut multò plures ejus intercessione salventur. In terris visus est, ut esset exemplo: in cælum levatus est, ut sit patrocínio. Hic informat ad vitam, illic invitat ad gloriam. Factus est mediator ad regnum, qui fuit incitator ad opus, Bonus mediator qui sibi jam postulans nihil, totum in nos transferre desiderat, & supplicantis affectum, & supplicationis fructum.

R. Dilatavit gloriam populo suo: Et directa est salus in manu ejus. ψ. Lætificavit Jacob in operibus suis, & in sæculum memoria ejus in benedictione. Et directa est.



Gloria Patri. Et directa est.

In tertio Nocturno.

LECTIO VII.

Lectio Sancti Evangelii Secundum Matthæum.

Liber generationis JESU Christi Filii David, Filii Abraham, Abraham genuit Isaac, Isaac autem genuit Jacob. Et reliqua.

Homilia S. Joannis Chrysostomi.

Homilia 12. in Matth.

Duo sunt, quæ parant quæstionem. Unum, quæ causa sit, ut in generationum cathalogo virgo fileatur. Alterum verò, qua ratione Joseph memoretur, cui certe nihil cum Christi generatione est commune. Videtur enim, & unum abundare, & alterum deesse. Quid ergo dicemus? quod utique primum illud necesse fuit memorari, quemadmodum ex David Virgo descenderit? unde hoc itaque discemus? audi ad Gabriel loquentem Dominum. Vade ad Virginem desponsatam viro, cui nomen Joseph ex Domo, & Familia David. Quid vis audire manifestius, cum ex Domo, & Familia David, illam Virginem esse cognoscas.

R. Benedictionem omnium gentium dedit illi Dominus: * Et testamentum suum confirmavit super caput ejus. **Y.** Non recedet memoria illius, & nomen illius requiretur à generatione in generationem. Et testamentum suum.

LECTIO VIII.

Non erat mos apud Hebræos generationum cathalogum per feminas texere. Ut ergo & morem custodiret, ne in ipso statim principio videretur antiqua destruere, & nobis Virginem certius indicaret, Parentes ejus reticens, atque Majores de Joseph generatione non tacuit. Sive enim hæc fecisset in Virgine, novitatis non effugisset invidiam,

Sive

Sive Joseph reticisset, non agnosceremus ex qua Tribu Virgo subsisteret. Ut ergo & nos discerneremus quæ esset Maria vel unde, & consuetudo legis permaneret immobilis generationum cathalogum usque ad sponsum ejus perduxit, ac de Domo illum David esse monstravit.

R. Justus germinabit sicut lilium: * Et florebit in æternum ante Dominum. *ψ.* Plantatus in Domo Domini, in atriis Domus Dei nostri. Et florebit. Gloria Patri. Et florebit.

Si fuerit Dominica: 9. lect: & comm: Dom.

L E C T I O IX.

HOc enim declarato, illud quoque pariter ostendit, quod scilicet inde esset & Virgo: quia utique nequaquam justus iste pateretur Uxorem sibi aliunde, quam unde lex præcipiebat, eligeret. Possumus verò aliam quoque, & altiore quidem proferre rationem, ob quam Parentes Virginis prætermissi sunt. Sed quæ ea est? noluit Evangelista recenti adhuc tempore novi illius admirandique partus Judæis esse manifestum, quod Christus natus fuisset ex Virgine. Neque proprius noster hic sermo est, sed à nobis de Patrum, atque insignium Virorum traditione susceptus. Te Deum laudamus.

S E P T E M B E R

OFFICIUM SANCTISSIMI NOMINIS BEATÆ VIRGINIS Mariæ.

Duplex 1ma Class: cum Octava.

Idemque semel in mense recitandum prout inferius.

Ad Vesperas, Antiphona,

*Dum esset Rex, cum reliquis de laudibus, Psalmi
ut in Officio parvo.*



Capitulum.

Ab initio, & ante seculum creata sum, & usque ad futurum seculum non desinam, & in habitatione Sancta coram ipso ministravi.

Hymnus. Ave maris stella &c.

Y. Dignare me, laudare te, Virgo sacrata.

R. Da mihi virtutem contra hostes tuos.

Ad Magnificat, Antiphona.

SANCTA Maria succurre miseris, juva pusillanimes, refove debiles, ora pro populo, interveni pro Clero, intercede pro derecto femineo sexu, sentiant omnes tuum juvamen, quicumque celebrant tui Sancti Nominis commemorationem.

O R A T I O.

CONcede quaesumus, Omnipotens Deus, ut fideles tui, qui sub Sanctissime Virginis MARIE Nominis & protectione letantur, ejus pia intercessione à cunctis malis liberentur in terris, & ad gaudia æterna pervenire mereantur in Coelis. Per Dñm &c.

Pro Suffragiis. Petrus Apostolus, cum reliquis.

Ad Matutinum Invitatorium.

Sancta MARIA Dei Genitrix Virgo: * Intercede pro nobis.

Psalmus. Venit exultemus, &c.

Hymnus. Quem terra, pontus, sydera.

Antiphona, Psalmi, versiculi Nocturnorum ut in Officio parvo B. M. Ad Lectiones primi Nocturni.

R. Sancta, & Immaculata Virginitas, quibus te laudibus effram, nescio. Quia quem Coeli capere non poterant, tuo germio contulisti.

Y. Benedicta tu in mulieribus, & benedictus fructus ventris tui: * Quia quem &c.

R. Congratulamini mihi omnes, qui diligitis Dominum, quia cum essem parvula, placui Altissimo. Et de meis visceribus genui Deum, & hominem.

Y. Beata



ψ. Beatam me dicent omnes generationes, quia Ancillam humilem respexit Deus. Et de meis visceribus.

℞. Beata es Virgo Maria, quæ Dominum portasti Creatorem Mundi: * Genuisti, qui te fecit, & in æternum permanes Virgo.

ψ. Ave MARIA gratia plenæ Dominus tecum: Genuisti &c. Gloria Patri. Genuisti.

Ad Lectiones secundi Nocturni.

℞. Sicut Cedrus exaltata sum in Libano, & sicut Cypressus in Monte Sion: Quasi Myrrha electa: * Dedi suavitatem odoris.

ψ. Et sicut cinnamomum, & balsamum aromatizans. Dedi suavitatem odoris.

℞. Quæ est ista, quæ processit sicut Sol, & formosa tanquæ Jerusalem: * Viderunt eam filie Sion, & beatam dixerunt, & Reginae laudaverunt eam.

ψ. Et sicut dies verni circumdabant eam flores rosarum, & lilia convallium. Viderunt eam &c.

℞. Ornatam monilibus filia Jerusalem Dominus concupivit: * Et videntes eam filie Sion beatissimam predicaverunt, dicentes: * Unguentum effusum Nomen tuum.

ψ. Astitit Regina à dextris tuis in vestitu deaurato circumdata veritate. Et videntes &c.

Gloria Patri. Unguentum &c.

Ad Lectiones tertii Nocturni.

℞. Felix namque es, fiera Virgo Maria, & omni laude dignissima: * Quia ex te ortus est Sol Justitiæ, Christus Deus noster.

ψ. Ora pro populo, interveni pro Clero, intercede pro devoto scemineo sexu: sentiant omnes tuum juvamen, quicumque celebrant tui Sancti Nominis commemorationem. Quia ex te &c.

℞. Beatam me dicent omnes generationes: * Quia
fo-



fecit mihi Dominus magna, qui potens est, & Sanctum Nomen ejus.

Y. Et misericordia ejus à progenie in progenies timentibus eum. Quia fecit &c.

Gloria Patri &c. Quia fecit &c.

Ad Laudes, & per Horas,

Antiphona. Dum esset Rex in accubitu suo, nardus mea dedit odorem suavitatis.

Psalm. Dominus regnavit. *Cum reliquis de Laudibus Dom.*

Ant: Lava ejus sub capite meo, & dextera illius amplexabitur me.

Ant: Nigra sum, sed formosa, filia Jerusalem: ideo dilexit me Rex, & introduxit me in cubiculum suum.

Ant: Jam hyems transiit, imber abiit, & recessit: surge, amica mea, & veni.

Ant: Speciosa facta es, & suavis in deliciis tuis, Sancta Dei Genitrix.

Capitulum. Ab initio.

Hymnus. O gloriosa Virginum.

Y. Diffusa est gratia in labiis tuis.

R. Propterea benedixit te Deus in aeternum.

Ad Benedictus, Antiphona.

Beata es, Maria, quæ credidisti: perficientur in te, quæ dicta sunt tibi à Domino, Alleluja.

O R A T I O.

Concede quæsumus, &c.

Pro suffragiis.

Gloriosi Principes terræ. *Cum reliquis.*

Ad Primam in R. brevi dicitur.

Qui natus es de Maria Virgine.

Ad Tertiam Antiphona. Lava ejus.

Capitulum. Ab initio.

R. breve. Specie tua: * Et pulchritudine tua.

Y. In.



San-
nics
ψ. Intende prospere, procede, & regna. Et pul-
chritudine tua. Gloria Patri &c. Specie tua &c.

ψ. Adjuvabit eam Deus vultu suo.

R. Deus in medio ejus non commovebitur.

Ad Sextam Antiphona. Nigra sum.

ar-
ψ. Capitulum. Et sic in Sion firmata sum, &c.

ψ. breve. Adjuvabit eam: * Deus vultu suo.
Adjuvabit.

ψ. Deus in medio ejus non commovebitur. Deus
vultu suo. Gloria Patri &c. Adjuvabit &c.

ψ. Elegit eam Deus, & praelegit eam.

R. In tabernaculo suo habitare fecit eam.

Ad Nonam Antiphona. Speciosa.

ψ. breve. Elegit eam Deus: * Et praelegit eam.
Elegit.

ψ. In tabernaculo suo habitare fecit eam. Et
praelegit &c. Gloria Patri &c. Elegit &c.

ψ. Diffusa est gratia in labiis tuis.

R. Propterea benedixit te Deus in aeternum.

In secundis Vesperis omnia ut in primis.

Ad Magnificat, Antiphona.

Beatam me dicent omnes generationes: quia An-
cillam humilem respexit Deus.

O R A T I O. *Ut supra.*

Missæ. Vultum tuum, ut in Festo. Gloria excel-
sis, sine Credo. 2. Oratio de Spiritu S. 3. Oratio
pro Ecclesia, vel pro Papa. Prefatio de B. V. M.
Et te in veneratione &c.

*In Commemoratione Sanctissimi Nominis B. V. M.
Lectioes Secundi, & Tertii Nocturni pro singulis
Mensibus per Annum.*

MENSE



MENSE JANUARIO, & FEBRUARIO.

In secundo Nocturno.

Sermo Sancti Bonaventuræ Episcopi.

In Spec: B. V. Mariæ.

LECTIO IV.

Nomen Virginis Mariæ. Hoc Nomen Sanctissimum, Nomen dulcissimum, Nomen dignissimum, tam sanctissima, tam dulcissima, tam dignissima Virgini convenientissimè est impositum. Maria enim amarum mare: Maria est stella maris, & Maria illuminata, vel illuminatrix, Maria Domina interpretatur. Maria autem est mare amarum dæmonibus, & stella maris hominibus, & illuminata, vel illuminatrix Angelicis spiritibus: Domina creaturis omnibus; Maria, inquam dæmonibus est mare amarum spiritualiter, & Maria hominibus est stella maris officialiter, & Maria Angelis illuminatrix est æternaliter, & Maria creaturis omnibus est Domina universaliter. Tu autem &c.

LECTIO V.

Maria unque est mare per affluentem Spiritus S. repletionem: Maria est amara per affluentem Filii sui passionem: Maria est mare amarum per submergentem diaboli suffocationem. Maria dicitur mare propter affluentiam & copiam gratiarum. Unde scriptum est in ecclesiaste: omnia flumina intrant in mare, flumina sunt Charismata Spiritus S. Omnia ergo flumina intrant in mare, dum omnia Charismata Sanctorum intrant in Mariam; Flumen enim gratiæ Angelorum intrat in Mariam, & flumen gratiæ Patriarcharum, & Prophetarum intrat in Mariam, & flumen gratiæ Apostolorum intrat in Mariam, & flumen gratiæ Martyrum intrat in Mariam, & flumen gratiæ Confessorum intrat in Mariam, & flumen gra-



tiæ Virginum intrat in Mariam: omnia flumina intrant in mare, id est omnes gratiæ intrant in Mariam. Tu autem, &c.

LECTIO VI.

Maria in passione Filii sui valde amara fuit, quando suum ipsius animam gladius pertransivit, unde ipsa bene potuit dicere illud Ruth. Non vocetis me Noëmi, id est pulchram, sed vocare me mara; id est amaram, quia amaritudine valde replevit me Omnipotens. Amara fuit Noëmi, quia duo filii sui fuerunt mortui. Noëmi pulchra & amara signat Mariam: pulchram quidem per Spiritus S. sanctificationem, amaram vero per filii sui Passionem. Duo autem filii Mariæ sunt: Homo Deus, & homo purus, unus enim corporaliter, alterius spiritualiter Mater est Maria. Maria est mare amarum diabolo, & Angelis ejus per ipsam oppressis, quemadmodum mare rubrum amarum fuit Ægyptiis in ipso submersis, de quibus habetur in Exodo: Reduxit super eos Dominus aquas maris. O quam amaram, & timendum est hoc mare Ægyptiis! O quam amara, & timenda est hæc Maria dæmonibus! Fluunt, & percutiunt, sicut cera à facie ignis, ubicumque inveniunt crebram hujus nominis recordationem, devotam invocationem, sollicitam imitationem. Tu autem, &c.

In Tertio Nocturno.

LECTIO VII.

LECTIO S. Evangelii secundum Lucam. c. i.

In illo tempore: Missus est Angelus Gabriel à Deo in Civitatem Galileæ, cui Nomen Nazareth ad Virginem desponsatam Viro, cui Nomen erat JOSEPH de domo David, & Nomen Virginis MARIA. Et reliqua.

Homi-



Homilia S. Epiphanii Episcopi.

In Laudibus B. V. MARIE.

ANna gravida effecta, Cœlum, & thronum Cherubicum peperit, Sanctam puellam Mariam. Illa enim reperietur esse Cœlum, Templū, & thronus: quia Mariam interpretari solemus Dominam, atque etiam spem, peperit enim Dominum, qui est totius mundi, nempe Christum. Rursum Nomen illud Maria interpretatur myrrha maris. Myrrham verò, aliquis dicet (quod ego etiam ajo:) de immortalitate, eò quod paritura esset gemmam immortalem in mari, hoc est in mundo. Mare autem dicit univèrsū mundum, cui Virgo serenitatem, & tranquillitatem contulit, dum portum peperit Christum. Tu autem &c.

LECTIO VIII.

Rursum itaque præclaræ puellæ Mariæ beatum Nomen interpretatur illustrata, utpote quæ illustrata sit à filio Dei, & cunctos usque ad terminos terræ credentes Trinitati illuminaverit. Sancta enim puella Virgo Maria est Sponsa Trinitatis, & thesaurus dispensationis plenè arcanus, cui Gabriel inquit: Ave gratiâ plena Dominus tecū. Subjunxit Gabriel: Et Pater misit arrhabonem de Cœlo Spiritum Sanctum: præparavit Virginem Unigenito Filio Cœlesti Sponso, quam Pater dilexit, Filius inhabitavit, Spiritus S. percipivit. Ipsa est enim Sponsa, & thalamus, & ex ea Sponsus procedit Christus. Virgineum indumentum, juxta sævem Davidis Prophetæ cansionem: In Sole posuit tabernaculum suum, & ipse tanquam Sponsus procedens de thalamo suo. Tu autem &c.

LECTIO IX.

Quid dicam? & quid proloquar? quo pacto beatam prædicabo gloriæ radicem? solo enim Deo excepto,

❁ ❁ ❁

cepto, cunctis superior existit: naturâ formosior est
ipsis Cherubim, Seraphim, & omni exercitu Ange-
lico: cui prædicandæ cælestis, ac terrena lingua mi-
nimè sufficit, imò verò nec Angelorum. Et enim ipsi
quidem hymnū, laudem, honorem protulerunt: non
tamen eo modo eloqui pro dignitate potuerunt: Læ-
tabantur verò Angeli, tamquam ipsi dumtaxat Deum
haberent: quibus Sanctissima Virgo, superior nata,
Deum habitantem in Cœlis concepit in terra, ut hac
ratione exercitus Angelorum traheret in terram, &
versaretur cum hominibus. Ipsa enim est Cœli, &
terræ mediatrix, quæ unionem naturaliter peregit.
Tu autem &c.

MENSE MARTIO, & APRILI.

In secundo Nocturno.

De Sermone S. Bonaventuræ Episcopi.

In Spec: B. V. Mariæ.

LECTIO IV.

Maria interpretatur Stella maris. Hoc optimè
convenit Mariæ, quæ gerit officium stellæ ma-
rinæ: legitur enim, & verum est quòd nautarum
mos est, ut, cum in aliquam terram navigare dispo-
nunt, unum sydus eligunt, cuius signo, luce radian-
te, in eam, quam desiderant, partem possint sine
errore adduci. Tale certè officium est Stellæ nostræ
Mariæ, quæ navigantes per mare mundi in navi in-
nocentiæ, vel poenitentiæ dirigit ad littus cælestis
patriæ. Bene autem Maria stellæ maris comparatur
propter puritatem, propter radiositatem, & propter
utilitatem. Maria enim est stella purissima, stella
radiofissima, & stella utilissima. Tu autem &c.

LECTIO V.

Maria est stella purissima, sine peccato purissimè
vivendo. Unde de ea dici potest illud Sapient-
tiæ:



tia: Est enim hæc speciosior Sole, & super omnem dispositionem stellarum, luci comparata invenitur purior. Quidam legunt hic prior, quidam purior, utrumque verò stellæ nostræ competit. Maria enim est prior, idest potior, sive dignior. Maria etiâ purior est Sole, & stellis, & luce: quia tam dignitate, quam puritate Solem, & stellas, & omnem lucem superat corporalem, imò etiam spirituales, idest Angelicam creaturâ. De qua dicitur: Divisit Deus lucem à tenebris, idest Angelos stantes à cadentibus. Hac utique luce Angelica prior, & purior est Maria; prior dignitate, & purior sanctitate. Tu autem &c.

LECTIO VI.

Maria est stella radiosissima, radium æternum emittendo, & Dei Filium pariendo: Ipsa enim est stella, de qua dicitur in Numeris: Orietur stella ex Jacob, & consurget Virga de Israël. Virga ista, est Dei Filius, qui stellæ nostræ Mariæ est radius. O verè Beatissima, o verè radiosissima stella Maria, cujus radius non solum mundû, imò etiam Cœlû, & non solum Cœlum, imò etiâ infernû penetravit! Maria etiam est stella utilissima nos ad Patriam Cælestem dirigendo, ducendo nos per mare hujus sæculi ad gratiam Filii sui, tanquam ad portum Paradisi. Unde ipsa est stella illa clarissimè fulgens, tres Magos ad Christum rectissimè ducens. Maria certè est stella, quæ in fluctibus præsentis vitæ valde est necessaria. Tu autem &c.

In tertio Nocturno.

LECTIO VII.

Lectio S. Evangelii secundum Lucam. c. 1.

IN illo tempore: Missus est Angelus Gabriel à Deo in Civitatem Galileæ, cui Nomen Nazareth,

reth, ad Virginem desponsatam Viro, cui Nomen erat JOSEPH de domo David, & Nomen Virginis MARIA. Et reliqua.

Homilia S. Petri Damiani.

Serm: de Annuntiatione B. V. MARIE.

Exultate Fratres, in Domino, quia de Domina illa sermo succedit, quæ singularem in cordibus nostris sibi vendicat principatum. Hæc est ad ejus nomen corpus humiliter inclinatis, ejus honoris reverenter assistitis, ejus memoriâ jugiter frequentatis. Hæc est, quæ vestris affectibus suaviter indulcescit, quia magna multitudo dulcedinis ejus. Spiritus enim ejus super mel dulcis, in qua dulcis Dominus cum omni sua dulcedine supervenit. Cum enim fecerit Deus omnia opera sua valde bona, hoc melius fecit, consecrans sibi in ea reclinatoriû aureum, in qua sola se post tumultus Angelorum, & hominum reclinaret, & requiem inveniret. Hoc est, quod natura miratur, reveretur Angelus, veneretur homo, stupefcit Cœlum, extremit terra, infernus exhorret. Tu autem &c.

L E C T I O VIII.

Quid est Beatissima? Numquid ita sensim taciturnus obdormiam, ut ibi mutus sim, ubi omnis loquitur creatura? Verumtamen non tacebo, & non quiescam, donec egrediatur, ut splendor vultus tuus, & sermo de te conceptus, si non ut lampas, saltem ut scintilla accendatur. Nascitur Maria, & ad nubes annos egrediens, speciem induit speciosâ, quæ ipsû alliciat Deum, & Divinitatis oculos in se convertat. Vide quid indè dicat ille non minimus explorator secretorum Dei: Audi filia, & vide, & inclina aurem tuam, & obliviscere populum tuum, & domum Patris tui: Et concupivit Rex decorem tuû, quoniam ipse est Dominus Deus tuus. Germinavit



igitur virga Jesse de tortuosa radice generis humani, de Patriarcharum arbore in altitudinem, & rectitudinem erumpens, omnem ignorat nodositatem, filiorum tenebras nescit, fructuosa quæque habet. Videt, & ardet ille vehemens amator, & totum epithalamium in laudibus ejus decantat, ubi manifestè Sponsus inducitur spirans amorem sincerissimū, nec ultra valens dissimulare, quod patitur. Tu autem &c.

LECTIO IX.

EVocatur statim Cœlestis ille conventus, & juxta Prophetam: init Deus consilium, cogit conciliū, facit sermonem cum Angelis de restauratione eorum, de redemptione hominum, de elementorum renovatione, ac illis stupentibus, & mirantibus præ gaudio de modo redemptionis, & statim de thesauro Divinitatis Mariæ Nomen evolvitur, & per ipsam, & in ipsa, & de ipsa, & cum ipsa totum hoc faciendū decernitur, ut sicut sine illo nihil factum, ita sine illa nihil refectionem sit. Traditur Epistola Gabrieli, in qua salutatio Virginis, Incarnatio Redemptoris, modus Redemptionis, plenitudo gratiæ, gloriæ magnitudo, multitudo lætitiæ continetur. Tu autem &c.

MENSE MAJO, & JUNIO.

In secundo Nocturno.

De sermone S. Bonaventuræ Episcopi.

In Spec: B. V. Mariæ.

LECTIO IV.

Maria etiam interpretatur illuminata, vel illuminatrix. Hoc similiter competit tantæ Virgini, quæ mirabiliter illuminata est per præsentiam Domini, juxta illud Apocalypsis: Vidi Angelū aliū descendentem de Cœlo, habentem potestatem magnā, & terra illuminata est à gloria ejus. Filius Dei est
Ange-



Angelus magni consilii: Terra verò à gloria Dei illuminata est Maria, quæ sicut illuminata fuit à gratia ejus in mundo, ita nunc illuminata est à gloria ejus in Cœlo, ut sic illuminata, fieret illuminatrix in mundo, & in Cœlo. Propter quod considerendū est, quod Maria illuminata, illuminatrix est per exempla, per beneficia, & per præmia: illuminatrix per exempla vitæ suæ, illuminatrix per beneficia misericordiæ suæ, illuminatrix est Maria per præmia gloriæ suæ. Tu autem &c.

LECTIO V.

Maria est illuminatrix plurimorum per exempla lucidissimæ vitæ suæ. Ipsa est, cujus vita gloriosa lucem dedit sæculo. Ipsa est, cujus vita inclyta cunctis illustrat Ecclesias. Ipsa enim est lucerna Ecclesiæ, ad hoc illuminata à Deo, ut per ipsam contra tenebras mundi illuminaretur Ecclesia. Oret ergo Ecclesia, oret fidelis anima, & dicat: Quoniā tu illuminas lucernam meam, Domine, Deus noster, illumina tenebras meas. Hanc verè lucernam Dominus illuminavit plenissimè, & per hanc illuminationem tenebras animarum nostrarum fugat, & fugavit. Tu autem &c.

LECTIO VI.

Maria est illuminatrix per beneficia lucidissimæ misericordiæ suæ, per quam multi in nocte hujus sæculi illuminati sunt spiritualiter: sicut quandoque filii Israhel per columnam ignis illuminati fuerunt corporaliter, juxta illud Psalmi: Deduxit eos in nube. Maria est nobis columna nubis, quia tamquam nubes protegit ab æstu divinæ indignationis: Protegit etiam ab æstu diabolicæ tentationis, sicut iterum dicitur in Psalmo: Expandit nubem in protectionem. Maria namque columna ignis est, illuminans nos, imo illuminans mundum multis mise-



ricordiae suae beneficiis. Quid nos miseri, nos obtenebrati, quid in nocte hujus saeculi faceremus, si tam lucidam lucernam, si tam luminosam columnam non haberemus? Quid enim totus mundus valeret, si Solem non haberet. Tu autem, &c.

In tertio Nocturno.

LECTIO VII.

LECTIO S. Evangelii secundum Lucam. c. 1.

IN illo tempore: Missus est Angelus Gabriel à Deo in Civitatem Galileæ, cui Nomen Nazareth ad Virginem desponsatam Viro, cui Nomen erat JOSEPH de domo David, & Nomen Virginis MARIA. Et reliqua.

Homilia S. Petri Damiani.

Serm: de Epiphania Domini.

STella erat in terra Virgo Maria, de qua Balaam prædixit in prophetia sua. Orietur stella ex Jacob, & confringet omnes alienigenas. In stella, fratres; quatuor principaliter attenduntur. Stella enim igneæ naturæ est, stella in se lucida est, & clara, stella ex se radium emittit, stella in nocte lucet. Hæc eadem in stella nostra, idest in Virgine Maria, possumus invenire. Stella, ut diximus, igneæ naturæ est; & ipsa Virgo Maria igneæ naturæ fuit. Ipsa est enim rubus ille igneus, in quo apparuit Dominus Moyse, qui videbatur quidem ardere, sed non comburebatur; quia gravis quidem apparuit Virgo, sed igne libidinis non est contumpra. Ipsa in se splendida est, & clara, adeo ut de ipsa scriptum sit in Canticis Canticorum: Quæ est ista, quæ progreditur sicut Aurora confurgens, pulchra ut Luna, electa ut Sol. Ipsa ex se radium illum emisit, qui penetrat usque ad cordis secreta; unde, & merito congruit ei nominis interpretatio. Maria namque stella maris interpretatur; hic mare mundus est, sicut scriptum



prum est: Hoc mare magnum, & spatiosum, illie reptilia, quorum non est numerus. Tu autem &c.

LECTIO VIII.

Merito ergo stella maris dicitur, quia ipsa tanquam sydus singulare refulsit in mundo, & ejus splendor illuminat mundum, & ex se radium illum emittit, qui illuminat omnem hominem venientem in hunc mundum. Et sicut radius processit à stella, stellâ integrâ permanente; sic Filius ex Virgine, Virginitate inviolabili perdurante. Stella lucet in nocte, & ipsa Virgo in nocte hujus sæculi singulariter fulsit, secundum quod de ea scriptum est: Quæ cunctas hæreses sola interemisti in universo mundo. Talis est stella nostra, fratres, talis est Virgo Maria, talis est stella maris; & quia reliquit nobis exemplum, ut sequamur vestigia ejus, talis etiam debet esse anima nostra. Tu autem, &c.

LECTIO IX.

Simus ergo, fratres, igneæ naturæ, ut sit in nobis ille ignis, quem venit Dominus mittere in terram. Simus etiam & nos clari, & fulgidi, ut aspiret nobis dies, & inclinentur umbræ; & deponentes veterem hominem cum actibus suis, induamus novum, qui secundum Deum creatus est; emittamus etiam ex nobis radium bonæ operationis, quia scriptum est: sint lumbi vestri præcincti, & lucernæ ardentes in manibus vestris. Stella lucet etiam in nocte, & nos fratres, in nocte hujus sæculi luceamus, secundum quod scriptum est: Inter quos lucetis, quasi luminaria fixa in firmamento. Contra hæreticorum tenebras, sapientiæ lumine splendamus. Sic ergo, fratres, ad verum Solem poterimus pervenire, si Virginitis, & stellæ nostræ vestigia fuerimus imitati. Tu autem, &c.



MENSE JULIO, & AUGUSTO.

In secundo Nocturno.

De sermone S. Bonaventuræ Episcopi.

In Spec: B. V. Mariæ.

LECTIO IV.

Maria etiam interpretatur Domina. Hoc quoque optimè competit tantæ Imperatrici, quæ revera Domina est Cœlestium, terrestrium, & infernorum. Domina, inquam Angelorum, Domina hominum, Domina dæmonum. Maria est Domina Angelorû: Ipsa enim signata est in Domina Esther Regina, de qua legitur, quod super unam famulam suam deliciosè innitebatur, altera autem famulariû sequebatur Dominâ, defluentia in humum vestimenta sustentans. Per Dominam Esther Reginam, intellige Mariam Reginam: Duæ famulæ, quarû Domina est Regina Maria, sunt Angelica, & humana creatura. O quantum gaudendum est nobis miseris hominibus, quod Angeli Dominum, & Dominam habeant ex hominibus. Anima humana est famula, quæ Dominâ suam Mariam sequitur in mundo. Sequitur certè colligens vestimenta Domine, scilicet colligens virtutes, & exempla Mariæ. Intelligentia verò Angelica est famula, super quam Domina sua Maria, innititur in Cœlo. Innititur certe tanquam familiarissima, se Angelis sociando; innititur etiam tanquam delicatissima, in Angelis deliciando, innititur quoque tanquam plenissima, se cum sua plenitudine Angelis communicando; innititur insuper tanquam potentissima Angelis imperando: Omnibus enim Angelis, Maria innititur suo imperio. Tu autem, &c.

LECTIO V.

Maria est Domina hominum in mundo. De hac Domina in Psalmo dicitur: Sicut oculi ancil-



læ in manibus Domine suæ. Ancilla Domine Mariæ, est quælibet anima fidelis, imò etiam Ecclesia universalis. Oculi hujus Ancillæ in manibus Domine suæ semper debent esse, quia oculi Ecclesiæ, oculi omnium nostrum ad manus Mariæ semper debent respicere, ut per manus ejus aliquid boni accipiamus, & per manus ejus, quidquid boni agimus, Domino offeramus. Per manus enim hujus Domine habemus, quidquid boni possidemus. Bene nobis, charissimi, bene nobis; quod talem Dominam habeamus, quæ manus tam liberales habet ad nos, & tam præpotens est apud Filium super nos, ut securi ad ipsam confugere possimus omnes nos. Tu autem, &c.

LECTIO VI.

Maria est Domina demonum in inferno, tam potenter eis dominans, ut etiam de ipsa accipit illud Psalmi: Virgam virtutis tuæ emittet Dominus ex Sion, dominare in medio inimicorum tuorum. Virga virtutis, Virgo Maria. Ipsa est Virga Aaron, florida per Virginitatem, & fructifera per fecunditatem. Ipsa quæque est virga, de qua dicitur in Isaia: Egredietur virga de radice Jesse. Hæc virga Virgo Maria, virga virtutis est contra inimicos infernales, quibus magna virtute dominatur; & idcirco Domina tam magna, tam magnæ virtutis, merito à nobis amatur, merito à nobis laudatur, & merito à nobis exoratur, ut nos contra inimicos istos tueatur. Te Domina magna, & valde magna, te vult cor meum amare, & cupit os meum laudare, te desiderat venerari mens mea, te affectat orare anima mea, quia tuitioni tuæ se commendat tota substantia mea. Tu autem, &c.

In tertio Nocturno.

LECTIO VII.

LECTIO S. Evangelii secundum Lucam. c. 1.

K 5

In



IN illo tempore : Missus est Angelus Gabriel à Deo in Civitatem Galilee, cui Nomen Nazareth ad Virginem desponsatam Viro, cui Nomen erat JOSEPH de domo David, & Nomen Virginis MARIA. Et reliqua.

Homilia S. Anselmi Episcopi Cantuariensis.

Oratione xlviii ad Beatam Virginem.

Memini, & meminisse delectabile est, qualiter, Beata Virgo, ad commendandum nobis miseris unicum patrocinium tuum, cuidam tuo servo agenti in extremis revelasti memorabile nomen tuum : Apparens enim ei, cum esset in angustiis, & requirens, utrum te agnosceret? cum ille, minime Domina, tremens responderet, ut ei pro benignitate tua quam blandè, quam familiariter dixisti : Ego sum misericordiæ Mater. Apud quem ergo miseris, apud quem desolati rectius ingemiscimus deplorantes mala totius calamitatis, & miseriæ nostræ, quam apud te veram, & indubitatâ Matrem misericordiæ. Mater S. Mater unica, Mater immaculata, Mater incorrupta, Mater misericordiæ, Mater pietatis, & indulgentiæ aperi sinum pietatis, & suscipe mortuū in peccatis. Tu autem &c.

L E C T I O VIII.

ECce, Domina filius prodigus, nudus, & attritus pedibus, de loco horroris, de nebula immunditiæ, & foetoris, suspirat, clamat, & appellat Matrem, non immemor, quoties eum foveis, protexeris, excusaveris apud Patrem. Et quidem ille piissimus, atque benignissimus Pater, tu tam dulcis, & suaviss Mater. Agnoice benedicta filios tuos, quos unice dilectus Unigenitus tuus, non erubuit nominare fratres suos. Et si pro illo innocente Filio tuo Crucifixo pertransivit gladius animam tuam, quomodo super mortuis in peccato pupillis tuis te continere.

tinere; quomodo unquam maternis fletibus, & lachrymis, o Domina, poteris temperare? abstrahimur, dissipimur, captivamur, non est qui eruat, non est qui redimat, qui confurgat diluculo, & spondeat pro nobis. Surge pia, surge propitia, intra Sacram exauditionis, & expande manus immaculatas ante altare illud aureum humanæ reconciliationis. Tu autem, &c.

LECTIO IX.

Singularis Virgo, summa, & perpetua Virgo, sola Mater, & Virgo, Sancta Maria, indignus hoc unum rogo, hoc unum precor, & obsecro in nomine dilecti Filii tui, dona mihi misero jugem, & perennem memoriâ suavissimi Nominis tui; sit cibus dulcissimus, cibus suavissimus animæ meæ. Adsit mihi in periculis, adsit in angustiis, adsit in principio lætitiæ meæ. Si enim hoc, Dei dono, & tuo mereor obtinere, nullatenus certè, numquam funditus vereor interire. Aderit enim semper mihi gratia tua, aderit miseratio, & protectio tua; & si in infernum demersus fuero, eo me requiras, & inde me extrahes, & reddes Filio tuo, qui me redemit, & lavit sanguine suo. Tu autem, &c.

MENSE SEPTEMBRI, & OCTOBRI.

In secundo Nocturno.

Sermo Sancti Bonaventuræ Episcopi.

In Spec: B. V. Mariæ.

LECTIO IV.

Nomen Mariæ, Nomen affectuosum, & dulcissimum, Nomen gratiosum, & nobilissimū. Nomen id gloriosum, & dignissimum, optimè convenit B. Virgini Dominæ nostræ. Convenientissimè Virgo tam pia, vocata est Maria: Ipsa enim est Maria, quæ & omni vitio caruit, & omni virtute claruit.

Ma-



Maria profundissima apud se fuit per humilitatem. Ipsa enim Maria, de qua dicitur in Luca: Dixit autem Maria: Ecce Ancilla Domini: O mira & profunda humilitas Maria! Ecce Mariam Archangelus alloquitur, Maria gratia plena dicitur, super-ventio spiritus Sancti prae-mittitur, Maria in Matrem Domini assumitur, Maria jam omnibus creaturis anteponitur, Maria jam Domina Cœli, & terræ efficitur, & pro his omnibus non extollitur, sed in his omnibus mira humilitate deprimitur, dicens: Ecce Ancilla Domini. Hoc est contra multos, qui in prosperis, & honoribus, qui in gratiis, & virtutibus non humiliantur cum Maria, & cum Christo, sed intumescunt cum Eva, & Lucifero. Tu autem, &c.

LECTIO V.

Maria affectuosa fuit per charitatem. Ipsa enim est Maria, de qua dicitur in Luca: Exurgens autem Maria abiit in montana cum festinatione: Abiit, inquam ut visitaret, ut salutaret, ut ministraret Elisabeth. Vide quomodo illa visitatio Mariæ plena fuit charitate. In descriptione enim illius visitationis, Maria quater nominatur, in quo charitas Mariæ ad Deum, & ad proximum plenius declaratur. Charitas proximi debet haberi, & foveri corde, ore, & opere. Maria autem charitatem proximi habebat in corde, & propter hoc exurgens Maria abiit in montana cum festinatione. Quid enim eam ad officium charitatis festinare cogeat, nisi charitas, quæ in corde ejus fervebat? Legimus, quod Pastores venerunt festinantes ad præsepium, & quod Maria abiit cum festinatione ad obsequiū, & quod Zachæus festinans descendit ad hospitandū Dominum. Væ ergo tardis ad opera charitatis. Tu autem, &c.



LECTIO VI.

Maria Charitatē proximi ore fovebat. Ipsa enim est, de qua ibidem dicitur: Et factum est, ut audivit salutationem Mariæ Elisabeth, exultavit infans in utero ejus; charitas inquam, proximi salutationibus, & aliis charitatis locutionibus, semper fovenda est. Unde Angelus salutavit Mariam; Maria salutavit Elisabeth. O quā duleiter Maria salutare novit! O Maria digneris nos per gratiam tuam salutare. Et certē ipsa nos libenter salutat beneficio, & consolatione, si nos eam frequenter salutamus servitio, & ratione. Item. Maria charitatem opere exercebat. Ipsa enim est, de qua ibi dicitur: Mansit autem Maria cum illa quasi mensibus tribus; mansit videlicet pro ministerio & consolatione Elisabeth. Item: Maria, sicut in omnibus charitatem habuit ad proximum, ita super omnia charitatem habuit ad Deum. Ipsa enim est, de qua ibidem dicitur: Magnificat anima mea Dominum. Anima quod amat hoc magnificat, & in hoc exultat: idcirco anima Mariæ Deum decentissimē magnificavit, & in Deo firmissimē exultavit, quia Deum excellentissimē amavit. Tu autem, &c.

In tertio Nocturno.

LECTIO VII.

LECTIO S. Evangelij Secundū Lucam. c. 1.

IN illo tempore: Missus est Angelus Gabriel à Deo in Civitatem Galileæ, cui Nomen Nazareth, ad Virginem desponsatam Viro, cui Nomen erat JOSEPH de domo David, & Nomen Virginis MARIA. Et reliqua.

Homilia S. Bernardini Senensis.

Serm: 2. de Gloriossimo Nomine Mariæ. c. 2. 3. 4.

AD ipsum Mariæ nomen interpretandum descendere liber, secundum quod Maria Domina inter-



terpretatur. Et circa hoc consideremus dominii proprietatem, magnitudinem, & multiplicationem. Dominatio quidem est vera, quæ nulli prælationi est obnoxia. Sic, & Beata Virgo: nullius quippe creaturæ prælationi obnoxia est. Quomodo enim subiiiceretur creaturæ, quæ Mater effecta est Creatoris? Imò Mater Domini omnis Creaturæ, effecta est Domina omnis creaturæ? Igitur, quia genuit Creatorem, Domina facta est omnis creaturæ. Proindeque in Persona Mariæ dicitur: In omni gente, & populo primatum habui. Imò, si fas est dicere, non tantum facta Domina omnis creaturæ, verum etiam ipſius Creatoris; ſicut ſcriptum eſt: & erat ſubditus illis. Verè igitur Beata Virgo Domina eſt. Tu autem, &c.

L E C T I O VIII.

Maximè dominatur amicis, id eſt ſpiritualibus, & devotis, & in hoc eſt pulchra ut Luna, quia diſpenſat eis divinæ Sapientiæ lucem, & Cœleſtis gratiæ rorem. Dominatur filiis, id eſt Angelis. Et in hoc eſt electa ut Sol, ſcilicet ad irradiandam totam multitudinem ſpirituum beatorum. Cùm autem Beata Virgo, Regina Cœli, & Mater Filii Dei, tantum habet ſervorum numerum, quot filii ſui implent miniſterium. Omnes igitur Angelici ſpiritus, ſunt huius glorioſæ Virginis miniſtri, atque ſervi. Quomodo ergo non eſſent ſervi illius, per quam eorum, quantum ad numeri integritatem, reparatio facta eſt? per cuius filium eorundem facta eſt purgatio, illuminatio, & conſummatio, id eſt, gloriæ conſummata perfectio? Verè igitur Domina dici poteſt, atque meritò habent de illa omnes Cœleſtes ſpiritus confiteri: Servi tui ſumus, quæque jufferis, faciemus, Tu autem, &c.

L E.



LECTIO IX.

O Remus igitur, dilectissimi fratres, Dominam nostram Virginem Benedicam, ut quæ Mater esse meruit Judicis sæculorum, pro reatibus nostris Filia satisfaciatur advocata. Quid enim in causa potest esse periculi, ubi causis hominum illa perorat, quæ habet unde apud Deum pro filiis hominum orare præsumatur, quia Mater est Dei? Habet & ille, unde clementer homini ignoscat, quia filius hominis est. Ambo certatim causas miserentur humanas. Mater excusando mortales, ne pereant: Filius ignoscendo peccantibus, ut resurgant: Omnes igitur Genitrici ejus devotissimè supplicantes, vitam nostram emendemus, & mors, communi voto, pari desiderio, ardenti affectu postulantes, ut Ecclesiam suam exaltet, ministerium nostrum acceperet, patriam tueatur, protegat Civitatem, Fideles multiplicet, abigat hostes, domesticos foveat, & omnes qui triumphale Nomen JESU, & Matris ejus Mariæ invocant, & adorant, dirigat semper, & conservet in Christo, qui cum Patre, & Spiritu S. vivit, & regnat in sæcula sæculorum. Amen. Tu autem, &c.

MENSE NOVEMBRI, & DECEMBRI.

In secundo Nocturno.

De Sermone S. Bonaventuræ Episcopi.

In Spec: B. V. Mariæ.

LECTIO IV.

Maria indefessissima, & studiosissima fuit per sedulitatem in bonis operibus: ipsa namque est Maria illa, de qua dicitur in actis: Hi omnes erant perseverantes unanimiter in oratione cum mulieribus & Maria Matre JESU. Maria indefessè perseverando in oratione, exemplum dedit, quam oportet sequi, non deficere. Et si Maria tam sedule oravit



vit in terris, quomodo non sedulè orabit pro nobis in Coelis; sed ecce Maria nostra non solum ore in orationibus, sed etiam corde in Sanctis meditationibus indefessa fuit & sedula: ipsa enim est Maria, de qua dicitur in Evangelio Lucae: Maria conservabat omnia verba hæc, conferens in corde suo: Quia ergo Maria non fuit accidiosa, idè non fuit otiosa, & idè non solum mentem in Sanctis meditationibus, non solum linguam in devotis orationibus, sed etiam manus in bonis operibus sedulas habuit. Heu quàm longè à gratia Mariæ est miser accidiosus, cujus mens, manus, & lingua, sunt toties à meritis otiosa. Tu autem, &c.

L E C T I O V.

Maria tenuissima fuit per pauperiorem, ipsa enim est, de qua dicitur: Invenierunt Mariam, & Joseph, & infantem positum in præsepio. Pastores pauperes invenierunt pauperem Mariam Matrem, & pauperem infantem in paupere loco, non in pomposa curia, sed in paupere præsepio; quæ utique pauperula Mater bonum hospitium habuisset, si pauper non fuisset; ista dum diligenter attendis, tunc pauperiorem Mariæ evidentem perpendis. Quicumque certè propter Deum pauper est voluntarie, & libenter, vel etiam qui, utique pauper est necessarius, & patienter, multum consolari potest de pauperiorem Mariæ, & de paupere Christo. Ab illa consolatione iniqui divites longè sunt, qui longè aliam quærunt; unde Salvator dicit: Væ vobis divitibus, qui habetis hic consolationem vestram. Tu autem, &c.

L E C T I O VI.

Maria tandem castissima fuit per Virginitatem, casta enim fuit in Virginea carne, sicut Evangelium testatur, dicens: Nomen Virginis Maria. Castior



stior fuit Maria in Virginea mente, sicut ipsamet
testatur: ipsa enim est, de qua dicitur: Dixit au-
tem Maria ad Angelum: Quomodo fiet istud, quo-
nam virū non cognosco? idest non cognoscere pro-
pono. Castissima verò fuit Maria in Virginea pro-
le: nam in prole approbata, in prole consecrata, in
prole nobilitata, in prole ditata, & dotata, confi-
gnata, & confirmata est tua Virginitas, o Maria.
Heu quam longè à gratia Mariæ sunt, quicumque
continentes non sunt, qui castitatis inimici sunt.
Cum ergo dulcissimum Nomen Mariæ tantæ, ut su-
pra dictum est, sit gratiæ, ideo meritò hoc Nomen
invocamus, secundum quod Beatus Bernardus orans,
ait: dulcissimum Mariæ Nomen invocantibus Ser-
vulis per te, Regina clemens, gratiæ suæ munera
largiatur Jesus Christus filius tuus, qui cum Patre,
& Spiritu Sancto vivit & regnat Deus per omnia
sæcula sæculorum, Amen. Tu autem, &c.

In tertio Nocturno.

LECTIO VII.

LECTIO S. Evangelij Secundum Lucam. c. i.
IN illo tempore: Missus est Angelus, Gabriel à
Deo in Civitatem Galileæ, cui Nomen Naza-
reth, ad Virginem desponsatam Viro, cui Nomen
erat JOSEPH de domo David, & Nomen Virgi-
nis MARIA. Et reliqua.

De Homilia S. Bernardi Abbatis.

Homilia 2. super missus est, circa finem.

ET nomen, inquit, Virginis Maria. Loquamur
pauca, & super hoc nomine, quod interpreta-
tum Maris Stella dicitur, & Matri Virgini, valdè
convenienter aptatur. Ipsa namque aptissimè syderi
comparatur; quia, sicut sinè sui corruptione sydus
suum emittit radium, sic absque sui læsione Virgo
parturivit filium. Nec syderi radius suam minuit
cla-



claritatem, nec Virgini filius suā integritatem. Ipsa est igitur nobilis illa Stella ex Jacob orta, cujus radius universum Orbem illuminat, cujus splendor, præfulget in supernis, & inferos penetrat, terras etiā perlustrans: & calefaciens magis mentes, quam corpora, fovet virtutes, excoquit vitia. Ipsa, inquam, est præclara, & eximia Stella super hoc mare magnum, & spatiosum, necessario sublevata, micans meritis, illustrans exemplis. Tu autem, &c.

L E C T I O VIII.

O quisquis te intelligis in hujus sæculi profluvio, magis inter procellas, & tempestates fluctuare, quam per terram ambulare; ne avertas oculos à fulgore hujus tyderis, si non vis obrui procellis. Si insurgant venti tentationum, si incurras scopulos tribulationum; respice Stellam, voca Mariam. Si jacturis superbix undis, si ambitionis, si detractionis, si æmulationis; respice Stellam, voca Mariam. Si iracundia, aut avaritia, aut carnis illecebra naviculam concusserit mentis; respice ad Mariam. Si criminū immanitate turbatus, conscientix feditate confusus, judicii horrore perterritus, barathro incipis absorberi tristitiæ, desperationis abyssu; cogita Mariam. Tu autem, &c.

L E C T I O IX.

IN periculis, in angustiis, in rebus dubiis Mariam cogita, Mariam invoca. Non recedat ab ore, non recedat à corde, &, ut impetres ejus orationis suffragium, non deferas conversationis exemplū. Ipsam sequens, non devias; ipsam rogans, non desperas; ipsam cogitans, non erras; ipsa tenente, non corruis; ipsa protegente, non metuis; ipsa duce, non fatigaris; ipsa propitia pervenis, & sic in temetipso experiris, quàm meritò dictum sit: & Nomen Virginis Maria. Tu autem, &c.

. In

In Festo S. JOSEPHI à CUPERTINO Confessoris
Ordinis Minorum S. FRANCISCI Conventualiũ.

Duplex minus.

*Omnia de Communi Confessoris non Pontificis
prater ea, quæ sequuntur.*

IN PRIMIS VESPERIS.

Ad Magnificat, Antiphona.

Mortuus sum, & vita mea est abscondita cum
Christo in Deo.

O R A T I O.

DEUS, qui ad Unigenitum Filium tuum exalta-
tum à terra, omnia trahere disposuisti: perfice
propitius, ut meritis, & exemplo Seraphici Confes-
soris tui JOSEPHI supra terrenas omnes cupidita-
tes elevati, ad eum pervenire mereamur. Qui te-
cum vivit, & regnat, &c.

In primo Nocturno.

LECTIO I. CAP. 4. v. 6. ad 12.

De Epistola secunda B. Pauli Apostoli
ad Corinthios.

DEUS, qui dixit de tenebris lucem splendescere,
ipse illuxit in cordibus nostris ad illuminatio-
nem scientiæ claritatis Dei, in facie Christi JESU.
Habemus autem thesaurum istum in vasis fictilibus:
ut sublimitas sit virtutis Dei, & non ex nobis. In
omnibus tribulationem patimur, sed non angustia-
mur: aporiamur, sed non destituimur: persecutionem
patimur, sed non derelinquimur: deicimur, sed non
perimus: semper mortificatione Jesu in corpore no-
stro circumferentes, ut & vita Jesu manifestetur in
corporibus nostris. Semper enim nos, qui vivimus,
in mortem tradimur propter Jesum: ut & vita Jesu
manifestetur in carne nostra mortali. Tu autem &c.

R. Euge serve bone &c.

L.

LE-



LECTIO II. CAP. 5. v. 1. ad 9.

SCimus enim, quoniam si terrestris domus nostra hujus habitationis dissolvatur, quod ædificatio- nem ex Deo habemus, domum non manufactam, æternam in Cœlis. Nam & in hoc ingemiscimus, habitationem nostram, quæ: de Cœlo est, superindui cupientes: si tamen vestiti, non nudi inveniamur. Nam, & qui sumus in hoc tabernaculo, ingemisci- mus gravati eo quod nolumus expoliari, sed superve- stiri; ut absorbeat, quod mortale est, à vita. Qui autem efficit nos in hoc ipsum, Deus, qui dedit no- bis pignus spiritus. Audentes igitur semper, scientes, quoniam dum sumus in corpore, peregrinamur à Do- mino: (Per fidem enim ambulamus, & non per spe- ciem.) Audemus autem, & bonam voluntatem ha- bemus magis peregrinari à corpore, & præsentem esse ad Dominum. Tu autem &c.

R. Justus germinabit &c.

LECTIO III. CAP. 12. v. 1. ad 10.

SI gloriari oportet (non expedit quidem) veniam autem ad visiones, & revelationes Domini. Scio hominem in Christo ante annos quatuordecim (sive in corpore, sive extra corpus, nescio, Deus scit) rap- tum hujusmodi usque ad tertium Cœlum. Et scio hujusmodi hominem (sive in corpore, sive extra cor- pus, nescio, Deus scit) quoniam raptus est in Para- disum; & audivit arcana verba, quæ non licet homi- ni loqui. Pro hujusmodi gloriabor: pro me autem nihil gloriabor, nisi in infirmitatibus meis. Nam, & si voluero gloriari, non ero insipiens: veritatem au- tem dicam: parco autem, ne quis me existimet supra id, quod videt in me, aut aliquid audit ex me. Et ne magnitudo revelationum extollat me, datus est mihi stimulus carnis meæ Angelus Satanae, qui me colaphizet. Propter quod ter Dominum rogavi, ut
disce-

discederet à me: & dixit mihi: sufficit tibi gratia mea; nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi. Tu autem &c.

Iste cognovit justiciam &c.

In secundo Nocturno.

L E C T I O IV.

JOSEPHUS à CUPERTINO, Oppido in Salentinis Diocœsis Neritonensis, anno reparatæ salutis millesimo sexcentesimo tertio, piis ibidem parentibus ortus, Deique amore præcatus, pueritiam, atque adolescentiam summa cum simplicitate, morumque innocentia transegit. A diuturno, molestoque morbo patientissimè tolerato Deiparæ Virginis, ope libertatus, se totum pietatis operibus, ac excolendis virtutibus dedit: utque Deo ad majora vocanti se intimius conjungeret, Ordini Seraphico nomen dare constituit. Post varios eventus voti tandem compos factus, apud Minores Conventuales in Cœnobio Cryptulæ, inter Laicos primum ob literarum imperitiâ, deinde inter Clericos Divina dispositione connumeratus est. Sacerdotio post solennia vota initiatus, perfectius sibi vitæ institutū proposuit. Quamobrem mundanis quibuscumque affectibus; terrenisque rebus penè ad vitam necessariis illicò à se abdicatis, ciliciis, flagellis, catenis, omni demùm asperitatum, ac pœnarum genere corpus afflixit, spiritum verò Sanctæ orationis, altissimæque contemplationis assiduitate dulciter enutrivit. Hinc factum est, ut Charitas Dei, quæ jam erat in ejus corde à prima ætate diffusâ, niro, planeque singulari modo in dies coruscaverit. Tu autem &c.

Honestum fecit &c.

L E C T I O V.

ELuxit præcipue ardentissima ejus charitas in ec-

clasi-



statibus ad Deum suavissimis, stupendisque raptibus, quibus frequenter afficiebatur. Mirū autem, quod alienato à sensibus animo statim ab ecstasi cum revocabat sola obedientia. Hanc quippe virtutem eximio studio prosequabatur, dicere solitus, se ab ea veluti cæcū circumduci, & mori potius velle, quam non obedire. Paupertatem verò Seraphici Patriarchæ ita æmulatus est, ut morti proximus Prælato suo asserere verè potuerit, se nihil habere, quod more Religiosorum resignaret. Itaque Mundo, sibi-que mortuus, vitam Jesu manifestabat in carne sua, quæ dum in aliquibus ex turpitudine obscænum flagitium sentiebat, prodigiosum de se efflabat odorem, indicium nitidissimæ illius puritatis, quam, immundo Spiritu vehementissimis tentationibus frustra obnubilare diu conante, servavit illæsam, tum arcta sensuum custodia, tum jugi corporis maceratione, tum denique speciali protectione purissimæ Virginis Mariæ, quam Matrem suam appellare consuevit, ac veluti Matrem dulcissimam intimo cordis affectu venerabatur, eamque ab aliis venerari exoptabat, ut cum ejusdem patrocinio, sicut ipse aiebat, omnia bona consequerentur. Tu autem &c.

R. Amavit eum Dominus &c.

LECTIO VI.

HÆc Beati Josephi sollicitudo à sua erga Proximos charitate prodibat; tanto enim animarum zelo exardebat, ut omnium salutem modis omnibus instantissime procuraret. Extendens pariter charitatem suam in Proximum sive pauperem, sive infirmum, sive quacumque alia tribulatione vexatum, quantum in ipso erat, illum recreabat. Nec alieni erant ab ejus charitate, qui objurgationibus, probris, omnisque generis injuriis ipsum appetere; nam eadem patientia, mansuetudine, vultusque hilaritate talia



taliam excipiebat, quæ tot inter, ac tantas vicissitudi-
nes resplenduit, dum vel Moderatorum Ordinis, vel
Sacre Inquisitionis jussu hæc illac errare, versari-
que coactus est. Quamquam verò Populi non solum,
sed Viri Principes eximiam ejus sanctitatem, & su-
perna charismata admirarentur; ea nihilominus erat
humilitate, ut magnam se peccatorem reputans, Deum
enixe deprecaretur, ut sua ab eo illustria dona re-
moveret; homines verò exoraret, ut in eum locum
mortuum ejus corpus injicerent, ubi memoria sui
esset prorsus oblitterata. At Deus, qui ponit humi-
les in sublime, quique servum suum, dum viveret,
coelesti sapientia, prophetia, cordium perferutatione,
curationum gratia, ceterisque donis cumulatissimè
exornaverat, ejus quoque mortem iis, quibus ipse an-
tea prædixerat, loco, ac tempore, anno ætatis suæ
sexagesimo primo, Auximi in Piceno pretiosam red-
didit, sepulchrumque gloriosum. Illi denique etiam
post obitum miraculis coruscanti Benedictus Quar-
tusdecimus Beatorum, Clemens Tertiusdecimus San-
ctorum fastis adscripsit, ejus autem Officium, & Mis-
sam CLEMENS Quartusdecimus ejusdem Ordinis
ad Universam Ecclesiam extendit. Tu autem &c.

R. Jste homo perfecit &c.

In Tertio Nocturno.

LECTIO VII. CAP. 22.

Lectio Sancti Evangelii Secundum Matthæum.

IN illo tempore loquebatur Jesus Principibus Sa-
cerdotum, & Phariseis in parabolis dicens: Si-
mile factum est Regnum Cœlorum homini Regi, qui
fecit nuptias filio suo. Et reliqua.

Homilia Sancti Gregorii Papæ.

Lib: 2. Homiliar: Homil: 38. circa medium.

Quia jam, largiente Domino, Nuptiarum Do-
mum, idest Sanctam Ecclesiam, intrastis, soler-



ter, Fratres, aspiciat, ne aliquid de mentis vestrae habitu Rex ingrediens reprehendat. Cum magno enim cordis timore penlandum est, quod protinus subditur: Intravit autem Rex, ut videret discumbentes, & vidit ibi hominem, non vestitum veste nuptiali. Quid, Fratres charissimi, exprimi per nuptialem vestem putamus? Si enim vestem nuptialem baptismum, vel fidem dicimus, quis sine baptismo, & fide has nuptias intravit? Eo enim ipso foris est, qui necdum credidit. Quid ergo debemus intelligere nuptialem vestem, nisi charitatem? Intrat enim ad nuptias, sed cum nuptiali veste non intrat, qui in Sancta Ecclesia assistens fidem habet, sed charitatem non habet. Recte enim charitas nuptialis vestis vocatur, quia hanc in se Conditor noster habuit, dum ad sociandam sibi Ecclesiae nuptias venit. Tu autem, &c.

R. Iste est, qui ante Deum &c.

L E C T I O VIII.

SOla quippe dilectione DEI actum est, ut ejus Unigenitus mentes sibi electorum hominum uniret. Unde & Joannes dicit: Sic enim dilexit Deus Mundum, ut Filium suum Unigenitum daret pro nobis. Qui ergo per charitatem venit ad homines, eandem Charitatem innotuit vestem esse nuptialem. Omnis ergo vestrum, qui in Ecclesia positus Deo credidit, jam ad nuptias intravit: sed cum nuptiali veste non venit, si charitatis gratiam non custodit. Et certe Fratres, si quis ad carnales nuptias esset invitatus, vestem mutaret, congaudere se Sponso & Sponsae ex ipso sui habitus decore ostenderet, inter gaudentes, & festa celebrantes despectis vestibus apparere erubesceret. Nos ad Dei nuptias venimus, & cordis vestem mutare dissimulamus. Congaudent Angeli, cum ad Caelum assumuntur electi. Qua ergo
mente



mente hæc spiritualia Festa conspiciamus, qui nuptialem vestem, idest charitatem, quæ sola nos speciosos exhibet, non habemus. Tu autem &c.

R. Sint lumbi vestri &c.

LECTIO IX.

Sciendum verò est, quia sicut in duobus lignis, superiore videlicet, & inferiore vestis textitur: ita in duobus præceptis charitas habetur, in dilectione scilicet Dei, & Proximi. Scriptum quippe est: Diliges Dominum Deum tuum ex toto corde tuo, & ex tota anima tua, & ex tota virtute tua, & proximum tuum sicut te ipsam. Quia in re notandum est, quia in dilectione Proximi mensura amoris ponitur, cum dicitur: Diliges proximum tuum sicut te ipsū. Dei autem dilectio nulla mensura constringitur, cum dicitur: Diliges Dominum DEUM tuum ex toto corde tuo, ex tota anima tua, ex tota virtute tua. Non enim jubetur quisque quantum diligat, sed ex quanto, cum dicitur, ex toto: quia ille veraciter Deum diligit, qui sibi de se nihil relinquit. Duo ergo necesse est ut charitatis præcepta custodiat, quisquis habere in nuptiis vestem nuptialem curat. Tu autem &c.

Ad Benedictus, Antiphona.

Ostendit mihi (Dominus) fluvium aquæ vivæ, splendidum tamquam crystallum procedentem de sede Dei, & Agni.

IN SECUNDIS VESPERIS.

Ad Magnificat, Antiphona.

Existimo omnia detrimentum esse propter eminentem scientiam JESU Christi Domini mei.

In Festo Beati LADISLAI de GIELNIOW.

Ordinis Minorum de Observantia.

Duplex 1ma Claf: sine Octava.

L 5

Omnia



*Omnia de Communi Confess: non Pontif: præter
Orationem, & Lectiones II. & III. Nocturni.*

O R A T I O.

DEUS, qui Beatum LADISLAUM religiosa perfectione voluisti omnibus præluce, concede propitius, ut ejus exemplo in virtutibus jugiter proficiamus. Per Dominum nostrum Jesum Christum &c.

In secundo Nocturno.

L E C T I O IV.

LADISLAUS in Oppido Gielniowii Diocesis Gnesnensis in Polonia natus, mira vitæ innocentia pueritiam transegit. Adhuc adolescens in Ordine Fratrum Minorum Observantium Sancti Francisci, quorum antiquam disciplinam Sanctus Joannes à Capistrano non diu ante in Polonia propagaverat, sollemnia vota nuncupavit. In arrepta religiosa perfectionis via ita profecit, ut absolutæ sanctitatis exemplar videretur. Assiduus jejuniis, & vigiliis corpus fuit: orationis, & contemplationis gratiâ, charitate, humilitate, aliisque religiosi hominis virtutibus maximè enituit, ac regularem inprimis observantiam ardenti zelo promovit.

Rp. Honestum &c.

L E C T I O V.

Cum cæteris, sanctitate, zelo, ac doctrinâ præluce, ad regimen sui Ordinis assumptus est: sapè Custedis Conventus Varsoviensis, & Vicarii Provinciæ Polonæ munus summa cum laude obivit. Divini verbi prædicationis operam navavit egregiâ. Præ aliis autem virtutibus obedientiam, ac propriæ voluntatis ablationem maximè coluit; cum enim ei Cœnobii optio daretur, & Socii, qui famularetur, è Superiorum nutibus pendere se velle professus est. Singulari pietate, ac devotione erga Christi Domini Passionem afflictebatur, quæ tam altè ipsius
menti



menti hærebat, ut illius memoriam suis in concionibus numquam omitteret. *R. Annuit &c.*

LECTIO VI.

Sacro Parasceves die cum de Dominica Passione ad Populum concionem haberet, eique Christi doctores, & cruciatus præ oculis poneret, sacratissimū Jesus Nomen ingeminans, in extasim raptus est, & super ambonam universo spectante populo elevatus. Mox languore correptus, plenus meritis, ac omnibus Ecclesiæ Sacramentis ritè, sanctoque refectus migravit ad Dominū quarto nonas Maij anno millesimo quingentesimo quinto, & in Ecclesia sui Ordinis Varsaviæ sepultus est. Ejus merita, & sanctitatem statim post mortem miraculis Deus comprobavit; præsentemque in suis calamitatibus opem agnoscences Poloni, & Litvani inter suos primarios Patronos Beatum Ladislaum adlegerunt. Ipsius cultū Summus Pontifex Benedictus Quartusdecimus ratum habuit, & Apostolica auctoritate amplificavit.

R. Iste homo &c.

In Tertio Nocturno.

LECTIO VII. CAP. 12.

Lectio S. Evangelii secundum Lucam.

In illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

De Homilia S. Petri Chrysologi Episcopi.

Hodie Dominus Evangelici gregis pusilla, & tenera primordia quam blanda exhortatione sit consolatus, audistis: Nolite timere, inquit, pusillus, grex, quia complacuit Patri vestro dare vobis regnum. Aufert spes anxias, dubios tollit eventus, omnemque propellit, & excludit timorem, quando in exordio ipsum regnum nascentibus pollicetur: Quoniam complacuit Patri vestro dare vobis regnū.

Quis



Quis de fructu, quis de vestitu, quis de plebeio censu, & vernalis cespitis utilitate suspirat? De regno certus, de dominatione securus, satis sibi invidet, qui elevatus ad summa ipse se ad humilia deiecit, ad egena deponit.

R. Iste est qui ante Deum &c.

LECTIO VIII.

Sed scire convenit, Pater iste quis est, vel qualis est, vel quod regnū filiis suis repromittit. Quis sit iste Pater, quotidie te continente, cognoscis, cum clamas: Pater noster qui es in Cœlis. Qualis autem sit, ipsa operum magnitudine pervidit: Ex nihilo fecit Cœlum, terram solidavit ex liquido, montes statuit, ad stateram, maria intra legitimos terminos, sola præcepti auctoritate, conclusit. Verum si regni, quod promittit pusillis, desideras noscere qualitatem, ipse aperit sic dicendo: finite parvulos venire ad me, talium est enim regnum Cœlorum.

R. Sint lumbi vestri præcincti &c.

LECTIO IX.

Esse in Cœlo mirum est, in Cœlo vivere est Majestatis: jam regnare in Cœlo quanti sit, sensus definit æstimare mortalis; & tamen homo, quod æstimare non potes, percipisti, Apostolo sic dicente: quod oculus non vidit, nec auris audivit, nec in cor hominis ascendit, quæ præparavit Deus diligentibus se; & quod te mereri dubitas: habere te, & possidere, jam cogeris confiteri. Quid ergo cum terra illi, qui possidet Cœlum? Quid illi cum humanis, qui adeptus est jam divina? Nisi fortè placeant gemitus, eliguntur labores, amantur pericula, pessima mors delectat, & illata mala bonis sunt gratiora collatis.

Tc Deum laudamus.

• In



In Festo S. JOSAPHAT E. M. Duplex.

O R A T I O.

OMnipotens sempiterne Deus qui Beatum JOSAPHAT palmâ Martyrii condecorando, Ecclesiæ Catholicæ Novum apud Te intercessorem providisti, quæsumus ut ejus meritis, & auxilio à malis omnibus liberati, Tuo Nomini studiosius serviamus. Per Dominum &c.

In secundo Nocturno.

L E C T I O IV.

BEatus JOSAPHAT Konezevius Martyr, natus est Anno Dni 1584. Volodomeriæ, ubi puer admodum, Scintillâ è Crucifixi Christi imagine adpectus ejus delapsâ, ad futuram Sanctitatem initiatum est. Juveniles Annos egressus, Vilnæ habitum, & disciplinam Religiosorum Ordinis S. Basilii magni, Ordinemque ad ades SS. Trinitatis, quam Uniti obtinebant, suscepit. Tu autem &c.

L E C T I O V.

DEinde Sanctæ memoriæ Valeriano Rucki se conjunxit, & cum illo plurimum in restauratione Ordinis S. Basilii, Russis ad unionem cum Sanctâ Romana Ecclesiâ revocandis laboravit, sui contemptor atque afflictor mirus, alienæ salutis, divinique honoris indefessus Zelator, Schismaticorum & hæreticorum ita fortunatus ad Ecclesiam aggregator, ut ab illis vulgo nuncuparetur Raptor animarum. Tu autem &c.

L E C T I O VI.

PRimum Archimandrita Vilnensis, deinde Archiepiscopus Polocensis, post multos labores & pericula suscepta, Virâ denique pro Sacra Unione posuit Vitepscii in Civitate suæ Diocesis Anno 1623. cum noctu in Orationibus in terra procumbens vacaret, à plebe Schismatica invasus, & in Dzvinâ sub-



submersus. Unde Corpus ejus extractum Polociæ in Cathedrali Ecclesia Sepultum est. In vita Virtutibus claruit, post mortem à Deo illustratus, ab Urbano VIII. Anno Domini 1642. Die 4. Decembris Beatorum Martyrum Cathalogo annumeratus est. Tu autem &c. *In 3. Noct: Hom: Super: Evang: Si quis vult post me venire.*

O C T O B E R.

In Festo B. VINCENTII KADŁUBEK de ROSIS Episcopi Cracoviensis & deinde Monachi professi in Monasterio Andreiovienſi Ordinis Cisterciensis. Officium sub Ritu Duplicis Majoris.

Omnia de Com: Conf: Pont: præter ea quæ sequuntur.

O R A T I O.

DEUS, qui B. VINCENTIUM Confessorem tuum, atque Pontificem spretis sæculi pompis humilitatis gloria decorasti; præsta quæsumus, ut tantæ virtutis proficientes exemplo, ejus meritis cœlestis gloriæ consortes efficiamur. Per Dominum nostrum &c.

In secundo Nocturno.

L E C T I O IV.

VINCENTIUS Kadłubkovius Polonus natus est, ut antiqua acta ferunt, in Villa Karwow Diocesis Cracoviensis Palatinatus Sandomiriensis ex vetustissima Rosarum Familia, Patre Bogumilo, Matre Benigna sanguinis claritate, & pietate illustribus, à quibus in Fide Catholica, & in timore Domini Sancte educatus plura edidit in ipsis teneris annis sanctitatis specimina, innocentia morum, jugi orandi studio, humilitate, modestia, ac prompta erga suos parentes obedientia. Adolef. ens factus Philosophicis, ac Theologicis studiis imbutus, cum literarum studio singularem pietatem semper copulans, otium, & pravorum consortia abhorrens, orationi addictus,

Sæcra-



Sacramenta frequentans, aliosque Christianæ pietatis actus forti animo exercens. Tanta Sanctimoniam vitam caput Fulco Episcopus Cracoviensis Vincentiū inter suos cooptavit, ejusque opera uisus est in regimine suæ Diocesis, cum præter eximiam vitam integritatem acriter etiam polleter ingenio, singularique prudentia: sacerdotio initiatus, euectus fuit ab eodem Episcopo ad Præposituram insignis Collegiæ Sandomiriensis, in qua dignitate omnes sui muneris partes adeo sancte adimplevit, ut exemplar factus modestiæ, castimoniæ, aliarumque virtutum promeruerit designari à Leſco Albo Poloniæ Rege in Oram, ut propiam Filiam Beatam Salomeā in sponsam deduceret ad Regem Haliciæ. Defuncto interea eodē Fulcone Episcopo Cracoviensi, assumptus ille fuit ad eandem sedem, electionem confirmante Innocentio III. Pontifice Maximo. Tu autem, &c.

R. Inveni David servum meum, oleo Sancto meo unxi eum: * Manus enim mea auxiliabitur ei.

Y. Nihil proficiet inimicus in eo, & filius iniquitatis non nocebit ei. Manus enim.

L E C T I O V.

IN Episcopatu exemplum se præbuit bonorum operum, & commissam sibi gregem pascens monitis, consiliis, scientia, verbo & exemplo ita infectatus est pravos populorum mores, ut collapsam pietatem in pristinum restituerit, Catholicæ Fidei insignis propagator, & Ecclesiasticæ jurisdictionis vindex acerrimus. Eximia inclarnit prudentia, charitate, mansuetudine, & misericordia in pauperes. Zelus domus Dei ita illum comederat, ut reparationi, & opportunitis Ecclesiarum proventibus impense consulens, nedum ex Mensæ Episcopalis redditibus, sed & de hæreditario patrimonio illas dotaverit. Eximiū verò
ejus



eius religionis argumentum fuit, dum insigne erogavit peculium, ut in Templo Cathedralis Cracoviensis lampas accensa coram Altaris Sacramento perpetuo affervaretur. Tu autem &c.

R. Posui adjutorium super potentem, & exaltavi electum de plebe mea: * Manus enim mea auxiliabitur ei. *Ps.* Inveni David servum meum, oleo Sancto meo unxi eum: Manus enim.

LECTIO VI.

DEcurrente verò decimo ejus Episcopatus anno Evangelicæ perfectionis cupidus in Religiosa castra secedere decrevit, ut Cœlestium rerum contemplationi, & rigidiori vitæ instituto vacare posset; Hinc forti animo precibus, & lacrymis devicta Capituli, & populi Cracoviensis contractione prævio beneplacito Pontificis Honorii III. omnia sua dispersit, ac dedit pauperibus: & Insignis Episcopalibus depositis coram Collegio Canonicorum Cracoviensium nudis pedibus proficiscens per decem leucas se contulit ad Cænobium Andreoviense, in quo Monasticam vitam Ordinis Cisterciensis professus est: ibique regulari observantia, jejniis, & cœlestium rerum contemplatione quinque jugitur annis omnibus præluxit, pluribus etiam supernaturalibus donis à Deo locupletatus. Plenus tandem dierum, & operû pretiosam in conspectu Domini mortem obivit die octava Martii anno 1223. Famâ Sanctitatis, & Miraculorum clarus. Ecclesiasticû ejus cultum ritè probatum confirmavit Clemens XIII. Pontifex Maximus, qui & has Lectiones proprias ejus in honorem recitandas concessit. Tu autem, &c.

R. Ille est qui ante Deum magnas virtutes operatus est & omnis terra doctrina ejus repleta est: * Ipse intercedat pro peccatis omnium populorum.

Ps. Ille



Ÿ. Iste est, qui contempſit vitam mundi, & per-
venit ad cœleſtia regna. Ipſe. Gloria Patri. Ipſe.

In Feſto B. JOANNIS CANTII Confefſoris P.R.P.
Duplex primæ Clafſis cum Octava.

*Omnia de Communi Confefſ: non Pontif: in primo
Ordine. Præter ea, quæ ſequentur.*

O R A T I O.

DA quæſumus Omnipotens, & miſericors DEUS
ut B. JOANNIS Confefſoris tui exemplò, mi-
ſericordiam aliis exhibentes meritis ejus apud te mi-
ſericordiam conſequamur. Per Dominum noſtrū &c.

In ſecundo Nocturno.

L E C T I O IV.

JOANNES in oppido Kanty Cracoviensis Diœceſis,
à quo CANTII cognomen duxit Stanislao & An-
na piis & honeſtis Parentibus natus, morum ſuavita-
te, ab ipſa infantia ſpem fecit maximæ virtutis. In
Univerſitate Cracoviensi Philoſophiæ ac Theologiæ
primum Auditor, tum per omnes Academiæ gradus
aſcendendo, Profeſſor ac Doctor, ſacrâ, quam annis
multis tradidit, doctrinâ, mentes audientium non
illuſtrabat modò, ſed ad omnem pietatem inflamma-
bat, ſimul docens ſcilicet, & faciens. Sacerdos fa-
ctus nihil de literarū ſtudio remittens, ſtudiū auxit
Chriſtianiæ perfectionis. Urque paſſim offendi Deum
maximè dolebat: ſic eum ſibi & populo placare, ob-
latò quotidie, non ſine multis lacrymis incruentò
Sacrificiò ſatagebat. Icuſienſem Parochiam annis
aliquot egregie adminiſtravit, ſed animarum peri-
culò commotus poſtea dimiſit: ac poſtulate Aca-
demia ad priſtinū docendi Officiū rediit. R. Honeſtū.

L E C T I O V.

Quidquid temporis à ſtudio ſupererat, partim ſa-
luti proximorum, ſacris præſertim Concionibus
curan-



curandæ, partim Orationi dabat, in qua cœlestibus quandoque visionibus, & colloquiis dignatus fertur. Christi verò Passioni sic afficiebatur, ut in ea contemplanda totas interdum noctes duceret insomnes, ejusque causâ melius recolendæ Hierosolimam peregrinatus sit; ubi & Martvrii desiderio flagrans, Turcis ipsis Christum Crucifixum prædicare non dubitavit. Quare etiam ad Apostolorum limina, pedes atque viaria onustus sarcina Romam venit, tum ut Sedem Apostolicam, cui maximè addictus fuit, honoraret, tum ut sui (sic enim agebat) purgatorii pœnas exposita illic quotidie peccatorum venia redimeret. Quo in itinere à latronibus olim spoliatus, & num quid haberet præterea, interrogatus cum negasset, aureos deinde aliquot suo insutos pallio recordatus, fugientibus hos etiam clamans obtulit latronibus; qui Viri Sancti candorem simul & largitatem admirati, etiam ablatos ultro reddidère. Alienæ famæ ne quis detraheret, descriptis Beati Augustini exemplò in pariete versiculis, se atque alios perpetuo voluit admonitos. Famelicos de suo etiam obsonio satiabat; Nudos autem non emptis modo, sed detractis quoque sibi vestibus & calceis operiebat. Demisso ipse interim usque ad terram pallio, ne domum nudipes redire videretur. *R.* Amavit eum &c.

LECTIO VI.

BRevis illi somnus, atque humi, vestis, quæ nuditatem, cibis, qui mortem duntaxat arceret. Virginalem pudicitiam velut lilium inter spinas, aspero coliciò, flagellis, atque jejuniis custodivit. Quin & per annos ante obitum triginta circiter & quinque, ab esu carnium perpetuo abstinuit. Tandem dierum juxta ac meritum plenus cum vicinæ, quam præsenſit, morti se diu, diligenterque præparasset; ne qua re amplius teneretur, si quid domi su-

pere-



pererat, id omne pauperibus distribuit. Tum Ecclesie Sacramentis rite munitus dissolvi jam cupiens, & esse cum Christo, pridie Nativitatis ejus in Coelum evolavit: Miraculis ante, & post mortem clarus, Mortuus ad proximam Academie Ecclesiam S. ANNÆ delatus est, ibique honorificè sepultus. Auscique in dies populi veneratione, ac frequentia inter primarios Poloniæ, ac Lithvaniæ Patronos religiosissimè colitur. *R.* Jste homo.

Infra Octavam Lectiones dicuntur, ut infra Octavam Sancti Stanislai Kostka.

In Festo S. JOANNIS à CAPISTRANO
Confessoris. Duplex minus.

Ant: ad Magnif: in utrisq; Vesp: & ad Benedictus.

O Zelator fidei, Persecutor Hæreticorum, lumen virtutū, Exterminator Turcarum, Prædicator egregie, Doctor populorum, Joannes fidelissime Ordinis Minorum, esto nobis præsidium è Regno Beatorum.

O R A T I O.

DEus, qui Ecclesiam Tuam Beati Joannis meritis, & doctrinis mirabiliter sublimasti, & per eum de perfidis Tyrannis in virtute Sanctissimi Nominis JESU, fideles tuos triumphare fecisti; præsta quæsumus, ut de inimicis nostris ejus intercessione prævalentes in terris, præmiari cum ipso mereamur in Coelis. Per Dominum nostrum Jesum Christum &c.

In primo Nocturno de Scriptura occurrente.

In secundo Nocturno.

L E C T I O IV.

Capistrani, Marforum Oppido in Diocesi Sulmonensi, ortus est Beatus Joannes, Anno Domini, 1385. In Gymnasio Perusino, Christianis, & liberalibus disciplinis instructus, aliquando rempublicam gessit; sed postea Dei monitu ad sanctius ministeriū



vocatus, in eadem Civitate Ordinem Fratrum Minorum, qui à Regulari Observantia nuncupatur, à se ferventissimis votis expetitur, quamvis repulsus, durisque, & publicis quoque experimentis probatus, maximè alacris amplexus est Anno ætatis suæ 29. In divinis literis Magistro usus est Beato Confessore Bernardino Senensî, quem pro Sacratissimo Nomine Jesu calumniis traductum, coram Martino Papa V. in Basilica Beati Petri Principis Apostolorum strenuè defendit, eundemque ipse, & Beatus Jacobus à Marchia, per Nicolaum V. in Sanctorum Confessorum Canonem postea referendum curavit, Joannis doctrinæ, asperriimæ poenitentiae, & sanctitatis famâ indies crescente, ad multas variasque Provincias, Christianos mores, disciplinamque verbo, & scriptis, quæ plurima edidit, instauratus, à Romanis Pontificibus ablegatur.

R. Honestum fecit illum Dominus, & custodivit eum ab inimicis, & à seductoribus tutavit illum :
* Et dedit illi claritatem æternam.

Y. Justum deduxit Dominus per vias rectas, & ostendit illi Regnum Dei. Et dedit.

L E C T I O V.

Contra hæreticam pravitatem generalis Inquisitor creatus, Fratricellorum sectam feliciter compescuit: Reatinos, & finitimos populos inter se odiis, armisque certantes eloquiî suavitate composuit. In Terris Romanæ Ecclesiæ citra Pharum, Joanna secunda Regina flagitante, Judaici fœnoris pravam licentiam evulsi. Martini V. Pontificis Maximi dormitionem, & Eugenii IV. (à quo pro magnis Ecclesiæ negotiis ad Insubres, Siculos, & alios mittitur) successionem prædixit. Aquilano Episcopatu recusato, munus prædicandi Evangelium obire non cessavit, inque plenario Florentinorum Patrû Conventu, velut Sol quidam fulsit. Romæ Judæorum
Syna-



Synagogæ Ministrum cum 40. Sectatoribus ad veritatis professionem reduxit. Ut hæreticos in sinum Ecclesiæ, & Principum animos in concordiam redigeret. Friderico III. Imperatore postulante, in Germaniæ partes à prædicto Nicolao mittitur.

R. Amavit eum Dominus, & ornavit eum, stola gloriæ induit eum: * Et ad portas Paradisi coronavit eum. V. Induit eum Dominus lorica fidei, & ornavit eum. Et ad portas.

L E C T I O VI.

IN Germania, Bohemia, Sarmatia, & Pannonia, sexennali peregrinatione, Hussitis, Adamitis, Taboritis, Hæbreis innumeris ad Christianam veritatem, doctrinæ, sanctitatis & miraculorum luce conversis, Dei gloriam mirificè auxit. Ætios quam plurimos sanavit, mortuos suscitavit, mutis loquelam restituit. Denique totam Christianorum Rempublicam periclitantem ab immani Turcarum tyranno defensurus, se pro Domo Jiræel murum opposuit, dum Callistus Papa III. Joanne potissimum deprecante, Christianorum Militum, signo Crucis illustrium, expeditionem in Turcas Europæ incubantes decernit, statimque Joanne Pannoniam, Transilvaniam, Moldaviam, Valachiam, instar fulguris pervolante, septuaginta millia Christianorum conscribuntur, Crucisque vixillum ipso præferente, de centum, & viginti millibus hostium, toto Orbe mirante, victoria reportatur. Joannes, his atque aliis præclarè gestis, ex corporis fatigatione lethali morbo contracto, Villacum, Pannoniæ inferioris Oppidum in agro Sirmienti defertur, ubi Sanctis Ecclesiæ Sacramentis, maxima Religione susceptis, Anno Salutis, Millesimo quadringentesimo quadragésimo sexto, decimo Kalendas Novembris, piè in Domino obiit. . Quem post obitum æquè, ac in vita multis



miraculis clarum Benedictus XIII. Papa, in Sancto-
rum numerum retulit.

R. Ille homo perfecit omnia, quæ locutus est ei
Deus; & dixit ad eum: Ingredere in requiem meam:
* Quia te vidi justum corā me, ex omnibus genti-
bus. V. Ille est, qui contempsit vitam mundi, &
pervenit ad Cœlestia Regna. Quia. Gloria Patri.
Quia.

In tertio Nocturno.

Homilia Vener. Bedæ Presbyteri in Evangelium.
Nolite timere pusillus grex &c: ut in Communi Con-
fessoris, non Pontificis 2do loco.

Missæ. Justus ut palma, cum Oratione propria:
Deus qui Ecclesiam tuam &c: ut supra.

NOVEMBER.

In Festo Beatæ SALOMÆ Virginis, Ordinis
S. CLARÆ duplex.

O R A T I O.

DEUS, qui in Beata SALOMEA terreni Regni
contemptum cum virginitatis candore in con-
nubio sociali, concede nobis quæsumus; ut ejus
exemplo tibi casto & humili corde servientes, im-
marcescibilem coronā gloriæ in cœlis consequi me-
reamur. Per Dominum nostrū Jesum Christum &c.

In secundo Nocturno.

L E C T I O IV.

SALOMEA regio sanguine Cracoviæ orta, Lesci
quinti Poloniæ Principis & Grimislavæ Ducissæ
Russiæ Filia, Boleslai Pudici Beatæ Cunegunda Vir-
ginis Sponsi soror, ab ipsa infantia singularibus à
Deo naturæ & gratiæ exornata donis, admiranda
futuræ sanctitatis præmonstravit indicia. Ex tunc
enim eluxit in ea optima indoles, & juncta morum
suavitati, maturitas; pietati verò supra ætatem ad-
dicta,



dicta, adhuc puellula virginitatem suam Deo statuerat consecrandam. Sed Parentum voluntati obsequi iussa, qui Procerum Poloniae permoti consilio, ad gravissima evitanda dissidia, precibus Andreae Hungarorum Regis annuerant, triennis in Hungariam abducitur, Colomano Regio Hungariae Principi desponsanda. Crevit ibi sub optima disciplina, in dies humanioribus literis & pietate proficiens; nuptiis subinde in legitima aetate celebratis, mutuo cum sponso consensu virginitatem suam (ut constans scriptorum traditio est,) perpetuo illibatam servavit; ejus integritati ut prospiceret, virorum colloquia declinans, triplici cilicio, jeuniis, vigiliis, & oratione se praeunivit.

LECTIO V.

Colomanô, Haliciae sceptro in Russiaposito, Salomea etiam in regali solio Christo humiliter saragens famulari, saeculi fastum exosa, splendidiorum, quo pro status sui ratione utebatur, ornatum deposuit; vis deinceps contenta indumentis, quae viduis dumtaxat gestare moris erat. Integras saepe noctes contemplationi intenta traduxit, inter quam aliquando coelitus emissâ voce, ad maiorem terrenarum rerum contemptum roborari promeruit. Sponso denique è vivis sublato, Cracoviam revertitur; ubi & regias opes in excitandis Fratrum Minorum Clarissarumve monasteriis, ac pauperum sublevandis inopiis insumpsit, & altioris perfectionis succensa desiderio, mundo nuntium remisit, ac Sanctae Clarae institutum in Zavichottensi professâ est monasterio in loco extructum Coenobium, quod Sanctae Mariae de Scala appellatur, una cum monialibus se contulit. Utrobique autem Abbatissae munere functa, in exacta religiosarum legum custodia, morificationis & patientiae studio se exercens, alumnis suis omniuna virtutum exemplar facta est & Magistra

LE-



LECTIO VI.

Completis autem viginti octo monastica vite annis, dum inter Missarum so'cinnia Evangelii lectioni, qua à teneris annis delectabatur, attenderet, extremo morbo corripitur, statimque mortem intra octiduū sibi imminere prophetico spiritu prænuntiavit; qua instante Sodales suas ad mutuz pacis; charitatis & castitatis amorem cohortata, cœlesti denique, Deiparæ, cum puero Jesu sibi appARENTE recreata visione, ad immaculati Sponsi nuptias feliciter evolavit, die decima septima Novembris, Annô salutis Ducentesimo Sexagesimo octavo supra Millesimum, ætatis suæ sexagesimo septimo. Animâ ipsius sub specie lucidissimi sideris ex ore prodeuntem se conspexisse adstantes Sorores memoriæ prodiderunt. Angelorum etiam concentus eadem hora auditi sunt. Percrebrescente autem ejus sanctitatis, & miraculorū fama, corpus septimo ab obitu mensē elevatum, & miro fragrans odore purissimoque liquore circumfufum, quo ægri peruncti statim sanati sunt, repertum, ad Cracoviensem Sancti Francisci Fratrum Minorum Ecclesiam (ut vivens optaverat) solemniter translatum, confluentes undique populi venerantur. Cultum hunc quatuor sæculorum decursu jugiter audū, riteque, recognitum Clemens Papa Decimus approbavit diemque obitus ipsius Ecclesiastico officio celebrandum indulfit.

In Feflo S. STANISLAI KOSTKA S. J.

Confessoris P. R. P.

Duplex 1ma Claf: cum Octava.

Omnia de Communi Confessoris non Pontificis in primo ordine, præter ea, quæ fequuntur.

O R A T I O.

DEUS, qui inter cætera sapientiæ tuæ miracula
etiam



etiam in tenera ætate maturæ sanctitatis gratiam contulisti; da quæsumus, ut Beati STANISLAI exemplo, tempus instantè operando redimentes, in æternâ ingredi requiem festinemus. Per Dominum.

In secundo Nocturno.

LECTIO IV.

STANISLAUS, Senatoria Kostkarum gente ortus in Polonia, quam olim esset militiam secuturus, nomen Jesu prænunciavit, parituræ matris gremio divinitus inscriptum. Virginitatem adhuc puer ita coluit, ut paterna in meria, si quid minus pudicè dictum audisset, præ horrore exanimis corrueret. Ad Viennense in Austria Seminarium studiorum causa missus non minus exemplo sodalibus, quam venerationi fuit. Coactus inde in Lutherani hospitis ades migrare, ibique à Paulo fratre ad liberiores vitam omni etiam asperitatum genere incitatus, domesticum bellum toto biennio constantissimè sustinuit, ad æterna se, non ad caduca natum affirmans. Itaque unicum illi erat rerum cœlestium desiderium, perpetua cum Deo consuetudo, cultus Deiparæ adeo tener, ut Matrem suavissimè appellaret.

Rp. Honestum fecit &c.

LECTIO V.

Quotidinæ fratris vexationi crebra ipse jejunia, flagella, aliosque infantis corpusculi cruciatus adiciens, lethalem in morbum incidit. Quo ingravescente, cum dæmonem horrendi canis specie insilientem signo Crucis ter fugasset, sacrum Viaticum, quod in hæretica domo decumbens frustra ab hominibus petebat, ab Angelis accepit. Mox ad pueri Jesu complexum à beatissima ejus Matre comiter admissus, ac Societati jussus nomen dare, subito convaluit. Sed cum aditum ad illam, Patris timor in Germania præcluderet, peregrini habitu solus, pe-



des, mendicus fugam arripit, certus non sistere, nisi voti compos fiat. Iter non uno Dei beneficio prosperum fuit. Nam præter alia, Pauli profugum fratrem jam aliquantisper equi nimis divinitus torpore confiterunt. Et Stanislaus Angelorum pane iterum Angelico Ministerio relictus, post duodecies centena passuum milia, tandem Romæ in S. J. à Sancto Francisco Borja Generali præposito meruit cooptari. *R. Amavit eum &c.*

LECTIO VI.

TIronis emerui virtutes in Religiosæ vitæ palestra splendidius eluxere: Charitas præsertim erga Deum, in quem assidue alienata a sensibus mente rapiebatur. Inde illi facies semper accensa, nonnumquam irradians, perennes lacrymæ, ardor pectoris tantus, ut media quoque hieme foret ingesta identidem gelida temperandus. Itaq; amore verius, quam febris æstuans, die Assumptæ in cælum Virgini sacro ad ejus triumphalem pompam propius, ut optaverat spectandum, ab ipsa Beatarum Virginum choro stipata vocatus est ex Quirinali Demo Probationis, anno innocentis vitæ decimo octavo, operum plenior quam dierum. Multis post obitum miraculis in sua præsertim Polonia enstuit; ejus armis contra formidabiles Turcarum exercitus spectabilis è cælo affuit non semel, & civitates alias peste, alias incendio liberavit. Quamobrem Clemens X. eum inter primarios totius Regni Patronos constituit. Benedictus verò XIII. (quod à Clemente XI. jam pridem fuerat decretum) in Sanctorum numerum retulit.

R. Iste homo &c.

Secunda die infra Octavam.

In primo Nocturno.

Lectiones ex Dominica præcedente.



In secundo Nocturno.

L E C T I O IV.

Sermo Sancti Joannis Chrysostomi.

*Sermone de Martyribus, quod aut imitandi,
aut non laudandi.*

Qui Sanctorum merita Religiosa charitate miratur, quique justorum glorias frequenti laude colloquitur: eorum mores Sanctos atque justitiam imitetur: quoniam, quem delectat Sancti alienius meritum, delectare debet par circa cultum Dei obsequium. Quare aut imitari debet, si laudat, aut laudare non debet, si imitari detrectat; ut qui alium laudat, laudabilem se reddat: & qui Sanctorum merita admiratur, mirabilis ipse vite sanctitate reddatur. Nam si propterea justos fidelesque diligimus, quod in ipsis justitiam, fidemque suspicimus, possumus nos quoque esse quod sunt, si faciamus ipsi quod faciunt. *R.* Honestum fecit &c.

L E C T I O V.

Neque enim difficile nobis est, quod ab ipsis geritur, imitari, cum sine precedenti exemplo ab antiquis talia gesta conspiciamus, ut non ipsi aliorum æmuli redderentur, sed æmulandæ virtutis se ipsos nobis præberent exemplum: ut, dum nos ex ipsis, & ex nobis alii proficiunt, sic Christus in suis semper servus in Ecclesia Sancta laudetur. Unde ab origine mundi innocens Abel occiditur, Enoch Deo placens transfertur, justus Noë invenitur, Abraham fidelis probatur, Moyses mansuetus dignoscitur: Jesus castus, David lenis, Elias acceptus, Daniel Sanctus, tres pueri victores redduntur. *R.* Amavit eum &c.

L E C T I O VI.

Apostoli discipuli Christi credentium Magistri habentur, è quibus eruditi Confessores fortissimi pugnant, Martyres perfecti triumphant, & Christia-



ni semper exercitus diabolum Deo armati debellant. In istis semper pares virtutes, dissimiles pugnae, gloriosa victoria. Unde tu Christiane delicatus es miles, si putas te posse sine pugna vincere, sine certamine triumphare. Exere vires, fortiter dimica, atrociter in praelio isto concerta. Considera pactum, & conditionem attende, militiam nosce: pactum quod spondidisti, conditionem qua accessisti, militiam cui nomen dedisti. *R.* Iste homo &c.

In tertio Nocturno.

LECTIO VII. CAP. 12.

Lectio S. Evangelij Secundum Lucam.

IN illo tempore: Dixit Jesus discipulis suis: Sint lumbi vestri praecincti, & lucernae ardentes in manibus vestris. Et reliqua.

Homilia 13. in Evangel.

Sed veniens Dominus, quid servis vigilantibus exhibeat, audiamus: Amen dico vobis, quod praecinger se, & faciet eos discumbere, & transiens ministrabit illis. Praecinger se, id est, ad retributionem preparabit. Et faciet illos discumbere, id est, in aeterna quiete refoveri. Discumbere quippe nostrum in regno quiescere est. Unde rursus Dominus dicit: Venient, & recumbent cum Abraham, Isaac & Jacob. Transiens autem Dominus ministrat, quia lucis suae illustratione nos satiat. Transire vero dictum est, cum de iudicio ad regnum redit.

R. Iste est, qui ante Deum &c.

LECTIO VIII.

Sed quid si servi in prima vigilia negligentes existunt? Prima quippe vigilia primae aetatis custodia est. Sed neque sic desperandum est, & à bono opere cessandum. Nam longanimitatis suae patientiam insinuans Dominus subdit: Et si venerit in secunda vigilia, & si in tertia vigilia venerit, & ita
inve-



invenerit, beati sunt servi illi. Prima quippe vigilia primævum tempus est, id est, pueritia. Secunda adolescentia vel juvenus, quæ auctoritate sacri eloqui unum sunt, dicente Salomone: Latere juvenis in adolescentia tua. Tertia autem senectus accipitur. *R.* Sint lumbi &c.

L E C T I O IX.

Qui ergo vigilare in prima vigilia noluit, custodiat vel secundam, ut qui converti à pravitatibus suis in pueritia neglexit, ad vias vitæ saltem in tempore juventutis evigilet. Et qui evigilare in secunda vigilia noluit, tertiæ vigiliæ remedia non amittat: ut qui in juventute ad vias vitæ non evigilat, saltem in senectute respiciat. Pensate, fratres charissimi, quia conclusit Dei pietas duritiam nostram. Non est jam, quid homo excusationis inveniat. Deus despicitur: & expectat: contemni se videt & revocat: injuriam de contemptu suo suscipit, & tamen quandoque revertentibus etiam præmia promittit. *Te Deum laudamus.*

Tertia die infra Octavam.

In primo Nocturno Lectiones de script: occur:

In secundo Nocturno.

L E C T I O IV.

De Sermone S. Joannis Chrysostomi.

De S. Philogon.

AD hanc beatam requiem transit Beatus STANISLAUS. Quænam igitur oratio par sit viri laudibus, quem Deus tam felici sorte dignatus est? Non est ulla. Sed age, dic mihi, num idcirco stuebimus, & cujus rei gratia convenimus? An dicemus nos haud posse magnitudinem gestorum oratione consequi? Atqui ob hoc ipsum necesse est dicere, quandoquidem hæc est præcipua laudum illius pars, quod
factis



factis verba æquiparari non possint. Nam quorum benefacta naturam etiam superant mortalem, perspicuum est, quod horum laudes excedunt linguam humanam. Haud tamen ob id aspernabitur officium nostrum, quod pro viribus præstamus; sed suum imitabitur Dominum. Siquidem & ille, viduæ duos tantum obolos deficienti in gazophylacium, non tantum duorum obolorum mercedem reddidit.

R. Honestum fecit &c.

LECTIO V.

Proinde, quamvis nostræ facultates exiguæ sint, minimique pretii, attamen, quæ possumus, offerimus. Ea licet non respondeant magnitudini meritorum animæ præclari, justique Stanislai, tamen hoc ipsum celsitudinis illius maximum fuerit argumentum, quod nec pusilla repellat; sed ibidem faciat, quod solent divites. Siquidem illi, cum acceperint à tenuibus exigua, quibus non egent: sua vicissim apponunt, remunerantes eos, qui quod poterant obtulerint. Idem & hic, cum acceperit à nobis laudem verbis peractam, qua nequaquam eget, redonabit nobis per ipsa facta benedictionem, qua semper uti possumus. *R.* Amavit cum &c.

LECTIO VI.

Unde igitur laudationem illius auspicabimur? An à magistratu, quem spiritus illi tradidit gratia? Nam mundani magistratus nequaquam possunt Christianorum demonstrare virtutes; quin potius frequenter habent accusationem malitiæ. Quæ ob causam? Quoniam & sollicitudines amicorum, & circumcursationes, & adulationes, aliaque permulta his foediora tales magistratus solent conciliare. Cæterum, ubi Deus suo suffragio designarit aliquem, incorruptum suffragium, alienum ab omni suspitione iudicium, indubitata fuerit dilecti comprobatio,

pro-

propter ejus, qui delegit, auctoritatem.

R. Iste homo &c.

In tertio Nocturno.

LECTIO VII. CAP. 12.

Lectio. S. Evangelii secundum Lucam.

In illo tempore: Dixit Jesus discipulis suis: Sint lumbi vestri præcincti, & lucerne ardentes in manibus vestris. Et reliqua.

Homilia S. Augustini Episcopi.

Sermone 108. in Lucam.

Aullistis modo Evangelium, quid monuerit nos, cautos nos faciens, volens esse expeditos & paratos ad expectanda novissima: ut post novissima, quæ sunt in hoc sæculo metuenda, succedat requies, quæ non habet finem. Beati qui participes facti fuerint. Erunt autem tunc securi, qui modo non sunt securi: & iteram tunc timebunt, qui modo timere nolunt. Ad hanc expectationem & propter hanc spem Christiani facti sumus. *R.* Iste est &c.

LECTIO VIII.

Nonne spes nostra non est de hoc sæculo? Non amemus sæculum. Ab amore sæculi hujus vocati sumus, ut aliud sæculum speremus & diligamus. In hoc abstinere nos debemus ab omnibus illicitis concupiscentiis, hoc est, lumbos accinctos habere debemus, & servare & lucere in operibus bonis, hoc est, lucernas ardentes habere. Dixit enim ipse Dominus discipulis suis alio loco Evangelii: Nemo accendit lucernam, & ponit eam sub molio, sed super candelabrum, ut luceat omnibus, qui in domo sunt. *R.* Sint lumbi &c.

LECTIO IX.

ET ut ostenderet, unde dicebat, subjecit, & ait: Sic luceat lumen vestrum coram hominibus, ut videant bona facta vestra, & glorificent Patrem vestrum,



strum, qui in coelis est. Ideo lumbos nostros accinctos esse voluit, & lucernas ardentes. Quid est lumbos accinctos? Declina à malo. Quid est lucere? Quid est lucernas ardentes habere? Hoc est: Et fac bonum. Quid est, quod adjunxit & ait: Et vos similes estote hominibus expectantibus Dominum suum, quando veniat à nuptiis: nisi quod in illo psalmo sequitur: Inquire pacem & sequere eam?

Te Deum laudamus.

Quarta die infra Octavam.

In secundo Nocturno.

L E C T I O IV.

De Sermone S. Joannis Chrysostomi.

QUantum autem sit pietatis argumentum, quod Deus illum tanto magistratu dignum judicaret, audi: Christus excitatus à morte, quid dicit Petro? Postquam enim illum interrogasset: Petre, amas me? isque respondisset: Tu Domine, scis, quod amo te; dicit illi: Si diligis me, pasce oves meas. Hoc autem dicebat, non solum ut nobis certissime declararet, quantopere ipsum diligeret Petrus; verum etiam ut palam faceret, quantam haberet benevolentiam erga suas oves. Itaque si quis voluerit illi commendatus esse, curam habeat ovium illius, publicam quaerat utilitatem, fratrum suorum saluti prospiciat.

Honestum fecit &c.

L E C T I O V.

NUllum enim Officium hoc Deo charius est, & ob id alicubi dicit: Simon, Simon, expecta te satanas, ut cribraret te tamquam triticum, sed ego rogavi pro te, ne deficiat fides tua. Quod igitur hujus sollicitudinis curæque præmium mihi rependis? Eandem curam, quam nobis impendit, reposit: Nam & tu, inquit, aliquando converius confirma
fra-



fratres tuos. Neque prorsus alia res est, quæ perinde declaret, doceatque, quis sit fidelis, & amans Christi, quàm si fratrum curam agat, proque illorum salute gerat sollicitudinem.

R. Amavit eum &c.

LECTIO VI.

HÆc omnes audiant, & Monachi, qui montium occuparunt cacumina, quique modis omnibus seipfos mundo crucifixerunt, quo pro viribus Ecclesiarum præfectos adjuvent, horumque curas leniant precibus, concordia, charitate, scientes quod nisi modis omnibus opitulentur iis, qui tot periculis obiciuntur, per gratiam Dei, totque negotiorum curas sustinent, quibuscumque possint rationibus auxiliantur quamquam procul habitantes, & victus fors ipsis periisset, & tota in scopulum impigisset sapientia.

R. Ille homo &c.

In Tertio Nocturno.

LECTIO VII. CAP. 12.

Lectio S. Evangelii secundum Lucam.

IN illo tempore: Dixit Jesus discipulis suis: Sint lumbi vestri præcincti & lucernæ ardentes in manibus vestris. Et reliqua.

De Homilia S. Augustini Episcopi.

Serm. 108. in Lucam.

HÆc tria, hoc est, abstinencia à malo & operatio boni, & spes præmii æterni commemorata sunt in Actibus Apostolorum, ubi scriptum est: Quia docebat eos Paulus de continentia, de iustitia & spe vitæ æternæ. Ad continentiam pertinet. Sint lumbi vestri præcincti. Ad iustitiam pertinet. Et lucernæ ardentes. Ad expectationem Domini pertinet, quæ est spes vitæ æternæ. Ergo, declina à malo, hæc est continentia, hi sunt lumbi accincti: Et fac bonum,



hæc est iustitia, hæ sunt lucernæ ardentes: *Quære pacem & sequere eam, hæc est expectatio futuri sæculi.*

R. Iste est &c.

L E C T I O VIII.

HAbentes autem ista præcepta & promissa, quid quærimus in terra dies bonos, ubi eos invenire non possumus. Scio enim quia eos quæritis, quando aut ægotatis, aut in tribulationibus estis, quæ abundant in isto sæculo. Quoniam quando ætas vergit ad finem & senex plenus est querelis, & nullis gaudiis. Inter omnes tribulationes, quibus conteritur genus humanum, non quærunť homines nisi dies bonos, & vitam volunt longam, quam hic habere non possunt.

R. Sint lumbi &c.

L E C T I O IX.

Quid ergo est vita hominis, etiam illa quæ longa dicitur? Audite, non à me, sed mecum simul, ait enim nobis quidam: Venite filii, audite me, timorem Domini docebo vos. Et quam rem vult docere, & cui rei utilis est timor Domini? Soquitur: Quis est homo, qui vult vitam & diligit videre dies bonos? Respondemus omnes: Nos volumus. Quod sequitur, audiamus: Cohibe linguam tuam à malo, & labia tua, ne loquantur dolum. Modo dic: Ego. Eja respondeat mihi aliquis. Ego. Ergo cohibe linguam tuam à malo, & labia tua ne loquantur dolum. Et cum hoc feceris, securus expecta vitam & dies bonos. Quare pacem & sequere eam; & tunc bona fronte dices Domino: Feci quod iussisti, redde quod promissisti.

Te Deum laudamus.



Quinta die infra Octavam.

In secundo Nocturno.

LECTIO IV.

Deridetur: ut in Breviario secundo loco.

In tertio Nocturno.

LECTIO VII. CAP. 12.

Lectio S. Evangelii secundum Lucam.

IN illo tempore: Dixit Jesus discipulis suis: Sine lumbi vestri præcincti, & lucernæ ardentes in manibus vestris. Et reliqua.

Homilia Sancti Petri Chrysologi.

Ex Serm: 24. post init.

NOVUS ordo vigiliarum, novus habitus imperatur: Sint lumbi vestri præcincti. Nil de vestitu, nil de calceamentis, nil de ipsis occurus apparatu servi vigiles admonentur: sed tota in præcingendis lumbis mandatur cura, tota in constringendis lumbis statuitur vis præcepti, addito lucernarum solatio tantum, sine quo nec noctis aperit obscuritas, nec venientis diei clarescit aspectus.

R. Ille est &c.

LECTIO VIII.

CIngulum quidem est propriè indicium servitutis, quod & discursus expeditos reddat, & faciat obsequentes, sed dixisse suffecerat: Estote præcincti. Cur lumbos potissimum nominat? Cur tanta jubentis reverentia lumborum facit magnoperè mentionem? Quærit quare? quia in lumbis est tota corporis causa, ex lumbis tota carnis negotia suscitantur, in lumbis tota est humani lapsus, humanæ fragilitatis occasio. Inde venit, quod virtutis ignaros reddit, efficit segniores.

R. Sint lumbi &c.



LECTIO IX.

Hinc est ergo, quod principaliter Dominus lumbos nostros astringi jubet balteo castitatis, & totum carnis nostræ pendulum, fluidum, resolutum, constringi mandat continue zona virtutis: ut carne succincta ad Domini occursum liber, velox, expeditus nostræ mentis reddatur incessus. Hæc tamen audiens homo scire debes, quia te non retardat ab occursum Dei caro: quia ipsius occursum officii ipsius est inseparabilis comes, si tu ejus componas sarcinas, si releves onera ejus, si pendula & sinuosa involucria ejus tu providus viator astringas.

Te Deum laudamus.

Sexta die infra Octavam.

In secundo Nocturno.

LECTIO IV. LIB: 10. CAP: 17.

Ex libro moral: Sancti Gregorii Papæ.

Bene justis simplicitas & lampas esse dicitur & contempta. Lampas, quia interius lucet, & contempta, quia exterius non lucet. Intus ardet flamma charitatis, foris nulla gloria resplendet decoris. Lucet ergo & despicitur, qui flagrans virtutibus, abjectus æstimatur. Sed usquequo lampas ita contemnitur: Usquequo despicibilis habetur? Numquid non fulgorem suum nullatenus exerit, & numquã, quanta claritate candeat, ostendit? Ostendit planè: nam protinus additur: Parata ad tempus statutum. Statutum quippe contemptæ lampadis tempus est extremi judicii prædestinatus dies, quo justus quisque, qui nunc despicitur, quanta potestate fulgeat, demonstratur.

R. Honestum facit &c.

LECTIO V.

Tunc enim cum Deo judices veniunt, qui nunc
pro



pro Deo injustè judicantur. Tunc eorum lux tantò latius emicat, quantò eos nunc manus persequentium durius angustat. Tunc reproborum oculis patefiet, quod coelesti potestate subnixa sunt, qui terrena omnia sponte reliquerunt. Unde electis Veritas dicit: Vos qui secuti estis me in regeneratione, cum sederit Filius hominis in sede majestatis suæ, sedebitis & vos super duodecim sedes judicantes duodecim Tribus Israel. Neque enim plus quàm duodecim iudices illa æterni confessus curia non habebit, sed nimirum duodenario numero quantitas universitatis exprimitur: quia quisquis stimulo divini amoris excitatus hic possessa reliquerit, illic procul dubio culmen judicariæ potestatis obtinebit.

R. Amavit eum &c.

L E C T I O VI.

Hinc est enim, quod de Sanctæ Ecclesiæ Sponso per Salomonem dicitur: Nobilis in portis vir ejus, quando federit cum Senatoribus terræ. Hinc Isaias ait: Dominus ad judicium veniet cum Senioribus populi sui. Hinc eosdem Seniores veritas non jam famulos sed amicos denunciat, dicens: Non jam dicam vos servos sed amicos meos. Quos Psalmista intuens ait: Mihi autem nimis honorati sunt amici tui Deus. Quorum dum celsitudinem cordis aspiceret, mundi gloriam qua calce calcarent, protinus addidit: Nimis confortatus est principatus eorum. Ac ne paucos esse crederemus, quos proficere usque ad summam tantæ perfectionis agnoscimus, illico adjunxit: Dinumerabo eos, & super arenam multiplicabuntur. Quot itaque nunc pro amore veritatis sese libenter humiliant, tot tunc in judicio lampades coruscant.

R. Iste homo &c.

N 3

In



In Tertio Nocturno.

LECTIO VII. CAP. 12.

Lectio Sancti Evangelii Secundum Lucam.

IN illo tempore: Dixit Jesus discipulis suis: Sint lumbi vestri præcincti, & lucernæ ardentes in manibus vestris. Et reliqua.

De Homilia Sancti Petri Chrysologi.

Serm: 24.

Constringenda est ergo caro continentiae cingulo, ne effusa vitiiis, ac toto peccatorum gravata pondere, supernis & coelestibus insistere non possit incensibus. Bonè ergo Dominus adjecit: Et lucernæ ardentes in manibus vestris; quia semper ad innocentiae testimonium lucernæ nocturno portantur in tempore: & sicut vitiiis amicae semper sunt tenebrae, ita lucernæ semper inimicae criminibus: sociae semper boni operis sunt lucernæ.

Rp. Iste est &c.

LECTIO VIII.

Sed in manibus Sanctorum ipsa bona opera sunt lucernæ dicente Domino: Sic luceat lux vestra coram hominibus, ut videant vestra bona opera, & magnificent Patrem vestrum, qui in cœlis est. Et verè portant lucernas suas, verè fomentis operum, verè misericordiae unguento inflammant lampades suas, quæ cum loco, proposito, studio latitant, opere, virtute coruscant, ac splendent toto orbe tartarum. Et quia expectationis suæ Dominus satis tristes, satis obnoxios noverat mores: ne quis superaretur tædio, ne quis lassesceret tarditare, ne quis longæ expectationis fatigatione succumberet, perseverantibus beatitudinem cœlestem cœleste promittit obsequium.

Rp. Sint lumbi &c.

LECTIO IX.

ET ne ipsius beatitudinis qualitas haberetur incerta,



certa, mox adjecit: Amen dico vobis, quia præcinget se, & faciet illos discumbete, & transiens ministrabit eis. Præcinget se Deus, & faciet servos discumbere, & ministrabit eis. En mutatio inaudita rerum, en terribilis correptio dominationis, en pavenda conversio servitutis: quia parumper servus attitit in Domini sui expectatione succinctus, & sustinendi fidem brevi fatigatione portavit; cui ut talionem redderet, dissimulat se in ipsa divinitate divinitas.

Te Deum laudamus.

Septima die infra Octavam.

In secundo Nocturno.

L E C T I O VI.

Sermo Sancti Bernardi Abbatis.

Sermone 1. de Victore.

SANCTI STANISLAI vita, & gloria specialis non ram ad gloriam, quàm ad virtutem provocat omnes, qui recto sunt corde. Non recti planè, sed perversi est animi ante quærere gloriã, quàm exercere virtutem, & velle coronari, qui legitinè non certaverit. Vanum est vobis, inquit, ante lucem surgere. Ita est: frustra ad celsitudinem nititur gloriæ, qui prius non claruit virtute: frustra fatuæ virgines sponso obviam surgunt, quarum lampades extinguuntur, & ideo fatuæ, quia vacuis gloriantur lampadibus, virtutis oleum non habentes.

R. Honestum fecit &c.

L E C T I O V.

VIRTUS gradus ad gloriam: virtus mater gloriæ est. Fallax gloria & vana est pulchritudo, quàm illa non parturivit. Stola est, cui gloria jure debetur, & securè impenditur. Sancto Stanislao nec virtus, nec gloria deest, sed quemadmodum ambæ res & quo



ordine in homine processerunt, id opere pretium in-
tueri. Habemus enim dilectissimi in vita Stanislai &
quod dignè meremur, & quod salubriter imitemur.
Tutius scilicet emulanda solida, quam sublimiora;
& quæ magis virtutem redoleant, gloriam minus.
Studeamus proinde moribus conformari, cui in mi-
rabilibus similari, etsi volumus, non valemus.

R. Amavit eum &c.

LECTIO VI.

ÆMulemur in viro sobrium victum, devotum af-
fectum: æmulemur mansuetudinem spiritus,
castimoniam corporis, oris custodiam, animi purita-
tem, ponere frenum iræ, & modum linguæ, dormire
parties, orare frequentius, commovere nosmetipsos
Psalmis, hymnis, & canticis spiritualibus, diebus
jungere noctes, & divinis laudibus occupare: æmu-
lemur charismata meliora, æmulemur, inquam,
quod extitit liberalis in pauperes, patiens ad pec-
cantes, benignus ad omnes. Hoc enim melius. In
his forma est, cui imprimamur, in miraculis glo-
ria, à qua reprimamur. Illa latificent, ista ædifi-
cent: moveant illa, ista promoveant.

R. Iste homo &c.

In tertio Nocturno.

LECTIO VII. CAP. 12.

LECTIO S. Evangelij Secundum Lucam.

IN illo tempore: Dixit Jesus discipulis suis: Sint
lumbi vestri præcincti, & lucernæ ardentes in ma-
nibus vestris. Et reliqua.

De Homilia S. Petri Chrysologi.

Sermone 24.

Discumbenti homini Deus astat, & astat in cœ-
lestibus: epulanti servo servit Dominus, &
servit accinctus: pueris suis, ministris suis ministe-
rium facit Christus: & facit in patris jam gloria
con-



constitutus. Homo calumniaris: est adhuc quod detulerit patri, qui tibi in terra lavando pedes extremum representavit obsequiū, & repromittit in coelestibus novissimam servitutem? Crede hæretice, & tu illi stude reddere talionem. Ille tibi in coelestibus parat convivium se ministro; & tu illi in terra non desinis continuas ingerere & generare blasphemias.

R. Ille est &c.

L E C T I O VIII.

Faciet & ille transitus suos, quia transiens ministrabit illis, de dominatione fidelium suorum ad pia transiet, & migrabit obsequia: ad te de misericordii patre severissimum transibit in judicem Confitentibus, expectantibus ministrabit epulas, ministrabit & tibi, sed dignam de tua negatione sententiam. Si in secunda & tertia vigilia venerit: vigilias mundus plures, tres tantum vigilias novit expectatio Trinitatis: quare tamen à secunda capit; & tacuit primam? Quia prima vigilia jam in ortu Dominice Nativitatis excefferat.

R. Sint lumbi &c.

L E C T I O IX.

Probant hoc pastores, qui dum supra gregem suum vigilant, gregis ipsam Pastorem in præsepio invenire, videre, tenere merentur & auctorem. Sed quæ sit secunda & tertia vigilia, requiramus. Sicut utique prima vigilia est sui ortus in carne, ita secunda est vigilia, qua nostra redit & resuscitatur in carne. Denique ne ad resurgentem veniat, annus excitatur & vigilat mundus. Tertia vigilia est illa, qua expectatio tota novissimo venientis finitur adventu, ut sicut ille resurrexit nobis, ita nos illi jam perpetuam resurgamus ad vitam.

Te Deum laudamus.

N 5

In



In die Octava.

In secundo Nocturno.

LECTIO IV.

De Sermone S. Bernardi Abbatis.

Serm: 2. de S. Victore.

GAudete in Domino dilectissimi, qui inter continua suæ pietatis beneficia indulget hominem mundo, cujus multi salventur exemplo: iterum dico, gaudete: quod factus de medio appropriavit Deo, ut multo plures ejus intercessione salventur. In terris visus est, ut esset exemplo: in cælum levatus est, ut sit patrocinio. Hic informat ad vitā, illic invitat ad gloriam. Factus est mediator ad regnum, qui fuit incitator ad opus. Bonus mediator, qui sibi jam postulans nihil, totum in nos transferre desiderat: & supplicantis affectum, & supplicationis fructum. Quid enim querat nisi, qui nullius eget?

Rj. Honestum facit &c.

LECTIO V.

HÆc dies gloriose migrationis ejus, dies lætitiæ cordis ejus: exultemus & lætemur in ea. Introivit in potentias Domini, gaudeamus, quia nunc potentior est ad salvandum. Hodie Stanislaus posito corpore, tanto alacrior, quanto expeditior, penetravit in Sancta, similis factus in gloria Sanctorum. Hodie despecto mundo & mundi principe triumphato supra mundum victor ascendit, accipiens de manu Domini coronam victoriæ. Ascendit aurem cum immensa suppellectili meritorum, clarus triumphis, miraculis gloriosus. Sedet veteranus miles, debita jam suavitate & securitate quietus, securus quidem sibi, sed nostri sollicitus. O venerandam etiam ipsis Angelis sanctitatem! quam pari studio, etsi dispari voluntate, & mali fugitant, & frequentant boni. Nec facile



facile dixerim, quid virum astruat sanctiorem, horum favor aut pavor illorum.

R. Amavit eum &c.

LECTIO VI.

OMiles emerite, qui Christianæ militiæ duris laboribus Angelicæ felicitatis requiem commutasti: respice ad imbelles & imbecilles commilitones tuos, qui inter hostiles gladios & spirituales nequitias, tuis laudibus occupamur. Quam piū, quam dulces, quam suaves, o Stanislaus; in hoc loco afflictionis, & in hoc corpore mortis te canere, te colere, te precari. Nomen tuum & memoriale tuum favus distillans in labiis captivorum, mel & lac sub lingua eorum, qui tui memoria delectantur. Eja ergo fortis athleta, dulcis Patrone, advocate fidelis, exurge in adiutorium nobis, ut & nos de nostra ereptione gaudemus, & tu de plana victoria glorieris.

R. Iste homo &c.

In tertio Nocturno.

LECTIO VII. CAP. 12.

Lectio 8. Evangelii secundum Lucam.

IN illo tempore: Dixit Jesus discipulis suis: Sint lumbi vestri præcincti, & lucernæ ardentes in manibus vestris. Et reliqua.

Homilia Sancti Fulgentii Episcopi.

Ex Sermone de Confess.

SI istum Domini sermonem secundum litteram velimus accipere, nihil in eo commodi spiritualis possumus invenire: quid enim proficit ad animæ salutem, si aliquis corporaliter aut lumbos præcingat, aut lucernam accendat? In lumbis itaque concupiscentia carnalis ostenditur, in lucernis verò fides, & charitas Christiana monstratur. Jubens igitur Dominus lumbos nostros præcingi, concupiscentias carnis sine dubio præcipit refrænari. Imperans autem,



ut lucernas ardentes habeamus, hoc utique jubet, ut & lumine vere fidei splendeamus, & Sanctæ charitatis operibus ferveamus.

R. Iste est &c.

LECTIO VIII.

ISta, quæ Evangelio proposuimus: cum prophetiis sermonibus conferamus. Utrumque enim testamentum Deus instituit, unus Dominus dedit: etsi sunt utriusque testamenti diversa pro temporibus Sacramenta; concordat tamen in utroque salutis humane sententia, qua præcipitur, ut non peccemus, & jubetur, ut bonis operibus insistamus. Per Isaiam Dominus omnes his admonet verbis: Auferre malum cogitationum vestrarum ab oculis meis, quiescite perverse agere, discite bene facere. Quid est enim: Sint lumbi vestri præcincti, nisi, quiescite agere perverse? quid est: Sint lucernæ ardentes, nisi, discite bene facere.

R. Sint lumbi &c.

LECTIO IX.

Dicitur de Homilia in Evang: Dominica.

Te Deum laudamus.

DECEMBER.

In Festo S. BARBARÆ Virginis & Martyris.

O R A T I O.

Intercessio quasumus Domine, Beatæ BARBARÆ Virginis & Martyris tuæ, ab omni nos adversitate protegat, ut per ejus interventum, gloriosissimum Sacrosancti Corporis & sanguinis Domini nostri JESU Christi Sacramentum ante diem exitus nostri, per veram penitentiam, & puram confessionem percipere mereamur. Qui tecum vivit & regnat, &c.

In

*In secundo Nocturno.*

LECTIO IV.

BARBARA Virgo Nicomedientis Dioskori nobilis, sed superstitiosi hominis filia, per ea, quæ visibilis facta sunt, ad invisibilia. Divina opitulante gratia facile pervenit. Quæ propter soli Deo, rebusque Divinis vacare capit. Eam Pater, utpote forma venustiore nitentem, à quocunque virorum occursum tutari cupiens, turri includit, ubi pia Virgo meditationibus, & precibus addicta, soli Deo, quem sibi in Sponsum delegerat, placere studebat. Oblata à Patre pluries nobilium connubia fortiter sprevit: Pater vero per sui absentiam filiae animum posse facilius emolliari consilens, iussit primo balneum extrui, ne quid ei decisset ad commoditatem: deinde peregre in exteras regiones profectus est.

LECTIO V.

Absente patre, iussit BARBARA duabus fenestris, quæ in turri erant, tertiam addi, in honorem Divinæ Trinitatis, labiumque balnei Sacrosanctæ Crucis signo muniri, quod ubi rediens Dioscorus inspexit, audita novitatis causa, adeo in filiam excanduit, ut stricto ense eam appetens parum absuerit, quin eam dirè confoderet: sed præsto adfuit Deus: fugienti BARBARÆ saxum ingens se patefaciens, viam aperuit, per quam montis fastigium petere, & in specu latere potuit, sed paulo post, cum à nequissimo genitore reperta fuisset, ejus latera pedibus, dorsumque pugnis immaniter percussit, & criminibus per loca aspera difficilesque vias raptatâ Marciano Præsidi puniendam tradidit.

LECTIO VI.

ITaque ab ipso omnibus modis, sed in cassum tentatam nudam nervis cedi, & inflicta vulnera testibus confricari, deinde in carcerem trahi præcepit;

ubi



ubi immensa luce circumdatus ei Christus apparens, mirificè confortatam in passionum tolerantia confirmavit; quod advertens Juliana matrona ad suam conversa, ejusdem palmæ particeps effecta est. Barbaræ demum ferreis unguibus membra laniantur, facibus incenduntur, & malleolis caput contunditur; quibus in cruciatibus consortem consolabatur & hortabatur, ut ad finem usque constanter certaret. Præcis tandem utrique uberibus, nudæ per loca publica tractæ capite plectuntur. Filiæque cervicem ipse scelestissimus pater humanitatis expers propriis amputavit manibus cujus fera crudelitas non diu indulta remansit, nam statim eo ipso loco fulmine percussus interiit.

In tertio Nocturno.

LECTIO VII. CAP. 25.

Lectio Sancti Evangelii secundum Matthæum.

IN illo tempore: Dixit JESUS Discipulis suis parabolam hanc: Simile erit Regnum Cælorum decem Virginibus, quæ accipientes lampades suas exierunt obviam sponso & sponsæ. Et reliqua.

Homilia Sancti Joannis Chrysostomi.

Homilia 79. in Matthæum circa medium.

Post ingentes labores, post incredibiles, sudores & accerrimas pugnas, post trophæa, quæ de naturæ rabie statuerunt resurgunt cum dedecore, & lampadibus earum extinctis: terram aspicientes recedunt. Nihil sane tenebrosius: est, quam virginitas oleo carens, unde sic vulgo multi immisericordes tenebrosos solent appellare. Quid igitur ex virginitate lucrata sunt, quæ nec sponsum quidem viderunt, nec saltem ad pulsandum usque pervenerunt, sed terribile illud verbum audire: Abite, nescio vos.

R. Hæc est Virgo sapiens &c.

L E.



LECTIO VIII.

Quod cum ipse dixerit: nihil aliud quam gehenna & intolerabilis cruciatus relinquitur: imò vero etiam gehenna istud verbum gravius est: hoc verbum operantibus etiam iniquitatem dixit: Vigilate, quia nescitis diem, neque horam. Crebro id repetit ut ignorantiam exitus ab hac vita, utilem esse ostendat. Ubi sunt ergo qui per totam vitam desidia torpescunt, & quando à nobis admonentur, respondere non dubitant omnia se pauperibus moriendi tempore relicturos?

Rz. Media nocte, &c.

LECTIO IX.

Audiant hæc verba, & emendent se; multi enim abeundi tempus expectantes, ita repente rapti sunt, ut nec inungere suis quidquam potuerint. Sed hæc quidem parabola ejus eleemosynæ gratia, quæ cum pecunia conficitur, dicta est. Cur autem hæc Parabola Sponsum adducit? Ut videas, quantum virginibus Christus afficitur iis, quæ sua pauperibus erogant: hæc enim & vera virginitas est. Nam & Paulus huic rei hanc descriptionem attribuit dicens: Innupta sollicita est de iis, quæ Domini sunt ut sit Sancta corpore & spiritu.

Tē Deum laudamus.

OFFICIUM

In Festo Translationis ALMÆ DOMUS
B. Mariæ Virginis.

Duplex Majus.

Ad Vesperas, Antiphona.

Domum tuam, cum reliquis de laudibus, infra.

Psalms. Dixit Dominus, cum reliquis ut in Officio parvo B. Virginis Mariæ.

Capi-



Capitulum Eccl: 24.

IN omnibus requiem quæsi, & in hereditate Domini morabor. Tunc præcepit & dixit mihi Creator omnium: & qui creavit me, requievit in tabernaculo meo.

H Y M N U S.

AVe maris Stella, prout in Officio parvo B. Virginis *MARIÆ*.

y. Hæc est Domus Domini firmiter edificata.

ky. Bene fundata est supra firmam patram.

Ad Magnificat, Antiphona.

Sanctificavit Dominus tabernaculum suum: quia hæc est Domus Dei, in qua invocabitur nomen ejus, de quo scriptum est: Et erit nomen meum ibi, dicit Dominus.

O R A T I O.

DEUS, qui Beatæ Virginis *MARIÆ* Domum per incarnati Verbi mysterium misericorditer consecrasti, eamque in sinu Ecclesiæ tuæ mirabiliter collocasti: concede, ut segregati à tabernaculis peccatorum, digni efficiamur habitare in Domus Sanctæ tuæ. Per eundem Dominum &c.

Et non fit Comm: Ost: Concut.

Ad Matutinum Invitatorium.

Salvatore mundi in Domo Virginis de Spiritu Sancto conceptum: * Venite adoremus.

Psalmus. Venite exultemus.

Hymnus. Cœlestis Ubs Jerusalem: prout in Festo Dedicationis Ecclesiæ.

In primo Nocturno.

Antiph: Elevata est magnificentia tua super Cœlos.

Psalm: Domine Dominus noster, cum reliquis prout in Officio parvo B. V. *MARIÆ*.

Antiph:



Antiph: In sole posuit tabernaculum suum, & ipse tanquam Sponsus procedens de thalamo suo.

Antiph: Quis ascendet in montem Domini? aut quis stabit in loco Sancto ejus? innocens manibus, & mundo corde.

Ps. Domum tuam Domine decet sanctitudo.

R. In longitudinem dierum.

Pater noster.

Absolutio. Exaudi Domine.

Ps. Jube omne benedicere.

Benedict: Benedictione perpetua.

LECTIO I. CAP. 8.

De libro tertie Regum.

STetit autem Salomon ante Altare Domini in conspectu Ecclesiæ Israel, & expandit manus suas in Cælum, & ait: Ergone putandum est, quod verè Deus habitet super terram? Si enim Cælum, & Cœli Cœlorum te capere non possunt, quanto magis domus hæc, quam ædificavi? sed respice ad Orationem servi tui, & ad preces ejus, Domine Deus meus: audi Hymnū & Orationem, quam servus tuus orat coram te hodie: ut sint oculi tui aperti super Domum hanc nocte ac die: super Domū de qua dixisti: Erit nomen meum ibi: ut exaudias deprecationem servi tui, & populi tui Israel, quodcumque oraverint in loco isto; & exaudies in loco habitaculi tui in cœlo, & cum exaudieris propitius eris.

R. Vidi speciosam sicut columbam, ascendentem desuper rivos aquarum: cujus inæstimabilis odor erat nimis in vestimentis ejus: * Et sicut dies verni circumdabant eam flores rosarum, & lilia convallium.

Ps. Quæ est ista quæ ascendit per desertum sicut virgula fumi, ex aromatibus myrrhæ & thuris? Et sicut dies.



L E C T I O II.

SI fugerit populus tuus Iſrael inimicos ſuos (quia peccaturus eſt tibi) & agentes pœnitentiam, & conſistentes nomini tuo, venerint, & oraverint, & deprecari te fuerint, in Domo hac: exaudi in Cœlo, & dimitte peccatum populi tui Iſrael, & reduces eos in terram, quam dedisti patribus eorum. Si clauſum fuerit Cœlum, & non pluerit propter peccata eorum, & orantes in loco iſto, pœnitentiam egerint nomini tuo, & à peccatis ſuis conuerſi fuerint, propter afflictionem ſuam: exaudi eos in cœlo, & dimitte peccata ſervorum tuorum, & populi tui Iſrael: & oſtende eis viam bonam, per quam ambulent, & da pluuiam ſuper terram tuam, quam dedisti populo tuo in poſſeſſionem.

R. Quæ eſt iſta, quæ aſcendit ſicut aurora conſurgens, pulchra ut luna, electa ut Sol: * Terribilis ut caſtrorum acies ordinata.

Ÿ. Filia Sion tota formoſa, & ſuavis eſ, pulchra ut luna, electa ut Sol. Terribilis ut.

L E C T I O III.

SI quis cognoverit plagam cordis ſui, & expanderit manus ſuas in Domo hac, tu exaudies in cœlo in loco habitationis tuæ, & repropitiaberis, & facies ut des unicuique ſecundum omnes vias ſuas, ſicut videris cor ejus (quia tu noſti ſolus cor omnium filiorum hominum) ut timeant te cunctis diebus, quibus vivunt ſuper faciem terre, quam dedisti patribus noſtris. Inſuper & alienigena, qui non eſt de populo tuo Iſrael, cum venerit de terra longinqua propter nomen tuum, (audietur enim nomen tuum magnū, & manus tua fortis, & brachium tuum extenſū ubique) cum venerit ergo, & oraverit in hoc loco, tu exaudies in cœlo & firmamento habitaculi tui, & facies omnia, pro quibus invocaverit te alienigena: ut diſcant



disceant universi populi terrarum nomen tuum time-
re, sicut populus tuus Israel, & proberit, quia no-
men tuum invocatum est super Domum hanc.

R. Quæ est ista, quæ processit sicut sol, & formo-
sa tanquam Jerusalem: * Viderunt eam filia Sion,
& beatam dixerunt, & Regina laudaverunt eam.

Ps. Et sicut dies verni circumdabant eam flores
rosarum, & lilia convallium. Viderunt.

Gloria Patri. Viderunt.

In secundo Nocturno.

Antiph. Diffusa est gratia in labiis tuis, propte-
rea benedixit te Deus in æternum, & in sæculum
sæculi.

Antiph. Sanctificavit tabernaculum suum Altissi-
mus.

Antiph. Homo natus est in ea, & ipse fundavis
eam Altissimus.

Ps. Domine dilexi decorem Domus tuæ.

R. Et locum habitationis gloriæ tuæ.

Pater noster.

Absolutio. Ipsius pietas.

Ps. Jube domne benedicere.

Benedict. Deus Pater Omnipotens.

L E C T I O IV.

Sermo Sancti Bernardi Abbatis.

Sermone 52. de diversis

Sapientia, quæ Dei erat, & Deus erat de sinu Pa-
tris ad nos veniens ædificavit sibi Domum, ipsam
scilicet Matrem suam Virginem Mariam, in qua se-
ptem columnas excidit. Quid est in ea septem colu-
mnas excidere, nisi ipsam dignum sibi habitaculum
fide & operibus preparare? nimirum ternarius nu-
merus ad fidem propter Sanctam Trinitatem, qua-
ternarius pertinet ad mores propter quatuor princi-
pales virtutes. Quod autem in beata Maria Sancta



Trinitas fuerit, dico per præsentiam Majestatis, ubi solus Filius erat per susceptionem humanitatis, testatur Nuntius cœlestis, qui ei arcana mysteria reserans, ait: Ave gratia plena, Dominus tecum; & post pauca: Spiritus Sanctus superveniet in te, & virtus Altissimi obumbrabit tibi. Ecce habes Dominum, habes virtutem Altissimi, habes Spiritum Sanctum, habes Patrem, Filium & Spiritum Sanctum.

R. O quam metuendus est locus iste: * Verè non est hic aliud nisi Domus Dei, & Porta cœli.

Y. Hæc est Domus Domini firmiter adificata, benè fundata est supra firmam petram. Verè non.

L E C T I O V.

Utrum autem, & quatuor principales virtutes, tanquam quatuor columnas possederit, inquisitione dignum videtur. Primum ergo videamus, an fortitudinem habuerit, quæ nimirum virtus quomodo illi abesse potuit, quæ abjectis sæcularibus pompis, spretisque voluptatibus carnis, soli Deo in virginitate vivere proposuit? Ni fallor hæc Virgo est, quæ apud Salomonem legitur, mulierem fortem quis inveniet? procul, & de ultimis finibus pretium ejus. Porro, quod temperans, & iusta fuerit, ex Angeli colloquutione, & sui ipsius responsione, luce clarius comprobamus. Salutata quippe tam venerabiliter ab Angelo: Ave gratia plena, Dominus tecum: non se extulit, quasi quæ ex singulari gratiæ privilegio benediceretur, sed siluit, & qualis esset insolita hæc salutatio, secum cogitavit. Qua in re, quid, nisi temperans fuit? at verò, cum de cœlestibus mysteriis ab eodem Angelo doceretur, diligenter quæsit, quomodo conciperet, & pareret, quæ virum utique non cognosceret; & in hoc sine dubio prudens exiit.

R. Fundata est Domus Domini supra verticem
mon-



montium, & exaltata est super omnes colles: * Et venient ad eam omnes Gentes, & dicent, Gloria tibi Domine.

ψ. Venientes autem venient cum exultatione, portantes manipulos suos. Et venient.

LECTIO VI.

Justitiæ autem præferebat insigne, ubi se ancillam Domini confitetur; nam quod justorum sit confessio, testatur qui ait: Verumtamen justi confitebuntur nomini tuo. Fuit igitur Beata Virgo MARIA fortis in proposito, temperans in silentio, prudens in interrogatione, justa in confessione. His itaque quatuor morum columnis, & tribus fidei prædictis extruxit in ea sibi Domum Sapientia cœlestis, quæ adeo mentem ejus replevit, ut de plenitudine mentis fecundaretur & caro. Ipsius autem Virginis natalis Domus divinis mysteriis consecrata, Angelorû ministerio ab infidelium potestate in Dalmatiâ prius, deinde in Agrû Lauretanû Picenæ Provinciæ translata fuit, sedente Sancto Cœlestino quinto: eandemque ipsam esse, in qua verbum Caro factum est, & habitavit in nobis, tum Pontificiis diplomatibus, & celeberrima totius Orbis veneratione, tum continua miraculorum virtute & cœlestium beneficiorum gratia comprobatur. Quibus permotus Innocentius Duodecimus, quo ferventius erga Matris amantissimæ cultum Fidelium memoria excitaretur, ejusdem Sanctæ Domus Translationem anniversaria solemnitate in tota Piceni Provincia veneratam, Missâ etiâ, & Officio proprio celebrare præcepit.

R. Domus mea Domus orationis vocabitur, dicit Dominus: in ea omnis qui petit, accipit; & qui quærit, invenit: * Et pulsanti aperietur.

ψ. Petite & accipietis: quærite, & invenietis. Et pulsanti. Gloria Patri. Et pulsanti.



In tertio Nocturno.

Antiph: Tollite hostias, & introite in atria ejus, adorare Dominum in aula Sancta ejus.

Antiph: Viderunt omnes populi, gloriam ejus.

Antiph: Cantate Domino canticum novum; quia mirabilia fecit Dominus, Alleluja.

Ps. Domum tuam Domine decet sanctitudo.

Rp. In longitudinem dierum.

Pater noster.

Absolutio. A vinculis.

Ps. Jube domne benedicere.

Benedict: Evangelica lectio.

L E C T I O VII. C A P: I.

Lectio Sancti Evangelii secundum Lucam.

IN illo tempore: Missus est Angelus Gabriel à Deo in Civitatem Galilee, cui Nomen Nazareth, ad Virginem desponsatam viro, cui nomen erat Joseph, de domo David, & nomen Virginis Maria. Et reliqua.

Homilia Sancti Bernardi Abbatis.

Ex Homil: 3. super Missus est.

QUæ est hæc Virgo tam venerabilis, ut salutetur ab Angelo; tam humilis, ut desponsata sit Fabio? Pulchra permixtio Virginitatis, & humilitatis, nec medioeriter placet Deo illa anima, in qua & humilitas commendat virginitatem, & virginitas exornat humilitatem: sed quanta putas veneratione digna est, in qua humilitatem exaltat secunditas, & partus consecrat virginitatem? Audis Virginem, audi humilem? laudabilis virtus virginitas, sed magis necessaria humilitas; illa consulitur, ista præcipitur.

Rp. Diffusa est gratia in labiis tuis: * Propterea benedixit te Deus in æternum.

Ps. Myrrha, & gurra, & casia à vestimentis tuis, à domibus eburneis, ex quibus te delectaverunt filie Regum in honore tuo. Propterea.

L E-



LECTIO VIII.

Ex Homil: 2. super eodem loco.

Missus est, inquit. Angelus ad Virginem; Virginem carne, Virginem mente, Virginem professione, Virginem denique, qualem describit Apostolus, mente & corpore Sanctam, nec noviter, nec fortuito inventam, sed à sæculo electam ab Altissimo præcognitam, & sibi præparatam, ab Angelis servatam, à Patribus præfiguratam, à Prophetis promissam, ut pauca loquar de pluribus, quam sibi alià prædixisse Deus videtur, quando ad serpentem ait: Inimicitias ponam inter te, & mulierem? Et si adhuc dubitas, an de Maria dixerit, audi quod sequitur: Ipsa conteret caput tuum: cui hæc servata victoria est, nisi Mariæ?

R. Beata es Virgo MARIA, Dei Genitrix, quæ credidisti Domino, perfecta sunt in te quæ dicta sunt tibi: ecce exaltata es, super choro. Angelorum: * Intercede pro nobis ad Dominum Deum nostrum.

Y. Ave MARIA, gratia plena; Dominus tecum. Intercede. Gloria Patri. Intercede.

LECTIO IX.

Ex Homil: 3. super eodem loco.

ET ingressus Angelus ad eam, dixit: Ave gratia plena, Dominus tecum. Quo ingressus ad eam? Puto in Sacrum pudici cubiculi, ubi illa fortassis clauso super se ostio orabat Patrem in abscondito. Solent Angeli adstare orantibus, & delectari in his, quos vident levare puras manus in oratione. Holocaustum Sanctæ devotionis gaudent se offerre Deo, in odorem suavitatis. MARIA autem orationes quantum placuerint, in conspectu Altissimi, Angelus indicavit, qui ingressus ad eam tam reverenter salutavit.

Te Deum laudamus &c.



Ad Laudes, & per Horas.

Antiph: Domum tuam Domine decet sanctitudo in longitudinem dierum.

Psalms: Dominus regnavit, cum reliquis de Dominica.

Antiph: Domus mea, Domus orationis vocabitur; in ea omnis qui petit, accipit; & qui quærit, invenit: & pulsanti aperietur.

Antiph: Propter Domum Domini Dei nostri quæsi bona tibi.

Antiph: Domine Deus exaltasti super terram habitationem meam.

Antiph: Domum Majestatis meæ, & locum pedum meorum glorificabo.

Capitulum. In omnibus requiem, ut supra.

Hymnus. Alto ex Olympi, prout in Festo Dedicationis Ecclesia.

℣. Introibimus in tabernaculum ejus.

℞. Adorabimus in loco, ubi steterunt pedes ejus.

Ad Benediclus, Antiphona.

Ecce tabernaculum Dei cum hominibus, & habitabit cum eis, & ipsi populus ejus erunt, & ipse Deus cum eis erit eorum Deus.

O R A T I O.

Deus qui Beatæ Mariæ Virginis, ut supra.

Ad Primam in ℞. brevi dicitur.

Qui natus es de MARIA Virgine.

Ad Tertiam.

Antiph: Domus mea.

Capitulum.

In omnibus requiem quæsi, ut supra.

℞. breve. Hic Domus Dei est: • Et Porta Coeli.

Hic Domus.

℣. Et vocabitur Aula Dei. Et Porta.

Gloria Patri Hic Domus.

℣. Do-



Y. Domine dilexi decorem Domus tuæ.

R. Et locum habitationis gloriæ tuæ.

Ad Sextam.

Antiph: Propter Domum Domini.

Capitulum.

Et sic in Sion firmata sum, & in civitate sanctificata similiter requievi, & in Jerusalem potestas mea. Et radicavi in populo honorificato, & in parte Dei mei hereditas illius, & in plenitudine Sanctorum detentio mea.

R. *breve.* Domine: * Dilexi decorem Domus tuæ. Domine.

Y. Et locum habitationis gloriæ tuæ. Dilexi. Gloria Patri. Domine.

Y. Domum tuam Domine decet sanctitudo.

R. In longitudinem dierum.

Ad Nonam.

Antiph: Domum Majestatis meæ.

Capitulum.

In plateis, sicut cinnamomum & balsamum aromatizans odorem dedi: quasi myrrha electa dedi suavitatem odoris.

R. *breve.* Domum tuam Domine: * Decet sanctitudo. Domum.

Y. In longitudinem dierum. Decet sanctitudo.

Gloria Patri. Domum.

Y. Hic Domus Dei est, & Porta Cœli.

R. Et vocabitur Aula Dei.

In II. Vesperis, omnia ut in primis, præter

Antiphonam sequentem.

Ad Magnificat, Antiphona

O quam metuendus est locus iste! verè non est hic aliud, nisi Domus Dei, & Porta Cœli.

O R A T I O. *Ut supra.*

J N D E X

FESTORUM HUIUS PROPRII.

J A N U A R I U S.

DOMINICA II. POST EPIPHANIAM. folio.
Sanctissimi Nominis JESU - - - 3

F E B R U A R I U S.

S. Brigida Virginis P. R. P. - - - 16
S. Scholastica Virginis - - - 19
S. Ildephonsi Episcopi Confessoris - - - 21

M A R T I U S.

S. Joannis de Deo Conf: - - - 23

A P R I L I S.

S. Isidori Episcopi & Conf: - - - 26
S. Adalberti Ep: Mart: P. R. P. - - - 30
 DOMINICA II. POST PASCHA.
SS. Sepulchri D. N. J. C. - - - 34
 DOMINICA III. POST PASCHA.
Festum Patrocinii S. Joseph - - - 45

M A J U S.

DOMINICA II.
In Festo Gratiarum Beate MARIAE Virg: - 55
S. Joannis Nepomuceni Mart: - - - 65

J U N I U S.

Officium Sanctissimi Cordis D. N. JESU C. 69

J U L I U S.

S. Josephi Calasancii - - - 81
S. Joannis de Dukla - - - 98
S. Camilli de Lellis Conf: - - - 102
S. Simonis de Lignica Conf: - - - 106
S. Hieronymi Emiliani Conf: - - - 108

J U.



AUGUSTUS.

<i>S. Joannæ Franciscæ Fremiot de Chantal</i>	-	112
<i>Officium Proprium S. Joachim</i>	-	115

SEPTEMBER.

<i>Officium Sanctissimi Nominis B. V. M.</i>	-	137
<i>S. Josephi à Cupertino Conf:</i>	-	163
<i>S. Ladislai de Gielniow</i>	-	169
<i>S. Josaphat E. M.</i>	-	173

OCTOBER.

<i>S. Vincentii Kadlubek de Rosis</i>	-	174
<i>S. Joannis Cantii Conf:</i>	-	177
<i>S. Joannis à Capistrano Conf:</i>	-	179


NOVEMBER.


<i>S. Salomeæ Virginis</i>	-	182
<i>S. Stanislai Kostka Conf:</i>	-	184


DECEMBER.


<i>S. Barbaræ Virginis & Martyris</i>	-	204
<i>Officium Translationis Almæ Domus B.V.M.</i>	-	207

















Biblioteka Jagiellońska



stdr0025038

